



BIBLIOTHECA  
UNIV. JAGELL.  
CRACOVENSIS

35766

I

Mag. St. Dr.

P

katkomp.

THEOLOGIA.


N.

936.

Biblioteka Jagiellońska



stdr0000847




35766

I

IX. e. 39.






~~reb:~~  
~~70/870~~  
~~J.~~

P


C



*Bassan Bonaventura*



PAROCHI-  
ANVS  
OBEDI-  
ENS.



PAROCHI  
SV  
O B E D I  
E N S





PAROCHIANVS  
OBEDIENS

S I V E

De duplici debito Parochi-  
anorum, audiendi, scilicet, Missam, &  
verbum DE I, in sua Parochiâ, sal-  
tem diebus Dominicis & Festis ma-  
ioribus stante commoditate.

Per R. P. B. B. C. P. <sup>ascan</sup>

DE DEBITO AUDIENDI  
*verbum Dei.*



Primum DVACI. Postea ROTHOMAGI, Apud IO-  
ANNEM DELA MARE, in gradibus Palatij,  
M. DC. XXXV.

---

Deindè POSNANIÆ,  
In Officina ALBERTI REGVLI,  
Sumptib: Rēdi Matthæi à Zgierz, Vicedecani  
Posnań: Parochi Biezdry Anno Dñi 1647.

# PAROCHIANVS OBEDIENS TIVE

De duplici debito Parochii  
anorum, videlicet, de Missis, &  
verbum Dei, in sua Parochia, tal-  
tem diebus Dominis & Festis non  
solum, sed etiam commoditate.


Per R. P. B. C. P.  
DE DEBITO ANDIENDI  
verbum Dei.



Primus D. de Bonn, April 10.  
ANNUM 1811, in gratia Parochii.  
M. T. C. XXXV.

Debitum POSTMANIAE,  
in Officina ALBERTI REGERI,  
Sungit: et in Matthei & Ziegler, Nischen  
Folger: Tausch Bicker: Anno 1811.









36( ) 90  
Præfatio

*Illustriſſimi & Reuerēdiſſimi Domini,  
Dñi Episcopi Poſnaniensis ad Clerum,  
Diœceſis ſuæ.*

A N D R E A S  
D E S Z O Ł D R Y  
S Z O Ł D R S K I  
Dei & Sanctæ Sedis Apoſto-  
licæ gratiâ,  
E P I S C O P V S  
P O S N A N I E N S I S.

Vniuerſis & Singulis Parochis Curatis, &  
non Curatis, totiꝫ Clero Diœceſis Po-  
ſnaniensis, Salutem in Domino.

VENERABILES FRATRES.

**T**ABESCERE fecerat olim Pro-  
phetam zelus DEI; comederat  
zelus Domus DEI: nec mirum; Nihil

## Præfatio.

visu audituq; miserabilius, quàm abominatio desolationis in loco sancto, in eo præsertim, qui vitam & misericordiam tribuit, qui nascentes in regione umbræ mortis illuminat, qui denigratam super carbones animarum faciem lauacro regenerationis emundat, de cuius plenitudine accipimus uniuersi, verbo, qui mater est. Erat sanè quod diuinissimum Vatem angeret, illa sancta sanctorum negligi, siue contemni potius à populo, qui quidquid victoriarum, honorum, benedictionũ, cælo propitio obtinuerat, totum quantum quantum erat, iis debebatur. Sed prologium nostrorum temporũ illud erat. Rari sunt etiam hodie, qui loco sancto, nimirum Ecclesiis nostris parochialibus, filialem affectum exhibeant. Imo qui maternos ipsius frequentant sinus, iam vel ingenij vilioris censurantur



## Præfatio.

tur, vel status. Planè filij matris suæ, deserunt eam gratis, si non etiam oppugnant, dum quos ipsa primo nascentes exordio, vitæ, celo, seu parturiit, seu signauit, hanc illi vel ignorantia condemnant, vel eludunt contemptu, vel quod peius est odio prosequuntur. Omnino sedet sola Ciuitas plena populo, facta est quasi vidua domina gentium. *Via Sion lugent, ed quodd non sit, qui veniat ad solennitatem, omnes porta eius destructa, sacerdotes eius gementes, & ipsa oppressa amaritudine. Triticum nostrum cum palcis, vinum nostrum amarum, eloquium non dulce. Nemo est cui frangamus panem, nemo qui veniat ad fontem aquæ viuæ, nemo qui materna vbera contorqueat. Si mater est, ubi sunt filij? si domina, ubi serui? si magistra, ubi discipuli? Quorsum ouile*  
a 4 sine

## Præfatio.

*sine armento? ad quid pastores absq<sup>ue</sup> ouibus? cur exedra, sine studio? Vita, sine animæ subsidio? Completum est in nobis illud Prophetæ, duo fecit mala populus meus, me dereliquerunt fontem aquæ viuæ, & foderunt sibi cisternas, cisternas dissipatas, quæ continere non valent aquas. Cum enim passim, non nisi in Capellis Religiosorum, siuè Verbi Dei studium, siuè Sacramentorum ardor, siue sacro-sancti sacrificij desiderium, ab omnibus quæritur, dolendum nobis est quòd Parochiales Ecclesiæ, quæ ad tremendum Dei Tribunal, rationem commissi sibi gregis reddituræ sunt, nouer care videntur, & tanquam alienum quid vel inops ab omnibus deseruntur. Quamobrem cum incidisset in manus nostras liber cui titulus Parochianus Obediens, olim ad mentem Sanctissimi illius Præsulis*



## Præfatio.

*fulis lucidissimi purpurati Collegij Sideris, cui (teste grauiſſimo Bellarmino) non est inuentus ſimilis, qui conſeruaret legem & piſcopalem, Caroli inquam Borromæi conſcriptus, & qui potiſſimū ad ſupremam obſeruatiæ Sacro-ſancti Concilij Tridentini collimare videtur metam, non ſine vtiliſſimo argumenti uſu faciendum duximus, ut idem liber ex utilitate totius Chriſtiani populi, potiſſimum verò Diœceſis noſtræ (cui licet indigni præpoſiti ſumus) è Typographia noſtra iterum ederetur. Eum verò ita uſui omnium & ſtudio commendamus, uti ipſa materiei dignitas, & animarum neceſſitas poſtulat. Hinc quilibet veſtrū agnoſcet, quantum à recto conſcientiæ tramite illi deuiant, qui veſtras Eccleſias non frequentant, vel ſaltem diebus Dominicis & feſtis, Sacrificio miſſæ, &*

## Præfatio.

*Verbo Dei audiendo, non inter sunt, ex-  
inde ad notitiam omnium promanabit, ad  
hæc non sine scrupulo conscientia teneri  
quemlibet, imo ipsi Religiosi intelligent,  
se ad eam populo insinuanda & docenda,  
omnino Sacro-sancto Ecclesie Dei præ-  
cepto necessitari. Valete.*

*Admo-*



Admodum Reuēdis in CHRISTO Patribus,  
Dñis Decanis Foraneis seu Ruralibus

ARCHIDIACONATVVM  
Diœcesis Poſnaniensis.

vt potè

IN ARCHIDIACONATV  
Poſnaniensi.

R. MATTHÆO ZIELEZINSKI,  
Parocho ad S. Martinum, Decano  
Foraneo Poſnaniensi.

R. IOANNI ŁASKARSKI, Parocho  
Solecenſi, Dec: Forâ: Szrodenſi.

R. BLASIO STANIEWSKI, Parocho  
Ciężymenſi, Dec: For: Pyzdren:

R. VALENTINO BARYCZKA,  
Eccleſiæ Collegiatæ Schamotulienſis,  
& For: Obornicenſi Decano.

R. ALBERTO MANVSZEWSKI,  
Præpoſito & Dec: For. Czarkouiê:

R. STANISŁAO GRZYBOWSKI, Parocho  
Goslinêſi, Decano For: Rogoźnêſi.

R. Io.

R. IOANNI POSNANIEN: Parocho  
Słupensi, Dec: For: Steszeuieni.

R. GASPARO SRODANO Parocho  
Czerlelinēsi, Dec: For: Coltrzynēsi.

IN ARCHIDIACONATV  
*Srzemenſi.*

R. MATTHIÆ OSMANIO Parocho  
Dolſceni, Dec: For: Szrzeni.

R. BARTHOLOMÆO WIECZORKOWSKI,  
Parocho Rydziniēsi, Decano Fo-  
raneo Crobensi.

R. ADAMO BYDZIECKI, Præposito  
Borceni, & Dec: For: Coſminiēsi.

R. PAVLO SKORCZEWSKI, Paro-  
cho Czempiniēsi, Decano Fora-  
neo Coſteni.

R. PETRO COSTIO, Parocho &  
Decano Foraneo Nouomeſteni.

R. IACOBO WOITYNOWICZ, Pa-  
rocho in Mniſka Gorka, Decano  
Foraneo Smiglenſi.

R. Io-



R. IOANNI TVCHOLIO, Parocho  
Włoszakouiensi, Decano Foraneo  
Wschouensi.

IN ARCHIDIACONATV  
*Psczeuensi.*

R. ANDREÆ POMORZANSKI, Pa-  
rocho Psczeuensi, Zbąszynensi, seu  
Medirecensi Decano Foraneo.

R. MARTINO DOBRZYĆ, Paro-  
cho & Decano Foraneo Gro-  
dźiscensi.

R. CHILIANO RADOWICZ, Paro-  
cho & Decano Foraneo Luoue-  
censi seu Wronecensi.

IN ARCHIDIACONATV  
*Varfauiensis.*

R. BLASIO CASIMIRO GŁOWNIA,  
Præposito Kozłouiensi, Decano  
Foraneo Sochaczewiensi.

R. 103



R. IOANNI PEŁCZYNSKI, Paro-  
cho & Decano Mszczonouiensi.

R. ADAMO ARCISZEWSKI, Ca-  
nonico Regulari, Præposito & De-  
cano Foraneo Bionensi.

R. ALBERTO WOLICKI, Philoso-  
phiæ Doctori, Parocho Osmolinen:  
Dec: Foraneo Gambinensi.

R. IOANNI GOŁYSZA, Philosoph:  
Bacal: Parocho & Decano Foraneo  
Piaszecinensi.

R. IACOBO ZAWISZA à Drwalewiec  
Magnuszeuien: Wrociszeuien: &c.  
Parocho & Decano Foraneo  
Warecensi.

R. ALBERTO KALISZ, Parocho  
Grebkouienfi, Decano Foraneo  
Liuenfi.

R. IOANNI MILANOWSKI, Præ-  
posito Pariszeuien: Decano Fora-  
neo Garwolinensi.

R. AN-

R. ANDRÆ WILSKI, Parocho &  
Decano Foraneo Grodecensi.

*Dñis & Fratribus Obseruandis.*

**Q** Vid ego strenæ nomine  
Fraternitatibus Vestris  
dedicarem, præter Parochi-  
anum obedientem, non in-  
ueni. Rarum munus, ideoq;  
speronon ingratum. Paro-  
chianos numeramus pluri-  
mos: nec assero inobedien-  
tes: illud dico; in tam magna  
non inobedientium copia,  
obediētes paucissimos. Mi-  
nima pars ouium proprias  
caulas frequentant; adeò di-  
spersæ in montibus, pascua  
altiora expetunt, vt in suis o-  
uili-



uilibus, dolendum! sit, tantam victus abundantiam præteriri. Si vitæ, si neglectus Officij Nostri, vitium esset, non mirarer: aliquando enim optima iura vacillant, vbi qui iuribus inuigilant, ea in seipsis profligant. Verum cum & Pastoris nostri, & Vicariorum ipsius, non desit sedulitas, præteriri nos tantò dolemus amplius, quantò sincerius laboramus. Non est priuati commodi minister labor noster. in extrema pauperie fidelissimè deseruimus, vt nemo miretur iustum dolorem, quem & ratio expref-

pressit, & status. Sed non  
tam contemptus hoc, quam  
ignorantiæ vitiū puto. Sem-  
per hæc olim. nunc etiam  
quemlibet excusat à pecca-  
to. Ne tamen excusationes  
in peccatis amplius obtun-  
damus, Parochianum Obe-  
dientem vobis quasi post li-  
minio præsentavi. Exierat il-  
le ante hæc à magno editus  
viro, quem in sæculo licenti-  
atum Sacræ Theologiæ, re-  
ligiosa deinceps Capucino-  
rum toga contexit. Sed ut  
omnes dilabimur, sic opus  
hoc eximium penè interie-  
rat. Suscitavit illud Pastoris



nostri, sedula vigilantia, cuius  
erga Parochiales Eccle-  
sias non intermoritura soli-  
citus, lucernam accendit  
operi & studio. Ergo quàm  
dignum fuerit illud ab inte-  
ritu vindicari, æstimabunt  
Fraternitates Vestræ, cum  
legent benignè, quorum a-  
mori Fraterno me impensif-  
simè deuoueo. Posnaniæ iv.  
Non. Ianuarij. A. Dñi 1647.

*Admodū RR. DD. V.V.*

*Seruus in Christo*

MATTHÆVS à ZGIERZ  
Vicedecanus Posnaniensis  
Parochus Biezdroniësis.



DIVO PETRO  
APOSTOLO,  
PRIMO A CHRISTO  
PONTIFICI SUMMO  
DEDICATORIA.

**V**icarie Christi Domini Sanctissime, Tu es  
Petrus, & super hanc Petram, inniti fa-  
cio hanc prolem eximiam, est illa quidem concepti-  
onis alienae, & indubiè, obstetricationis tuae, at ve-  
rò susceptionis & gestationis meae de cathedra ad  
praelium, de labro ad librum. Charum & rarum  
pignus: iam nuper forti latere, & zelo personue-  
rat de sede tua Petrensi Duacena, pro sede tua Ro-  
mana: imò & in multorum animis fructum facie-  
bat intercessu & impetratione apud Deum tua.  
Nunc verò, quia visum est grauissimis Doctoribus  
& vtriusq; Regiae in Belgio nostro, Vniuersitatis  
Professoribus Theologis, dignum luce, ut lucem fa-  
ciat veritati, Parochiarum populis tam necessaria,  
& heu? nimis offuscata: subita quodammodo luce  
mibi protinus affulsit, Beatissime Petre cogita-




io tui: nec disceptatum est vel momento, sed ele-  
uato illico ad calos mentis oculo, & quasi facto vo-  
to, volui esse tuum titulo honoris & gratia prote-  
ctionis. Et verò qui congruentius, cui tutius dice-  
tur? res est Pastorum hæc tractatio, res Episcopo-  
rum, res Ecclesiarum, res omnium populorum: Ti-  
bi, proinde, conuenientissimè (sciat nesciat Eccle-  
siastes Author operis) munus hoc sistitur, tessera  
muneris tui. Tui qui es primus, post Saluatorem,  
Pater populorum, Pastor Pastorum: Præses Ecclesi-  
arum: Episcopus Episcoporum, Romanæ sedis Apex  
eminentissimus: & Uniuersalis, per totum Orbem,  
Ecclesiæ iudex & Sponsus amantissimus. Et cui  
etiam, ut dicebam, tutius? cum enim aggredieris  
patrocinari potentior es modò gloriose regnans in  
celis, quam quondam adhuc peregrinans in terris;  
& quid est quod potentè te facit vel maximè? nonne  
amor! Vtiq; fortis est ut mors dilectio; dura sicut  
infernus æmulatio. Videamus quantum amaueris;  
quantum æmulatus fueris; pro sponsa tua mystica  
in hoc exilio, scimus omnes quid interrogari te Do-  
minus, semel; bis & tertio: amas me? amas me?  
diligis me plus his! intelleximus quid teridem re-  
petitionibus responsaris: Etiam Domine, tu  
scis quia amo te: Etiam Domine, tu scis  
quia amo te: Deniq; (contristatus) Domine,  
tu omnia nosti, Tu scis quia amo te. Et,  
quasi

quæso, super quo toties vergebaris, tentabaris de amore? Procul dubio super ouibus, super agnis; hoc est super omnibus, Ecclesiæ membris, Episcopis & plebibus. Itaq; amor tibi clauēs dedit: populos Christi sanguine emptos subiecit: Ecclesiā desponsauit: Dominus te quidem, num fortiter eam diligeres, interrogauit mitibus verbis: sed post hac sponsæ Amor interrogauit te virgis & carceribus, vinctulis & catenis plaga & sanguine: tu respondisti ad singula semper optimè, non clamore sed silentio: non vindicando sed patiēdo, ita planè, respondisti non lingua sed corde: non eloquio, sed incendio & appensus es in statera, sed crucis: vbi inuentus es quidem minus habens quam Dominus ( ille enim pendens, caput sursum, tu habebas deorsum ) verumtamen plus, quàm alius quiuis excepta Dei matre: ideo enim toto capite infra vergebas quia infra relictas oues vehementer amabas, & iisdem, cura, voce, manu, osculo, oculo, & amplexu etiam moriens, propior esse affectabas. Porro si tam potens eras viribus Amoris ad sponsam, dum tibi hic adhuc angustiabantur vasa carnis: quantæ modo es, in amore, potentiæ, ibi sursum, vbi, immenso quodam modo, tuæ dilatantur spatia charitatis? Eat igitur hic libellus in clientelam tuam, quia fortis es vt protegas, pergat quaquā versum in omnes Dioceses, ciuitates & Pagos confidenter Petrum fronte gerēs,



Petri amorum Paranympbus, sponsæ Petri Tabellarius fidus, qui doceat eam diligere, venerari, suspicere, eius sacræ gubernationi filialiter subesse, præceptis obaudire, Statutis colla submittere, monitionibus flecti, consiliis duci. Eò videlicet tendit, dum de duplici debito suo, verbi scilicet & Missæ, parochianos & parochianas omnes commonefacit, negligentiam vellicat, ignorantiam abstergit, veritatis viam pandit, voluntatem Ecclesiæ palam facit, & Parochiarum Ecclesiis splendorem suum, iuxta Canones & Pontificum Bullas fidelissimè restituit: Faue igitur Beatissime Apostolici Senatus Princeps, faue, & omnibus Præconibus, huius tuæ tutelæ commissi libelli, tutissimam doctrinam, pro suggestu spargentibus, omnibus Parochis eius proximis curantibus, vniuersis Parochianis obedientibus, Pontificiæ beneficium benedictionis impende, & mente Polum, ut orat Ecclesiæ, omnes nos trāsferrere satage. Ea sunt vota & seria suspiria pauperuli Clientuli tui, qui simul cum hoc alieno fœtu, sua & seipsum tuo pientissimo patrocínio in perpetuum humiliter addicit.

R. M. A. M. H. D. A. P.



## AD PAROCHOS

ET PAROCHIANOS.

**D**omini Pastores ac fideles Parochiani,  
statim ac tractatum hunc diligenter  
conquisitum præ manibus habere potui, &  
subiectam materiam eiusque necessariam  
tractationem expendi, illicò è re Pastoria,  
esse existimaui eum venire in lucem quoquo  
modo ipsomet Concionatore licet inscio,  
cùm enim pro comperto haberemus eum  
esse magno DEI, pietatis & veritatis zelo  
& studio, prudentiæ & doctrinæ sufficien-  
tia præditum vtpote sacræ Theologiæ Li-  
centiarum in sæculo, & regium Duaci Phi-  
losophiæ Professore acutissimum & post-  
modum inter Patres Capucinos eiusdem  
Philosoph. & Theolog. in Conuentu Leo-  
diensi Lectorem & tanquam Cameraci sta-  
tionarium prædicatorem sub tempus Con-  
cilij provincialis vltimi Cameracensis pu-  
blicè coram populo & præcipuis cathe-  
dralis Ecclesiæ Dominis officarijs concio-  
nes hoc tractatu contentas elocutum esse,



immo duobus Episcopis synodi illius tunc  
adhuc durantis visas & perlectas fuisse &  
placuisse, putavi vel inde satis superque  
constare posse de futura utilitate impressi-  
onis quam quo citius potui prosequutus  
sum in fauorem vestri & promotionem bo-  
ni publici. Valete in Domino & mei in sa-  
crificiis & precibus vestris memores esto-  
re.

*Vester ex animo R. O. B. Abb. Henn.*

— † —

LITTERÆ IPSIVSMET  
PRÆDICATORIS AD  
amplissimum & expertissi-  
mum virum Dominum.

D. ANDREAM TREVIGIVM,  
Serenissimæ suæ celsitudinis à Consiliis  
& Medicinæ Doctorem, has Conciones  
Parochiales scriptas videre ac legere ve-  
hementer desiderantem.

**A**mplissime Domine. Benedicite mihi. Ve-  
stras accepimus quibus conciunculas nostras quas de  
debito Parochianorum hoc anno 1631. Cameraci sub tem-  
pora Concilij Prouincialis ibidem celebrati in pleno con-  
uentu stationis ordinariæ cum Dei gratia pronunciauimus,  
vobis ad aliquot dies transmitti videndas & percurrendas  
desiderabitis, ignoscite si non ita promptè respondimus  
votis vestris, visum est enim nobis, ne tædium aliquod in  
lectione ipsarum concionum, prout iacebant, pateremini  
eas potius in formulam compendiosi cuiusdam tractatus  
redigere, simplicissimi tamen & per modum quæstiuncula-  
rum & ad eas responsionum collecti, sic enim scrupuli, &  
dubia commodius enodantur & doctrinæ clariùs faciliùsq;  
comprehenditur: hæc igitur vobis transmitto, lectioni ac  
iudicio vestro plenè confido, addite, emendate, delete:  
Omnia mea vestra sunt, & quoniam semper vereri soleo




ne aliquid inſit quod vel tantillum Religioſam modeltiam  
dedecet : rogo vos de hoc me monere cum omni Chriſtia-  
na liberalitate & lubentiſſimè quibuſcunq; correctionibus  
veſtris acquieſcam. Scit enim Dominus quo zelo & fine  
de ſubiecto hoc pro ſuggeſtu ſub illud Prouinciale Conci-  
lium dixi vrgentibus etiam me hortatu ſuo piſſimo erudi-  
tiſſimis & primariis Eccleſiaſticis viris. Ideo enim impri-  
mis rem hanc tractaui in parochia ſtationali vt obedirem  
Sacroſancto Conc. Trid. Item Bullæ Clementis octauæ qua  
nobis Regularibus artè ex authoritate Apoſtolica præci-  
pitur frequenter in concionibus & catecheſibus noſtris hor-  
tari & monere populum ad reuerentiam Parochorum Miſ-  
ſamq; eorum audiendam, diebus infra dicendis. Secun-  
dò, vt diuinam ſacerrimamq; Sedis Apoſtolicæ, & Eccle-  
ſiæ Chriſti Domini Sponſæ authoritatem in hac temporum  
malignitate plebi fidelium ſpiciendum reuerendamq; cu-  
rarem : inſnuando quam ſapiat animam Catholicam Ec-  
cleſiæq; filiam, obedire ſimpliciter & cordialiter Summi  
Pontificis & Patri noſtri ſanctiſſimis decretis, ſtatutis, Ca-  
nonibus, ordinationibus, monitionibus, conſiliis, horta-  
mentis & deſideriis, ea vtriq; præponendo ſine vlla hæſita-  
tione quibuſcunque aliis quorumvis hominum ſuaſionibus  
contrariis. Tercio, vt Reuerendiſſimos Dominos Episco-  
pos pro mea tenui parte iuuarem in illa ipſa ( quæ certè in  
Tridentino, ipſis impoſita eſt ex præcepto ) cura monendi  
populum de ſuo ad Parochiam debito. Quarto, Vt huius  
obſequij exhibitione tentarem aliquatenus conſolari Do-  
minos Parochos ſuper deſolatione ſuarum Parochiarū me-  
rito afflictiſſimos. Quinto, Vt pro meæ conſcientiæ e-  
xoneratione animabus idiotis, ignatam ſui debiti verita-

rem palam facerem, earumq; certiori directioni ac saluti  
consulerem. Sextò, Vt maculam illam à nobis Religi-  
osis omnibus propulsarem quod putemur ad nostrum propri-  
um interesse attendentes auocare Parochianos à suis Para-  
chiis & ad nostras Ecclesias attrahere contra iura & Ca-  
nones Ecclesiæ. Septimò, Vt malam illam radicem  
secare satagerem modernam inquam secularium inobedi-  
entiam Ecclesiarum Parochialium desertiuam & contem-  
ptiuam, vnde infallibiliter consequitur hodiernus (præ-  
sertim in Flandria nostra ante hac alioqui tam Parochia-  
na & deuota) Dominorum Pastorum contemptus, doctissi-  
morum licet, & in Theologia graduatorum, moribusq; &  
vite exemplarium: ex quo contemptu deplorabili, tanta  
sensim pullulant scandala & incommoda vt R. P. Canisius  
Societatis IESV ad illud Euangelij, Ego sum pastor  
bonus, Meritò dixerit communis contemptus ac negle-  
ctus Pastorum qui nunc passim irrepsit omnium ferè malo-  
rum hæresum ac Schismatum fontem ac fomitem præbet.  
Octauò, Deniq; vt ex animo promouere conarer glori-  
am Domini, qui tunc maxime à suis fidelibus honorari cre-  
dendus est, cum ei humiliter obeditur, & sanctissima eius  
voluntas (quæ per Ecclesiæ Romanæ sacras ordinationes  
innotescit & exprimitur) sicut in cælo & in terra ad im-  
pletur: ad quod vt fideles congruentius inducerentur con-  
tiones istas edisserui, & in hanc formulam vobis lubentiùs  
& distinctiùs legendas collegi ac modò mitto, quantocyns  
tamen mihi certa manu remittendas cum vestra bona ve-  
nia.

AMPLISSIME DOMINE.

Tuus in Domino. F. B. C. I.





## APPROBATIO.

**P**AROCHIANVS OBEDIENS Dua-  
ci Impressus apud Ioannē  
Serrurier, & à Doctoribus  
Catholicis approbatus cum  
sanam & vtilem doctrinam  
contineat iterum typis man-  
dari potest datum Roth. in  
Palatio Archiepis. die deci-  
ma septima Maij 1634.

*Petrus Acarie Theologus Roth.  
Eccles. Vic. Generalis.*



## APPROBATIO.

**B**ipartius hic Tractatus, cui titulus est. PARO-  
CHIANVS OBEDIENS, compositus per R.  
P. B. B. C. P. nihil habet sanæ fidei contrarium,  
vel à bonis moribus alienum, sed potius zelose si-  
mul ac dilucide docet, quantam olim habuerint,  
& etiamnum habeant obligationem Christi fide-  
les ad frequentandam Ecclesiam suam Parochia-  
lem, tum ad Missam, tum etiam ad verbum Dei  
in ea audiendum Dominicis saltem diebus, ma-  
ioribusq; Festis.

Itaque cum scopus præsentis Tractatus, non  
alius sit, quàm vt Matri Ecclesiæ debita reuerentia  
ac obedientia præstetur, populusque ad officium  
suum, & ad antiquam ac laudabilem consuetudi-  
nem reuocetur, dignus omninò videtur qui præ-  
lo committatur, vt in lucem emissus ab omnibus  
legatur. Actum Duaci die 8. Augusti. 1633.

GEORGIVS COLVENERIVS,  
S. Theol. Doct. eiusdem Regius Or-  
dinarariusq; Professor Collegiæ Eccle-  
siæ S. Petri Præpositus & Canonicus,  
Duacensis Vniuersitatis Cancellarius,  
& Librorum Censor.

THEODORVS VAN COVVERDEN,  
S. Tb. Doct. eiusdemq; in alma Vniuersitate  
Duacena Regius ac Ordinarius Professor.



C E N S U R A.

**P**ARROCHIANVS iste OBEDIENS  
veterem & fugitiuam auorum no-  
strorum consuetudinem firmis argu-  
mentis retrahere, id est, multorum  
pia vota implere conatur. Nec fru-  
stra fortassis esset, si homines tam ca-  
lidè quæ sunt IESV CHRISTI, quam se  
& sua diligere.

Interim Libellus doctrina, pietate,  
prudencia plenus est, & videri ac lu-  
cem videre meretur. Louanij iij. Id.  
Febr. MD. LXXIII.

*LIB. FROMONDVS,  
S. Th. Doct. & Profess.  
Ordinar. Libror. Censor  
Archiepiscopali.*

*THEODORE VAN COVVERDEN,  
S. Th. Doct. & Profess.  
Ordinar. Libror. Censor.*




Canon Conc: Tridentini, de audi-  
endo VERBO DEI, *Sess.* 24.

De reformatione *Cap.* 4.

Moneatque Episcopus po-  
pulum diligenter, teneri v-  
numquemque parochiæ su-  
æ interesse, vbi commodè  
id fieri potest, ad audien-  
dum verbum Dei.





Canon eiusdem Conc: Trid: *Seß. 22.*  
in Decreto de obseruandis & cui-  
tandis in celebratione Missæ:

Doceantq; populum, quis  
sit, & à quo potissimum pro-  
ueniat sanctissimi huius sa-  
crificij tam pretiosus ac cæ-  
lestis fructus. Moneant eti-  
am eundem populum, vt fre-  
quenter ad suas parochias,  
saltem diebus Dominicis, &  
maioribus festis, accedant.

TRA.

PAROCHIANVS  
OBEDIENS.

SIVE

TRACTATVS

DE

VERBO DEI

Audiendo in Parochia sua  
diebus Dominicis & maioribus  
Festis.

---

ARTICVLVS I



*N* Parochiani debeant au-  
dire verbum Dei in Paro-  
chia?

RESPONDEO. Quod sic, qualiter autem  
& quibus diebus hoc debitum sit imple-  
ndum iam iam dicemus.

A

AR



## ARTICVLVS II.

*An Parochiani omnes teneantur in parochia sua audire concionem, saltem omnibus diebus Dominicis & solemnibus Festis si habeant commoditatem?*

RESP. Quod sic: idque ex iure communi nouo, vltimi oecumenici Concil. Trident. sess. 24. de reform. ca. 4. per expressissimum canonem.

## ARTICVLVS III.

*Quis est ille canon Tridentini obligans ad concionem parochialem dictis diebus?*

RESP. Quod sit hic dicta sessio 24. de verbo ad verbum: Moneatq; Episcopus populū diligenter teneri vnumquemque parochie sue interesse, vbi id commodē fieri potest ad audiendum verbum Dei.

## ARTICVLVS IV.

*An quia statim initio iam citati cano-*  
nis

nis ponitur hæc vox (*Moneat*) sit putandum (sicuti quidam visus est velle obtemperare) quod parochianis, audire verbum Dei in parochia, dictis diebus, stante comoditate, sit solum consilij & mera libertatis?

RESP. Quod non: ratio est, quia hæc per Episcopos adhibenda monitio; non est de re relicta optioni populi; sed de re omninò obligatoria ex virtute verbi *Teneri*. Præterea etiam si abesset verbum *Teneri*: ista consequentia non valet. Monendus est aliquis de re aliqua, ergo non obligatur ad eam. Paulus Actorum cap. 20. valedicendo fidelibus quibusdam, loquebatur eis de necessarijs ad salutem, ad quæ ipsi obligabantur; & tamē ibi adhibebat vocem *Monendi*. *Non cessavi*, inquit, *cum lachrymis monens unūquemq; vestrum*. Item Tit. 2. *Hæc loquere*, inquit, *& exhortare, nempe ut senes sobrii sint, sani in fide, anus similiter non criminatrices*. En monentem de obligatorijs. Conciones sacræ quid aliud sunt quàm perpetuæ monitiones ad peccatores de parendo præceptis, ad quæ ipsi obligantur? unde vir vel tenuiter Theologus statim



aduerterit hæc inter se esse distinguenda:  
*Præcipiens: præceptum: obligatio: monens: monen-*  
*dus.* Præcipiens est Concilium generale: Præ-  
 ceptum est Canon iam supra articul. 3. à no-  
 bis expressus: Obligatio est ipsum conscien-  
 tiæ vinculum: Monens seu monitor de quo  
 mentio fit in Canone supradicto, est ipse  
 Episcopus: Monendus autem, est ipse po-  
 pulus Parochianus. Cum itaque Patres Con-  
 cilij mandant vt Episcopus moneat, non  
 volunt significare, vt ipse episcopus præci-  
 piat siue vt aliquod de eâ re præceptum cõ-  
 dat, cum eiusmodi præceptum præsuppo-  
 natur iam esse antea ab ipso Concilio condi-  
 tum: sed solum, vt diligenter per suas mo-  
 nitiones intimet populo suam obligationẽ  
 ad parendum præcepto ipsius Concil. &  
 curet serid illud præceptum deduci ad pra-  
 xim.

### ARTICVLVS V.

*An verbum, Teneri, in nostro Cano-*  
*ne posito in articul. 3. importet obligati-*  
*onem præcepti, seu in conscientia?*

RESP.

## OBEDIENS.

RESP. Quod sic, & quidem ita expressè  
ut de hoc nullatenus debeat dubitari.

### ARTICVLVS VI.

*Quomodo probari potest 1. vocem Teneri importare obligationem eiusmodi?*

RESP. Ex eo quod in materia obedientiæ  
legum *Teneri* & *obligari* sunt synonyma: sicut  
gladius & ensis; porta & ianua.

### ARTICVLVS VII.

*Quomodo idem probari potest 2.*

RESP. Per hoc inconueniens. Nam si de-  
mus vobis ex conniuentia, auferri à voce  
*Teneri* obligationem conscientiae: tunc pe-  
ro, quod restabit ei significatum proprium  
& genuinum? praesertim in hoc nostro Ca-  
none? Quid inquam erit illud tam seriò, tam  
diligenter, tam necessario (iuxta mentem  
Concil. in decreto de reformatione) per E-  
piscopos plebi inculcandum? hoc est quid  
importabitur tunc iuxta sensum Patrù, per  
vocem *Teneri* nudumnè tantum consilium?  
Nemo, ut puto, sani iudicii hoc dixerit: nā



& est falsum & implicat contradictionem, aliquem teneri ad id quod est tantum consilij: esset enim respectu eiusdem teneri & nō teneri. Iam autem Practicabilia ad quæ facienda nos vrget Superior legitimus, oportet continere alterutrū nudum scilicet consilium monitionemque simplicem, aut absolute præceptum, eoque obligatum. in conscientia: cum igitur *Teneri* non sit vox continens nudum consilium, conuincitur omninò continere verum præceptum.

## ARTICVLVS VIII.

*Quomodo 3. probari potest idem, nimirum in voce Teneri, importari veram præcepti obligationem?*

RESP. Sic posse probari. *Teneri* & *obligari*, vt ante dicebamus sunt synonyma; continentq; pari significato non nudum consilium, sed verè præceptum: ergo obligatio quam important, est præcepti propriè dicti & in conscientia est effectus immediatus, necessarius & reciprocus respectu præcepti ex quo resultat: iam verò causa necessaria

cessaria & effectus necessarius, inferunt se  
mutuò quoad existentiam : proindeque v-  
bicunque est vera obligatio, ibi quoque in-  
fallibiliter subest præceptum, sicut si dies  
est, etiam est sol lucens : si lunæ est eclipsis,  
etiam est interpositio terræ inter solem &  
lunam. Cur autem infallibiliter ex verâ o-  
bligatione inferatur præceptum, idè est  
quia obligatio non nascitur nisi ex præce-  
pto, siue interim illud præceptum sit iuris  
naturalis, siue positiui diuini, vel humani :  
Extra hæc enim, nulla inueniri potest obli-  
gatio conscientiz, sed mera libertas. At ve-  
rò Canon Concil. supra dictus continet ius  
humanam Ecclesiasticum, commune, no-  
uum, siue legem hic in Belgio receptam ac  
promulgatam : Teste autem Diuo Thomâ  
1. 2. q. 90. art. vlt. legis proprium est obli-  
gare in conscientiâ ; ergo hic Canon vt  
pote lex per vocem *Teneri* obligat in con-  
scientiâ. Hoc autem facile est exemplo de-  
clarare : Nam sicut funis seu vinculum ma-  
teriale, ibi ligat bouem, vbi eum tenet & i-  
pse bos vbi tenetur ibi ligatur, verbi gratiâ,  
in cornibus : ita vinculum præcepti spiritu-  
le, ibi ligat seu obligat hominem, vbi eum



tenet, nempè in anima seu cōscientiâ: Vinculum autem illud conscientię, est ipsa præcepti obligatio, ergo illa obligatio est in cōscientiâ. In quâ enim aliâ sui parte teneri & ligari posset creatura libera & rationalis & spiritualis quatenus talis, nisi in animâ, spiritu, ratione, seu conscientiâ per vinculum legis? quod quidem vinculum propterea bestias ipsas ligare non potest, quia carent conscientiâ & ratione.

### ARTICVLVS IX.

*Quomodo 4. probari potest hanc eandem vocem Teneri, obligare parochianos in conscientia?*

RESP. Posse idē præterea probari auctoritate Eximiorum Dominorum Doctorum Vniuersitatis Duacensis, qui omnes ibi supponunt præceptum, & per consequens, obligationem conscientię: & particulariter idem sentit Dominus Spagnolocus Doctor & Præpositus Congregationis Oratorij, qui nuper de hac ipsa certissima præcepti, (de quo agimus) obligatione, prolixam & solidam

dam orationem habuit in confessu Doctorū dictæ Duacensis Academiæ: imo præterea in suis ad summulam Caietani *Annotationibus*, nuper Duaci impressis dictam obligationem Parochianorum veraciter elucidar: quas etiam Romam videndas misit, & placuit.

## ARTICVLVS X.

*Quorum 5. autoritate probari potest vocem Teneri, à conditoribus statutorū usurpatam, continere obligationem præcepti?*

RESP. Idem probari autoritate omnium Doctorum Franciscanorum: nam Sanctus Bonauentura Cardinalis & Doctor Seraphicus, Sancti præterea *Antonius Paduanus, Bernardinus, Ludouicus, &c.* Imo vniuersus Ordo S. Francisci, ante quadringentos annos: cum præter illa præcepta formalia, quæ in regula sub verbo, *Præcipiendi per sanctam obedientiam*, continentur, attenderet esse quasdam alias ordinationes sub solo verbo *Teneri*, positas: numquam ausus fuit aliter sumere vocem *Teneri*, quàm præceptiue & obligato-



riè in conscientia, igitur sic sentiendum est  
indubiè de significato illius vocis in materia  
statutorum.

## ARTICVLVS XI.

*Quomodo 6. probatur vocem, Teneri,  
in materia statutorum contingere vim  
præcepti?*

RESP. Id probari posse præterea, & qui-  
dem peremptoriè, ex decisione super hoc  
facta in concilio Viennensi per Clementem  
S. in sua Clementina *Exiui* de verborum si-  
gnif. libro quinto Clementinarum tit. II. vbi  
dictus Sanctissimus Papa resoluit quod in  
Regula Minorum, vbi cumque ponitur illa  
vox *Teneantur* quantumvis scilicet nuda &  
sola, obtinet vim præcepti, & tanquam ta-  
le debere à toto Ordine seruari declarat: Et  
quamquam vox dicta fuerit posita in Regu-  
la Minorum à S. Francisco, dictante I E S V  
C H R I S T O, non autem ab ipso Concilio  
Viennensi, vel Clemente Papa, quia tamen  
Papa est supra omnes Ordines eorumque  
Regulas, ad eumque pertinet eas in verò sen-  
su

su explicare, & Fratrum Regularium conscientias in dubio de conscientia obligatione, extra scrupulum ponere, dignatus est in dicto Concilio prædictam vocem, *Teneri*, explicare (conformiter utique sensui Curia Romanæ, styloque ac vsui terminorum in Concilijs) præceptorie & obligatorie, & ut præceptum debere obseruari de Patrum Concilij sensu, exposuit. Ecce Concilium vniuersale, & Sancta Sedes Apostolica, ex tunc, consulta & rogata de genuina significatione vocis *Teneri*, respondit & decidit, ut supra. Quid igitur mirum, si eadem sedes Apostolica in suo (alio Concilio Tridentino vniuersali eodem suo stylo ac vocabulo, *Teneri*, vtens) intelligenda sit per idem ipsū vocabulum expressisse vim præcepti? Itaque indubiè dictus Canon supra art. 3. positus ob vocem *Teneri*, obligat in conscientia parochianos, instar scilicet aliorum omnium præceptorum: ideòque & sub aliquo peccato. hoc enim est obligari sub peccato, quod obligari in conscientia: quod reuera commune est omni omnino præcepto.

ARTI-



## ARTICVLVS XII.

*Quid senserit de sensu dicti Canonis Trident. Et vi vocis Teneri, S. Carolus Borromæus.*

RESP. Eandem veram Parochianorum, audiendi in parochia verbi Dei, diebus Dominicis & maioribus Festis obligationem (si scilicet adsit commoditas) optimè probatam relinqui, testimonio & prædicationibus, speculi verorum Pastorum S. Caroli Borromæi : qui fuit Nepos Pij quarti, & vnus ex Cardinalibus Patribus Concil. Trid. Qui proinde probè nouit quo zelo reformandi disciplinam Ecclesiasticam, quoque sensu sacrosancta Synodus, cui ipsemet intererat, cuiusque cum alijs Patribus sanctiones & Canones concipiebat & iuratus subscribebat: nouit, inquam, quo zelo & sensu dicta Synodus intenderit *Teneri*, plebem ad verbum Dei parochiale, in dicto suo Canone supra art. 3. à nobis hîc expresso. Ipse autem Canonem istum vocemq; *Teneri* cum vera obligatione præceptoria intellexit; de  
qua

quæius mente nemo dubitare potest, si duo  
 quædam attendat. Vnum est; manifesta ip-  
 sa distinctio quam adhibet circa hoc in li-  
 teris suis prouincialibus, insertis in Concilio  
 Prouinciali Mediolanensi sexto; quas inte-  
 grè citabimus in posteriore parte huius no-  
 stri Tractatus, vbi agemus seorsim de debi-  
 to audiendi Missam parochiæ: nunc verò  
 tantum earum particulam ad præsens pro-  
 positum nostrum assumemus, quæ talis est.  
*Et nuper sacra Tridentina Synodus Oecumenica, ab*  
*Episcopo fideles non solum hoc moneari voluit, ut fre-*  
*quenter ad proprias parochiales Ecclesias saltem*  
*Dominicis diebus Festisque maioribus accedant, sed*  
*illud etiam diligenter ostendit unumquemq;* Tenè-  
 ri, vbi commodè fieri potest, parochiæ suæ interesse  
 ad audiendum verbum Dei; ac proinde id præterea  
 statuit, à Parochis, animarumque Curatoribus inter  
 Missarum solemnias, aliquid ex ijs quæ in Missa le-  
 guntur exponi, & sanctissimi illius sacrificij myste-  
 rium aliquod explanari, plebes sibi commissas salu-  
 taribus verbis pasci, easq; doceri, quæ scire omnibus  
 necessarium est ad salutem. Haftenus literæ. V-  
 bi dū S. ille Cardinalis dicit quod sacrosan-  
 cta Synodus. Non solum moneari voluit (scilicet  
 parochianos de frequentatione propriæ pa-  
 ro-



rochiz, loquendo de frequentatione generaliter) *sed illud etiam, diligenter, ostendit unumquemque Teneri, &c.* (scilicet ad verbum Dei parochiale audiendum) dum inquam sic loquitur satis ostendit differentiam esse inter *Moneri absolute, & Teneri*. Et hoc, plus dicere & continere, quàm istud, nimirum certissimam obligationem; quam tamen non importat vox, moneri. Hæc enim duo longè diuersa sunt, *Synodus monet: & Synodus declarat & ostendit teneri*. Vnde licet sit contenta simplici monitione, vbi igitur de frequentatione parochiz in genere, quoad qualiacumque officia quæ fiunt in parochiali Ecclesia: dum tamen eadem S. Synodus descendit determinatè ad verbum Dei, tum aliter se gerit, *& diligenter ostendit* (ait S. Carolus) *unumquemque Teneri*. Vnde etiam ex mente S. Caroli sancta Synodus plus importari vult in voce *Teneri*, quam significatum nudæ monitionis aut consilij: alioqui non diceret: *Non solum moneri voluit; sed diligenter ostendit teneri*; proinde debitum audiendi verbi Dei in parochianis non est debitum nudæ monitionis vel consilij, sed præcepti: non est optionis, sed vinculi: non est libertatis,

sed

sed necessitatis : non est de actu vel re indifferente, sed plebibus ex obligatione imposita : quod vel etiā hinc satis colligi potest, quod S. Carolus hunc ipsum Canonem de verbo Dei audiendo in parochia, in dictis literis suis vocet decretum, statim hæc subiungens: *His igitur eiusdem Tridentinae Synodi decretis, &c.* decretum autem de actu faciendo, obligat subditos ad illum, præsertim cū intentionem suam obligandi exprimit per vocem *Teneri*.

Alterum quod supra monuimus attendi debere, ex quo facile colligi possit vocem *Teneri* in dicto Canone, obligare parochianos in conscientia, etiā de mente S. Caroli, est eius penè incredibile & indefatigabile studium, labor, anxietas, feruor, zelus & quotidiana instantia, in reductione plebis ad parochias suas procuranda: Confestim enim post confirmata ab Auunculo eius Pio 4. S. Concilii Trid. decreta, ipse velut exemplar Pastorum cœpit exemplari sollicitudine fatigare vt populus intelligeret se teneri ad id de quo nunc tractamus, vt in propria Ecclesia Parochiali, verbum Dei diligenter perciperet, & quidem inter Missæ Parochialis sol-



solemnia. Immo ad id sollicitè facitandū  
 suæ prouinciæ Coëpiscopus pressit, per-  
 suasit, induxit: secum profundè reputans,  
 aurea illa dicti canonis verba. (*Monetque*  
*Episcopus populum, diligenter vnumquemque te-*  
*neri, &c.*) sese pertinere: diligenter, inquam,  
 vt proinde in hoc ipso, quasi infinitam po-  
 suerit diligentiam, quia incredibili affectu,  
 populi salutem diligebat: vox enim *diligen-*  
*ter* à diligendo deducitur. Cum itaque nobis  
 constet de vera obligatione parochianorū,  
 iuxta mentem S. Caroli Cardinalis quā col-  
 legimus ex dictis, scriptis, & factis eius, vt  
 iam patuit, relinquitur in verbo *Teneri*, in-  
 cludi præceptum: & veram in conscientia  
 obligationem resultare.

### ARTICVLVS XIII.

*An & ubi Franciscus Suarez Socie-*  
*tatis Iesu, aliquid de hoc Canone Concilii*  
*Tridentini, & supradicta voce Teneri,*  
*scripserit?*

RESP. Quod pauculum quidpiam scripse-  
 rit, idq; super 3. part. D. Thomæ, ad quæst.

87. art. 6. Disputatione verò sua 88. sect. 2.  
ex occasione Missæ parochialis.

## ARTICVLVS XIV.

*Quæ sunt ipsissima verba Suaris loco  
iam citato posita?*

RESP. Hæc esse (supposito tamen Canone Tridentini de verbo Dei à Parochianis audiendo, quem præallegat, & nos antea art. 3. huius tractatus expressimus) hæc inquam sunt eius verba : *Et illa obligatio, si in rigore sumatur pro obligatione præcepti, non est absoluta, sed supposita commoditate, ut Concilium loquitur : & doctrinæ necessitate, sine quâ præceptum affirmatiuum non solet obligare, quando lex ipsa, tempus non determinat : ad audiendam enim concionem, nullam hætenus est tempus lege præscriptum.*

## ARTICVLVS XV.

*An ex illis Suaris verbis, constet eum  
nobiscum sentire : nimirum Canonem  
prædictum esse obligatiuum, & vocem*

B

Teneri



*Teneri, includere veram præcepti obligationem?*

RESP. Quòd sic : nam exponit vocem *Teneri*, supponendo eam continere obligationem in rigore præcepti, quâ suppositâ, cæteras Canonis seu statuti dictiones cursim glossat.

### ARTICVLVS XVI.

*An Suarez hunc Canonem de obligatione Parochianorum, audiendi verbi Dei in Parochiali Missa, benè glossauerit?*

RESP. Quòd non : quod antequam ostendamus : hic videtur interserenda Bulla confirmationis Concilij Trid. edita à SS. Domino N. Pio 4. saltem pro eâ parte quâ huc facere videbitur.

### ARTICVLVS XVII.

*Quid habeat dicta Bulla Pij 4. contra glossatores statutorum Concilii Tridentini,*

*tini, edita anno 1563.*

RĒSP. Sic habere: *Ad vitandum præterea per-  
uersionem & confusionem qua eriri potest, si uni-  
cuique liceret prout ei liberet, in decreta Conci-  
lij, commentarios & interpretationes suas  
edere; Apostolicâ authoritate inhibemus  
omnibus tam Ecclesiasticis personis cuius-  
cunque sint ordinis, conditionis & gradus:  
quàm laicis quocunque honore ac potesta-  
te præditis; Prælati quidem sub interdicti  
ingressus Ecclesiæ: alijs verò quicumque  
fuerint, sub excommunicationis latæ senten-  
tiæ poenis: ne quis audeat sine authoritate  
nostrâ vlllos commentarios, glossas, anno-  
tationes, scholia, vllumuè omninò interpre-  
tationis genus, super ipsius Concilij decretis,  
quocunque modo edere: aut quidquā quo-  
cunque nomine, etiam sub prætextu maio-  
ris decretorum corroborationis, aut execu-  
tionis, aliouè quæsito colore statuere. Si  
cui verò in eis aliquid obscure dictum &  
statutum fuisse, eamq; ob causam, interpre-  
tatione aut decisione aliqua egere visum fu-  
erit: ascēdat ad locum quem Dominus ele-  
git, ad sedem videlicet Apostolicam, omni-  
um fidelium magistram, cuius authoritatem*



etiam ipsa S. Synodus tam reuerenter agnouit. Nos enim difficultates & controuersias si quæ ex eis decretis ortæ fuerint, nobis declarandas & decidendas, quemadmodum ipsa quoque S. Synodus decreuit, reseruamus: parati, sicut ea merito de nobis confisa est omnium Prouinciarum necessitatibus, ea ratione quæ nobis cōmodior uisa fuerit, providere: decernentes nihilominus irritum & inane, si secus super his à quoquam, quauis auctoritate, scienter vel ignoranter cōtigerit attentari. Hactenus Bulla Pij 4.

### ARTICVLVS XVIII.

*An Suarez bene glossauerit decretū seu canonem Concilij Tridentini supra à nobis art. 3. expressum de audienda concione parochiæ?*

RESP. Quòd non, ut patebit examinando Suaris verba supra à nobis art. 14. posita. Quamuis enim in sua illa breuicula glossa, processerit supponendo per vocem *Teneri*, importari obligationem præcepti in parochianis: tamen præmittens uoculam, *Si*-  
visus

visus est quasi voluisse de hoc dubitare, num  
 scilicet illa obligatio esset præcepti, cum ta-  
 men, vt supra ostendimus art. 8. nulla sit ve-  
 ra obligatio nisi orta ex præcepto, siue inte-  
 rim iuris naturalis siue post diuini humani:  
 cùmque Consilium Viennense declararit in  
 voce *Teneri*, contineri præceptum in Regu-  
 la Minorum. Et certè sensus communis ho-  
 minum perpendens Concilium œcumeni-  
 cum Trident. loqui ibi de re grauissima ni-  
 mirum de reformanda disciplina fidelium,  
 statim hoc aduertere potest, quid enim est  
*Teneri*? aut quâ aliâ magis propriâ ac effica-  
 ci voce potuisset S. Synodus suam obligandi  
 intentionem exprimere: proinde Suarez  
 malè dubitauit de mente S. Synodi.

## ARTICVLVS XIX.

*An Suarez rectè prosequatur suam  
 Canonis Tridentini glossam dicendo: ista  
 præcepti obligatio non est absoluta, sed  
 supposita commoditate?*

RESP. Quod sic: eâ si quidē parte nil adul-  
 terat vel mutat de sensu & verbis Consilij:

B ;

nam



nam verè sic habetur in dicto Canone : *Vbi commodè fieri potest* : vnde parochiani ob rationabilem causam legitimè impediti, nō obligantur interesse concioni parochiali ; sed viderit persona parochiana cum se absētat, an id fiat ex legitimo aut rationabili impedimento, & num eà ex parte agat sincerè & bona fide cum Domino Deo suo, qui intuetur cor.

## ARTICVLVS XX.

*An Suarez glossando Canonem præfatum, rectè addat, non obligat, nisi supposita doctrinæ necessitate ?*

RESP. Quòd non : Ratio prima est : quia hoc addit de suo, Concilium enim id non habet. Ratio secunda est, quia esto verum esset, hunc Canonem non obligare nisi in tempore necessitatis doctrinæ ( quod tamè concedimus tantum gratis & loquendo ad hominem ) adhuc plebs teneretur parochiam adire diebus à Concilio determinatis doctrinæ excipiendæ causa : quia præceptum & statutum illud sacrosanctæ Synodi respi-

cit,

cit, non hanc vel illam personam, sed populum vniuersum: at verò in populo semper est necessitas doctrinæ præsertim illius quam SS. Synodus sess. 5. cap. 2. vult continuo inculcari, nempe vt doceantur de scitu necessarijs ad salutem, de virtutibus & vitijs, &c. Ratio tertia est, quia ( & vtinam hoc benè expendisset Pater Suarez ) necessitas verbi Dei populo, dictis diebus, in parochiali Missa administrandi, non est solum ad docendum, & erudiendum, ( ne altoqui de Ecclesia fiat Academia ) sed insuper & quidem principaliter ad conuertendū, ad terrendum, ad animandum, ad inflāmandum, ad commouendum, & eo Zelo ac feruore animas peccatrices concutiendum sancto Spiritu adiuuante, vt iactum fideliter illud verbi diuini semen, operetur timorē salutarem diuinorū iudiciorū, non minus in speculatiuè doctis, quàm in idiotis: satis enim obuium est, quod multi multa sciunt, non ideò tamen sanctius viuunt: quin vt plurimum, sua scientia vanè inflati durescunt, & euanescent in præsumptionibus suis, vt proinde illis, vel maximè, sit necessarius Dei sermo, viuus, efficax, & penetrabilior omni



gladio ancipiti, quo feriantur in anima, vulnerentur in conscientia rea, humiliantur in corde: quò iam paruuli facti, illuminentur à Spiritu Dei, vt possint nunc dicere, in veritate Domine IESV verba vitæ æternæ habes, declaratio sermonum tuorum illuminat, & intellectum dat paruulis: Beati qui audiunt verbū Dei, & custodiunt illud. Ratio quarta est: esto, necessitas doctrinæ & instructionis populis, sit vnus ex finibus à SS. Synodo intentis, non tamen iste est solus finis. Vnde licet tu, parochiane, audiens in alieno templo concionem, esses ibidem sufficienter de necessariis instructus, non es tamen propterea liberatus & exemptus ab audiendo verbo Dei in Ecclesia tua parochiali: *Tum* ideo quod sacrosanctum Concilium neminem ab ista obligatione excuset, si habet commoditatem: *Tum* etiam quia, inquam, præter dictum illum finem doctrinæ necessariorum ad salutem, Patres Concil. Trident. intenderunt insuper finem alium sui præcepti, non minus sanè animabus, & bono communi necessarium, nempe pulcherrimum illum ordinem debitæ ouium subiectionis ad suum ipsarum Pastorem: intendende-

tenderunt item bonum publicum spirituale per conseruationem disciplinæ Ecclesiasticæ, quæ non parum in eo elucet, quod omnes *Parochianos sic in bono ordine & modestiâ statis diebus in propriâ Parochiali* Ecclesia congregari, adunari, simul orare, communicare, sacris mysterijs adesse, Dominum adorare & ei concertatis veluti feruoribus adhærere, mirum in modum excitet, nutriat, foueatque mutuam inter se charitatem, & indubie exemplo fit, ad imitandam in diutinis pietatem. Ratio quinta est, quia sacrosancta Synodus per hunc Canonem, eiusq, (si parochianis suppetat commoditas) perpetuam dictis diebus obligationem ad verbum Dei parochiale, voluit seipsam firmitus assecurare de salute Parochiani cuiuscunq; ne videlicet verbi Dei pabulum dimittat ad quod, ex SS. Synodi decreto, obligationem habere, se sentiat: voluit etiam cauere securitati conscientiæ Pastorum, (quibus salutis ouium onus incumbit,) faciendo per hanc, in parochia comparendi obligationem, vt Pastoribus certius constare possit de conuersatione singulorum, si enim nulla penitus imposita esset ad parochiam pro verbo Dei



obligatio, multi nec hic nec alibi illud audire curarent, & frequenter facile à via mandatorum Dei deficerent & perirent;

## ARTICVLVS XXI.

*An Pater Suarez rectè addat, audiendam enim Concionem, nullum hactenus est tempus lege præscriptum?*

RESP. Quòd non: hoc enim dicendo cōtradicit œcumenico Concilio Trid. quod sess. 5. cap. 2. determinat tempus Concionis Parochialis, nempe Dominicas & Festa solemnia. Vbi imposita præcepti obligatione Episcopis & Pastoribus prædicandi per se vel alios, mandat id fieri per hæc verba: *Diebus saltem Dominicis & Festis sollempnibus, sibi commissas plebes, pro suâ & earum capacitate pascant salutaribus verbis.* Iam verò supradicta obligatio audiendi verbum Dei ex ore Episcoporum & Pastorum, plebibus imposita, sine dubio respicit & necessariò refertur ad illos præscriptos dies, quibus illic tenentur plebibus sibi commissis prædicare, atqui tempus & dies qui illi determinatè præscribuntur

buntur sunt Dominicæ & Festa sollemnia;  
est igitur aliquod adaudiendam in parochia  
concionem tempus à lege præscriptum : &  
per cōsequens dictus Theologus malè glos-  
savit hunc Canonem dicendo, nullum ha-  
ctenus tempus esse lege præscriptum.

## ARTICVLVS XXII.

*An Pater Suarez per suam illā glos-  
sam, non tantum quia glossa est. sed &  
quia Consilio contraria: incurrerit pœ-  
nam contentam in Bulla confirmationis  
dicti Concilij Tridentini, qua prohibet  
glossas super illius Decreta, sub pœna  
excommunicationis?*

RESP. Non esse meum de hac re iudicare:  
vt omittam quod fortasse dictæ Bullæ tunc  
memor non fuerit: aut sess. 5. c. 2. Triden-  
tini Concilij, quo tempore id glossabat, non  
relegebat, & sic bona fide dixerit quod di-  
xit.

AR-



## ARTICVLVS XXIII.

*An Azorius aliquid scripserit de hoc Statuto audiendæ Concionis?*

RESP. Quod suarum Institutionum Morali-  
lium parte 1. l. 7. cap. 3. loquitur de hac ma-  
teriâ, in hæc verba. Septimò quæritur : *An saltē*  
*Diuinam Concionem, quæ ad populum diebus Do-*  
*minicis & Festis habetur, audire præcepto cogamur?* Inde hæc quæstio mouetur quod Tridentina Sy-  
nodus sess. 24. cap. 4. de reformatione, ait. *Moneat*  
*Episcopus populum diligenter, teneri unumquemq;*  
*parochiæ suæ interesse, ubi id commodè fieri potest,*  
*ad audiendum verbum Dei. Et Paludanus. 4. di-*  
*stinct. 15. quæst. 5. art. 2. concl. 2. dicit. Est au-*  
*tē Ecclesiæ Conuētus ad Missā & ad vespervas & ad*  
*sermonem quando fit in diebus festis, unde ad illum*  
*teneantur. Communis est sententia tali præcepto cre-*  
*centes non cogi : unde dicendum est Concilium cū*  
*ait ( Ad audiendum verbum Dei ) posse intelligi de*  
*sacris concionibus, vel de Euangelio quod in diuino*  
*Missæ officio recitatur. Rursus docet Concilium Pa-*  
*rochianos, si ad verbum Dei audiendum, aliquò se*  
*recipiant, oportere eos se ad suas parochias confer-*  
*re,*

re, ubi id commodè fieri potest; non tamen simpliciter & absolutè debere sacris concionibus interesse, sed in suis parochiis, ubi possunt id commodè facere. Item sess. 22. in decreto de observandis & evitandis in celebratione Missæ, ait: Moneant Episcopi eundem populum, ut frequenter, ad suas parochias saltem diebus Dominicis & Festis maioribus accedant, Vbi, non dixit, cogant, iubeant, sed moneant. Hæc Azorius.

## ARTICVLVS XXIV.

*An Pater Azorius servavit dictam Bullam Pii 4. prohibentem, sub excommunicatione, glossas super decreta Concilii Trid. saltem sine auctoritate Pape?*

RESP. Quòd charitas quæ non cogitat malum, & nihil agit perperam meritò nos monet ut ab isto iudicio supersedeamus, & istud ijs ad quos spectat discutiendum relinquamus.

## ARTICVLVS XXV.

*An Pater Azorius hunc Canonem*  
Tri-



*Tridentini de verbo Dei audiendo in Parochia, benè glossarit?*

RESP. Quòd non: vt facilè erit videre discursum eius art. 23. positum, per partes examinando.

*Primo* enim dicit communem esse sententiam, *Credentes non cogi* (vbi, *cogi*, est terminus improprius positus pro *Teneri*) cùm Doctorum communis sententia sit contraria, nimirum *Teneri*, seu vt loquitur, *cogi*, vt patuit ante articulus 9. 10. 11. Imò Concilium ita statuat, videlicet vnumquemque teneri, Nisi fortè suam & vnus atque alterius Regularis qui libenter sua ipsorum templa plebificarent, appellet sententiam communem. *Secundo* videns quod vox *Teneri* contineat præceptum, nec se posse, ex parte istius vocis ostendere Parochianos esse liberos à concione parochiali: quid egit? quæsiuit effugium in glossando suo modo, hanc aliã vocẽ eiusdem Canonis, nempe *Verbum Dei*, omnino contra textum Concilij & Canonis intentionem. Ipse enim dicit per *Verbum Dei*, sub disiunctione, indifferenter intelligi *Sacras Conciones, vel Euangelium quod recitatur*

vel

*vel cantatur in Missa:* cum tamen id sit omni-  
 no falsum: ratio est, quia in toto illo sessio-  
 nis 24. cap. nil agitur de Missa, & nec vlla  
 quidem sit mentio de illa toto illo capite,  
 sed solummodò agitur per totum, & quidē  
 expressissimè de functione prædicationis, vt  
 patet legentibus. *Tertiò* inconuenienter lo-  
 quitur: nam si Parochianus teneatur ad ver-  
 bum Dei vt cantatur vel recitatur in Missæ  
 officio, cur non similiter tenebitur audire  
 epistolam, cum ne verbum Dei, æque ac  
 Euangelium? nisi fortè per sacras concio-  
 nes, intelligat ipsas epistolas, & tunc omni-  
 no exclusa maneret prædicatio, cum tamen  
 de illa sola agatur toto illo cap. *Quartò* col-  
 ligimus ex hac Azorij glossa vocem *Teneri*  
 importare veram præcepti obligationem:  
 eam enim supponendo, transit ad glossan-  
 da alia decreti verba. *Quintò* hanc præcepti  
 obligationem detorquet ad auditionem  
 Missæ, cum per verbum Dei intelligat E-  
 uangelium in Missa cantatum vel recitatum,  
 ergo etiam epistolam, quæ & ipsa quoque  
 est verbum Dei cantatum vel recitatum: &  
 hinc colligitur eum tenere, quod audire  
 Missam parochialem sit præcepti, nam alio-  
 qui



qui ridicula esset obligatio ista, ad audiendum cantari vel recitari in Missæ sacrificio Euangelium, sic vt parochiani liberè ante Euangelium abessent, & post Euangelium discederent si vellent. Vnde videtur Azorius plus concedere quàm ab eo petatur, dum vult verba sess. 24. cap. 4. continere præceptum obligans siue ad concionem, siue ad Missam parochiæ, cum vtramque posse intelligi putet sub nomine verbi Dei, Interim falsissimum est eo loco Concilij per *Verbum Dei* posse intelligi Euangelium in Missa cantatum vel recitatum, vnde mirum est quid Author ille animo versaret, cum ita glossaret.

## ARTICVLVS XXVI.

*An Azorius benè prosequatur glossam suam dicendo, Concilium Tridentinum dicto loco docere, quòd Parochiani si cant aliquòd ad Concionem, teneantur ire ad parochialem?*

RESP. Quòd non: Concilium enim non apponit in Canone suo voculam, (*Si*) loquitur

quitur enim absolute & absque *si eant aliquò*:  
proindeque omnes ligat in conscientia: A-  
zorius è contra omnes liberat: cum per su-  
um ( *Si* ) liberæ cuiusque optioni relinquat  
ire vel non ire ad concionem: Itaque hoc  
est Synodi veneranda decreta misere altera-  
re.

## ARTICVLVS XXVII.

*An Azorius rectè addat, Concilium  
in allegato Canone docere, Parochianos  
simpliciter & absolute non debere audi-  
re concionem, sed in Parochiis suis?*

RESP. Quòd non: sed è contra hoc esse  
pessime & infideliter glossare, quod vt me-  
lius aduertatur, consulendus est ipse Canon  
de verbo Dei audiendo, à nobis supra art. 3.  
expressus, iterumque cum textu Azorij art.  
23. positus: nam ibi sacrosancta Synodus  
simpliciter & absolute obligat ad concionem,  
stante commoditate: præterea ipse Azorius  
sui ipsius verbis, sibi ipsi contrariatur, penè  
in eadem periodo: quin & duæ eius propo-  
sitiones seseipsas interimuat: nam ipse lo-  
quens



quens de debito parochiani ad audiendam  
 Concionem diebus Dominicis & solēnibus  
 Festis, stante scilicet commoditate eam au-  
 diendi, dicit secundum Canonem quem  
 glossat, *Parochianos simpliciter & absolute, non  
 debere sacris concionibus interesse; sed in suis paro-*  
*chijs: hoc est, oportere eos se ad suas parochias con-*  
*ferre, ubi id commodè fieri potest.* Quæ duæ pro-  
 positiones vt se mutuò euertere ostendan-  
 tur, sic possunt manente eodem sensu expri-  
 mi in formâ, Prior quidem sic, *simpliciter &*  
*absolute Parochianus non tenetur ad concionem.* Po-  
 sterior sic, *Parochianus tamen tenetur ad concio-*  
*nem Parochiæ.* Ipse ambas ponit vt veras, cū  
 tamen reuera vtrauis illarum sit vera, statim  
 inferat alteram falsam: itaque si prior sit ve-  
 ra, posterior erit falsa, & ex aduerso, si po-  
 sterior sit vera, prior erit falsa. Nam negati-  
 uè optimè proceditur à toto in modo ad  
 partem, siue vt alij dicerent à magis cōmu-  
 ni negato ad minus cōmune negatum: exē-  
 pli gratiâ, non bibo aquam, ergo non bibo  
 aquam fontanam: non habeo equum, ergo  
 non habeo equum ferocem: similiter per  
 infallibilem consequentiâ sequitur: Paro-  
 chianus non tenetur ad concionem, ergo

Pa-

Parochianus non tenetur ad concionē parochialem, idque iuxta hanc maximam topicam : de quocumque negatur totum in modo, de eodem negatur & pars in modo : vel de quocumque negatur magis commune, de eodem negatur & minus commune. Concio autem in genere est totum in modo, & magis commune comparatione *Concionis parochialis*. Si itaque hæc conclusio argumentationis nostræ, ergo, *non tenetur ad concionem parochialem*, est vera : falsa erit eius contradictoria qua erat propositio Azorij posterior, supra à nobis expressa, hæc videlicet, *Parochianus tenetur ad concionem parochialem*. E contra, si posterior propositio Azorij, hæc nempe, *Tenetur ad concionem parochiæ*, est vera : sequitur per locum à parte in modo ad totum : vel à minus communi ad magis commune, affirmatiuè, hæc conclusio vera : ergo tenetur ad concionem, absolute scilicet & simpliciter loquendo, quæ existente vera, sequitur ulterius istam esse falsam, *Parochianus non tenetur ad concionem* cum sit eius contradictoria : illa autem erat prior propositio Azorij prius à nobis expressa. Ex qua discussione, patet verum esse quod initio



diximus, nimirum Azorium tam malè glossare dictum Conc. Trid. canonem de concione, vt & sensum Canonis euertat, & sensum in meta contradictionis inuoluat. At ne quis fortè dubitet, num istæ duæ propositiones sint contradictoriæ, *Parochianus tenetur ad concionem parochialem*, & *Parochianus non tenetur ad concionem parochialem*: quas iam nunc per legitimam consequentiam intulimus ex supra positis propositionibus Azorij. Respondes esse verè contradictorias, non autem subcontrarias, licet altera earum non sit vniuersalis expresso signo vniuersali: satis enim est sensu & significatione aut ambas aut alteram esse vniuersalem, & facile posse exprimi signum, saltem in affirmatiuâ, constat enim ex Canone sess. 24. cap. 4. Omnē parochianum teneri ad concionem: & proinde hæc vniuersalis est vera: *Omnis parochianus tenetur ad concionem parochialem*: cuius contradictoria est hæc, *Parochianus non tenetur ad concionem parochialem*, ambæ autem, vt iam ostendimus, asseruntur ab Azorio, vna quidem expressè, altera verò implicite, quod satis est vt eius glossam vehementer improbemus.

## ARTICVLVS XXVIII.

*Quid aliud adducat Azorius ad ostendendum Parochianos non obligari ad audiendum verbum Dei in parochia?*

RESP. Illum adducere per modum obiectionis statutum Concilij Trid. sess. 22. in decreto de obseruandis & vitandis in celebratione Missæ; quod est tale: *Moneant Episcopi eundem populum vt frequenter ad suas parochias, saltem diebus Dominicis & Festis maioribus accedant.* Azorij ergo ad hanc obiectionem solutio est, Parochianos non teneri proinde ad concionem parochialem: quia (inquit) Concilium non dixit *hic Cogant, aut iubeant, sed moneant.* Quæ solutio partim claudicat, partim continet falsum. Claudicat, qui ex monitione adhibendâ, de faciendo aliquo actu, statim infert nullam esse obligationem ad illum; cum potius è contrariò vt plurimum soleant moneri ij qui sunt obligati, vt scilicet satisfaciant suæ obligationi. Sicuti ergo ex eo quod soleant filij moneri de honorandis Parentibus patre ac matre, non se-



quitur quod non sint ad id obligati. Ita & hic, ex eo quod Parochiani debeant per Episcopos moneri de frequentanda parochia non bene infertur, quod ad id non teneantur, saltem quantum attinet ad concionem: Sufficiens enim Concilium decernit & declarat teneri sess. 24. c. 4. quod ita esse, non est necesse hic repeti, sed debet supponi: hæc enim non pugnant vt scilicet Conciliū vno in loco statuatur parochianos teneri ad frequentandam parochiam (intellige quantum ad concionem) & alio in loco velit eos de hoc moneri. Porro quod Azorius addit, quod Synodus non dixerit Episcopis *Cogant, iubeant*, (scilicet Parochianos audire concionem in parochia dictis diebus stante cōmoditate) vnde inferri posse putat Parochianos ad id non teneri: puerile est, nam iussio illa siue decretum obligatiuum ad id quod supra, est factum & conditū ex tunc ab Oecumenico Trid. Concilio: & proinde Concilium prudentissimè non dixit, *Episcopi id iubeant, sed moneant*, scilicet iussum nostrum seu decretum executioni mandari. Et proinde manet Parochianos ad concionem in  
pa-

parochiâ teneri, ex parte Concilij, licet de hoc, debeant per Episcopos moneri.

## ARTICVLVS XXIX.

*Quomodo iam ab Azorio data solutio, ostendi possit continere falsum?*

RESP. Sic ostendi posse: dicit enim, quod Conc. Trid. vbi in sess. 22. agit de frequentanda parochia; *Non dixerit Episcopis, Cogant, Iubeant*: hoc autem falsum est: & solum remitto ad dictam sess. 22. In decreto de observandis & vitandis in celebratione Missæ, quod incipit *Quanta cura*. Ibi enim sub finem immediate post statutum iam à nobis art. 28. citatum S. Synodus sic concludit. *Hæc igitur omnia quæ summam enumerata sunt omnibus locorum Ordinarijs ita proponuntur, ut non solum ea, ipsa, sed quæcumq; alia huc pertinere visa fuerint, ipsi pro datâ sibi à sacro-sancta Synodo potestate, ac etiam ut delegati Sedis Apostolicæ, prohibeant, mandent, corrigant, statuunt: atq; ad ea inuiolatè seruanda, censuris Ecclesiasticis, alijsq; pœnis quæ illorum arbitrio constituentur fidelem populum compellant: non obstantibus priuilegijs, exemptionibus,*



*appellationibus, ac consuetudinibus quibuscunque.*  
 Ecce, vt Episcopi exactius faciant obseruari ordinationem illam Concilij de frequentanda parochia, vnâ cum quibusdam alijs: dicit expresse vt *compellant & mandent* quod idem est, ac *cogant, lubeant*, quod tamen negat Azorius, vt proinde eius solutio antedata artic. 28. merito videatur continere falsum.

### ARTICVLVS XXX.

*An qui præsunit asserere reuera Parochianos non obligari ad concionem Parochiae, interim dum Concilium Trid. asserit & decernit eos teneri: Ille non sit iniurius omnibus sacri Concilij Patribus?*

RESP. Illum esse iniurium: nam est illum habere omnes illos Sanctos Patres pro falsarijs doctrinae Catholicae in Ecclesia Christi, quasi populum fidelem decipere volentibus: sicuti verbi gratia. Merito haberer ego pro tali, si præsumerem publicare in hac  
 sta-

stationali Ecclesia Cameracensi, publicè coram toto hoc populo, tanquam doctrinam Catholicam, *Omnes adolescentulas inuuptas teneri vouere virginitatem & ingredi Religionem.* Meritò enim turbarentur & reclamarent dicentes. Ecce iste Ecclesiastes publicat & prædicat absolutè in facie Ecclesiæ, *Omnes urbis Virgines teneri ingredi Religionem, & tamen ad id verè non tenemur.*

Deinde est habere illos sanctos Patres pro non sincerè loquentibus: pro duplicibus corde, habentibus obligationem in ore, & tamen eam negantibus in corde: Dicentibus & statuentibus vnum voce, & contrarium cogitatione: proindeque sibi ipsis contradicentibus; Si enim *Teneri* non sit reuera obligari: erit liberum reuera esse, non datur medium: sunt enim contradictoria in virtute, cum teneri & liberum esse in conscientia sit idem quod in conscientia *Teneri & non Teneri.* Absit etiam vt vel tenuissimam umbram suspicionis habeamus, quadringentos & octo Sanctos Concilij Patres iocatos fuisse, quasi ioco & pro nihilo dixissent *Vnūquemque teneri*: quando quidem cum infallibili assistentia Spiritus sancti ea sint elocu-



ti decretiue, & in sancta sinceritate, quæ per spatium octodecim annorum (quibus durauit Concilij celebratio) diuinitus eis fuerunt inspirata secundum quod eadem, cuique parochiano cum maiori securitate ad salutem per suos pastores dirigendo, visa fuere necessaria.

### ARTICVLVS XXXI.

*An Concilium Trid. loquendo obligatorie de audiendo verbo Dei in Parochia, loquatur conformiter iuri antiquo Ecclesiastico?*

RESP. Quod sic. Nam de Consecratione distinct. 1. cap. Sacerdote, ex Concilio Carthaginensi sic habetur: *Sacerdote in Ecclesia verbum faciente, qui egressus de auditorio fuerit, excommunicetur.* Ex hoc vero textu euidentem colligi potest argumentum, fuisse ex tunc præceptum obligans ad audiendum verbum Dei, Concilium autem Trid. conformiter decernit hanc obligationem his verbis, *Teneri unumquemque cum hac solum differentia, quod præcepti quidem vinculum retinuit, sed*

sed excommunicationis pœnam sustulit: quæ nihilominus excommunicatio, in antiquo illo iure adiecta: præsuppositæ, ex præcepto aliquo, obligationis, indubiè, signum fuit.

## ARTICVLVS XXXII.

*An obligatio Tridentini Concilij ad concionem Parochorum sit fundata in iure naturali?*

RESP. Quòd sic. Quia ipsa ratio naturaliter dictat hoc. Si enim Pastor ipse seu Parochus tam strictè obligatur, Dominicis & sollemnibus Festis populo fideli prædicare, vt habetur in Conc. Trid. sess. 5. cap. 2. Item sess. 24. cap. 4. Reuera omninò conuenienter rationi naturali, ex aduerso subiecit obligationem in subiecta plebe, ad suos, ipsis iisdem diebus, Pastores audiendos, si commodè fieri potest. Ratio est, quia cum Parochianus & Parochus sint Correlatiua: sicut etiam ouis & Pastor, plebs & plebanus: pascendus & pascens, obligationes eorum prout correlatiua sunt, debent etiam esse recipro-



ciproca: proinde, si Pastor per aliquam functionem sui officij Pastoralis, debeat se habere actiue ad oues suas pastorales seu parochianas, infallibiliter sequitur, eas è conuerso debere se ad ipsum habere passiuè: id est, debere se ei submittere, & modo ac tempore per Concilium determinato, ea suscipere quæ ipse Parochus dictis modo ac tempore, obligatur eis communicare. Cum igitur hæc mutua Pastoris & parochianorum obligatio, quoad verbum Dei prædicandum & audiendum sit fundata in ratione: optime concluditur, supposita Pastorum ad prædicandum plebi obligatione, obligationem plebis ad audiendum, fundamentum habere in iure naturali. Confirmatur argumento à simili: nam eodem modo, Concilium Tridentinum in materia Confessionis sess. 14. cap. 5. ex eo quò Sacerdotes, post IESV CHRISTI è terris ad cælos ascensum, relictī ab illo sunt tamquam eius Vicarij, Præsides & Iudices, vt in foro pænitentiae, remissionis aut retentionis peccatorum sententiam super confitentes pronuncient, non possint autem hoc sibi impositum iudicandi officium exercere, neque æquitatem in pœ-

nis

nis iniungendis seruare, nisi pœnitentes sua ipsi peccata sigillatim & in specie declararēt: ex eo (inquam) Conciliū colligit necessitatē & obligationem in pœnitentibus confitendi omnia peccata mortalia quoad speciem & numerum, idque quia in hoc foro ratio dictat reciprocum esse debere onus & debitum in pœnitentibus integrè confitendi, quia in iudicibus eiusmodi fori, onus & obligatio est, debitè iudicium exercendi.

## ARTICVLVS XXXIII.

*An ex eodem vocabulo Concilij, obligante Episcopos ad plebi in parochia prædicandum, rectè inferatur obligatio reciproca in plebe, ob simile vocabulum quo Concilium utitur ad obligandam plebem ad audiendum?*

RESP. Quòd sic: quia cum Synodus non æquiuet in eadem materia (in præceptis enim edendis, sicut & in testamentis vten- dum est voce clara, qualis verbi gratia est vox *Teneri in materia obligationis*) vbi Synodus



modus similiter loquitur : si obligat in vno, obligat & in altero, at verò similiter loquitur in Canone facto pro Episcopis & Parochis, ad prædicandum in parochia diebus Dominicis & Festis solemnibus, & similiter iterum loquitur in canone facto pro parochianis populis ad audiendum: ergo si illi obligentur ad prædicandum, hi etiam obligantur ad audiendum. Probatum autem Synodum similiter loqui vtròbiq̃ue, quia pro vtriusq̃ue vtitur eodem vocabulo nempe *Teneri*. Pro istis quidem prædicare debentibus, habetur seu vsurpatur vox *Teneri*, sess. 5. c. 5. pro populis verò audire debentibus, habetur etiam vox *Teneri*. sess. 24. cap. 4. *Vnumquemque Teneri*. At verò Episcopi & Pastores omninò sentiunt se verè & in conscientia obligari ad prædicandum per se vel per substitutos, idq̃ue ob vim vocis *Teneri*, ergo & plebs pariter verè & in conscientia obligatur ad audiendum, propter eandem vocem *Teneri*, quæ sine dubio est vtròbiq̃ue eiusdè significati & vinculi.

AR.

## ARTICVLVS XXXIV.

*An sint aliqua priuilegia liberantia  
populum ab obligatione concionis paro-  
chiae?*

RESP. Negatiuè: quia oporteret illa esse concessa per aliquod Concilium Tridentino posterius, quod tamen nullum est: vel per aliquam specialem Sedis Apostolicæ Bullam, qualis omnino nulla reperiri potest: non enim solent facile summi Pontifices ultimo vniuersali derogare Concilio.

## ARTICVLVS XXXV.

*An Casuistæ, si qui sunt, huic obligationi ad concionem parochialem, aliquid contrarium dicentes, debeant nos mouere?*

RESP. Quod non, quia si sunt veteres, præcesserunt Concilium, & ideo hoc Concilij statutum nescierunt cum nondum exstaret: si sunt recentiores, certè Concilium  
legere



legere omiserunt, vel non attenderunt, vel si sunt Regulares, præ occulto fortassis affectu populos ad suorum Monasteriorum Ecclesias coaceruandi, maluerunt conuiuere.

### ARTICVLVS XXXVI.

*An sit cessandum ab ostendenda obligatione audiendi verbum Dei in parochia iuxta Canonem Concilij Trid. ne aliquis de plebe conijciatur in scrupulum conscientiae?*

RESP. Quòd non: tum quia sacrosancta Synodus obligat ad monendos populos de hoc: Tum quia è contra obligatio præcepti cuiuscumque benè intellecta, & obedi-  
enti affectu propter Dei amorem & sanctam eius voluntatem implendam, executioni mandata; apta nata est scrupulum amovere, & obediens animæ conscientiam mirum in modum in Domino tranquillare.

### ARTICVLVS XXXVII.

*An aliqua consuetudo se absentandi*  
à con-

*à concione Parochia dictis diebus, possit excusare, à dicta obligatione?*

RESP. Quod non: quia post hinc promulgatum & receptum Concilium ultimum Oecumenicum, nulla populi in contrarium consuetudo, secuta est in conscientia: sed est potius verissima corruptela, proindeq; nullo modo præscribere potest contra Concilium Trid.

Probatur 1. ex doctrina S. Augustini de Baptismo relata dist. 8. Frustra quidam qui ratione conuincuntur, consuetudinem nobis obiciunt, quasi consuetudo sit maior veritate: Aut non sit in spiritualibus sequendum quod melius à Spiritu Sancto reuelatum est: hoc planè verum est: Quia ratio & veritas consuetudini præponenda sunt; sed si consuetudini veritas suffragatur, nihil oportet firmitius retinere.

Probatur 2. ex S. Cypriano eadē distinct. Consuetudo sine veritate vetustas erroris est: propter quod relicto errore sequamur veritatem; ignosci potest, simpliciter erranti: post inspirationem verò & reuelationem veritatis factam, qui in eo quod errauerat perseuerat, prudens & sciens: iam



non in venia ignorantia peccat, præsumptione enim,  
& obstinatione quadam nititur.

Probatur 3. ex August. lib. 2. de vnico  
Baptismo. *Veritate* (inquit) *manifestata*, *cedat*  
*consuetudo veritati: quia consuetudinem, ratio &*  
*veritas semper excludit.* Iam autem quòd ouis  
debeat sequi pastorem suum, *Ratio est* Quod  
obligato Pastore vt eam pascat, ipsa quo-  
que illi vicissim obligetur, vt ab eo pascatur,  
*Ratio est.* Quod subiecti obediant superiori-  
bus iuxta illud Hebr. 13 *Obedite Præpositis ve-*  
*stris, & subiaceite eis.* *Ratio postulat.* Quod Pa-  
storibus obligatis in die iudicij reddere ex  
officio rationem strictissimam pro ouibus  
suis quoad directionem salutis, hæ quoque  
se submittant sinantque se dirigi *Ratio exigit.*  
Quod præterea, Parochiani subditi caueant  
ne suis inobedientiis Pastores suos contri-  
stent, *Ratio est.* iuxta illud ad Hebr. cap. vlti-  
mo, *Obedite eis vt cum gaudio hoc faciant & non*  
*gementes, hoc enim non expedit vobis, ipsi enim*  
*pervigilant quasi rationem pro animabus vestris*  
*reddituri.* Has probationes adduxi vt appare-  
at quàm æquum est vt contraria consuetu-  
do cedat rationi, iuxta præallegatam illam  
S. August. maximam, *Consuetudinem ratio &*

*Veritas semper excludit, Quod verò attinet ad veritatem, prauæ etiam consuetudinis exclusiuam teste Augustino. Certè veritas est Populum teneri ad verbum Dei in parochia audiendum; cum ita expressè determinet Ecclesia Romana quæ. i. ad Tim. 3. Est columna & firmamentum Veritatis. Cedat ergo etiam consuetudo veritati, nam vt ait dist. 8. Iesus non dixit, Ego sum Consuetudo, sed Ego sum Veritas, proinde vsus qui est veritati contrarius, est abolendus.*

Probatur 4. per hunc textum expressum in 6. titu. de consuetudine: *Consuetudinem quam in vestra Ecclesia seruata[m] asseritis tanto tempore, quòd in contrarium memoria non existit: videlicet, &c. corruptelam (cum sacris sit inimica Canonibus) meritò reputantes, eam auctoritate Apostolicâ reprobamus.* Concludimus itaque nullam consuetudinem se absentandi à concione parochiali dictis diebus, posse quemquam parochianorum ab hac obligatione excusare, & in suis absentis securum quoad conscientiam reddere: nam illa consuetudo est sacris inimica Canonibus ideoque reprobanda.



## ARTICVLVS XXXVIII.

*An Consuetudo non frequentandi Parochiam, non euertatur & aboleatur per Concilium Trid?*

RESP. Quòd sic, idque sess. 22. in Decreto de obseruandis & vitandis in celebratione Missæ: vbi S. Synodus volens etiam censuris per Episcopos populum aligi (si opus sit) ad frequentandam parochiam: addit, *Non obstantibus consuetudinibus quibuscunq.*

## ARTICVLVS XXXIX.

*An Rodriguez 1. Tomi. questionum Reg. quæst. 43. artic. 7. faciat contra nostram præsentem doctrinam?*

RESP. Eum totâ illâ suâ quæst. conari ostendere parochianos nō debere audire nec Missam, nec Concionem in propria Ecclesia parochiali diebus Festis maioribus & Dominicis ex vlla ad peccatum obligatione. Sed quam indebitè hoc faciat constabit ex discussione verborum eius.

AR-

## ARTICVLVS XL.

*Quid. alleget Rodriguez contra obligationem ad parochiam, & quidem specialiter contra debitum Missæ Parochialis dictis diebus?*

RESP. Adducit Bullam Leonis 10. quâ declaratur fideles satisfacere præcepto Ecclesiæ de Missa audienda dum audiunt illam in Ecclesijs Regularium Dominicis & Festis. Verum ibi pugnat sine hoste, litigat sine parte, quoad hoc enim consentimus cum eo: neque id est, quod hic docere specialiter intendimus. Nam nos peculiari quodam modo distinguimus inter *Missam præcepti vniuersalissimi* & *Missam parochialem*, vt videbitur in posteriore parte huius nostri tractatus, vbi agetur seorsim de debito Missæ parochialis artic. 17. Agnoscimus siquidem etiam diuersos canones de audiendis illis diuersis Missis. Canon enim de audienda *Missæ præcepti*, habetur de consecrat. quæst. 1. cap. Missas ex Concilio Agathensi. estque stricti præcepti & obligat vniuersum Clerum, omnes Regulares,



lares, omnes Laicos, totamque plebem nemine fidelium excepto: quod bene est notandum. Canon verò de audienda *Missâ parochiali* habetur in Concilio Trid. sess. 22. in decreto de obseru. Et vitandis in celebratione *Missæ*, continetque constitutionem simplicis fortasse ad salutem directionis, sub nullo verisimiliter peccato (cur autem dicamus fortasse & verisimiliter, patebit infra) ita tamen vt ad solos parochianos seu parochianorum plebes spectet & proinde illis speciale incumbit debitum humiliter obediendi huic expressæ Ecclesiæ constitutioni, in dicto Concilij Trid. loco positæ, & postmodum in Bulla Clementis 8. repetitæ (de qua Bulla infra) obediendi, in quam, tã exactè & seriò, quam seriò Capucini, aut Patres Societatis IESV obedire feruntur & debent sui Ordinis Constitutionibus, tametsi sub nullo peccato ligantibus.

Nunc autem ad propositum nostrum redeundo; sicut vt satisfaciat debito audiendi *Missam Præcepti vniuersalissimi*, totum scilicet Christianissimum strietè obligantis *Dominicis & Festis*; contenti inquam in Concilio Agathensi, cap. *Missas*; oportet indubiè eam ali-

alicubi audire siue audiatur in hospitalibus  
 siue in Ecclesijs Regularium, perinde est, cū  
 obligatio non sit localis, eo quòd Canon  
 non liget ad locum sed ad missam solam, si-  
 cut continet Bulla Leonina iam allegata. Ita  
 quoque ut satisfiat Constitutioni Tridentinae & Cle-  
 mentinae de audiendo Missam Parochialem, clarum  
 est Parochianos debere eam audire in pro-  
 pria parochia: constitutio enim supradicta  
 tam Concilij Trid. quam Clem. 8. determi-  
 nat expressè locum Parochiae: vnde Leo de-  
 cimus, gratis & extra propositum allegatur;  
 cū non agat de Missa ut parochiali, in sua  
 illa bulla: & licet de illa ageret, nihil contra  
 nos faceret, nam inter legistatores successi-  
 uos prior non derogat posteriori, sed è cō-  
 tra: Concilium autem Trid. & Clemens 8.  
 sunt Leone 10. posteriores, proindeque ho-  
 rum constitutio robur habet.

## ARTICVLVS XLI.

*Quomodo Rodriguez prosequatur su-  
 am glossam hac de re super Concilium  
 Trid. & annon videatur impingere in  
 Bullam*



*Bullam confirmationis, excommunicantem glossatores?*

RESP. Quòd, num impingat in dictam Pij 4. Bullam relinquo ijs, quorum interest determinandum iuxta Bullæ tenorem. Interim videamus num benè glosset. Adducit igitur decretum seu Canonem sess. 24. c. 4. *Moneatque Episcopus populum diligenter, teneri vnumquemque Parochiæ suæ interesse, vbi id commodè fieri potest, ad audiendum verbum Dci.* Sic imprimis hoc glossat, vt dicat (absque vlla vltiori discussione) statim, populum ad id non obligari sub mortali. Tota autem illius hoc asserendi ratio fundamentum aliud non habet, nisi in duobus istis verbis, *Moneat Episcopus.* Notanda enim sunt illa verba. *Moneat Episcopus,* (ait Rodriguez) *quæ designant monendos, non obligari sub peccato mortali; si enim (inquit) obligarent, diceret Concilium statim, quod si noluerint eius monitis adherere, astringat populum vt concionem audiat, hætenus Rodriguez.*

## ARTICVLVS XLII.

*An Rodriguez iam allegatus rectè*

*ratio-*

*ratiocinetur de debito audiendi verbum  
Dei in Parochia?*

RESP. Quòd non. Nam, quòd ait, duo illa verba. *Moneat Episcopus*, designare monendos non obligari sub peccato mortali; non video quare id dicat, nam ista duo verba non significant: nec villo modo, explicitè vel implicitè important id quod ipse dicit, nimirum monendos non teneri sub peccato mortali. Totum quod ista duo verba important, est quod Episcopo incumbat monere. Vnde non potest colligi obligatio plebis ad concionem, ex illo verbo, *moneat*, cum monere plebem non sit obligare plebem. Ideoque in colligenda hac plebis obligatione, attendendus est Canon integer, qui secundum diuersas partes suas integrales, vt minimum per duo diuersa verba, nempè *Moneat* & *Teneri*, duas indicat obligationes in conscientia, vnā Episcopi, inclusam in verbo *Moneat*, hoc ipso siquidè quod Concilium imperatiuè dicit, *Moneat*, obligat Episcopum ad monendum populum. Alteram autem populi, inclusam manifestè in verbo *Teneri*, cum teneri sit obli-



gari. Itaque Episcopus obligatur in conscientia ad monendum, cum imperetur ei *vt Moneat*, & populus ad parendum, cum decernatur eum *Teneri* in vno & eodem Canone.

Ratio autem cur Rodriguez non inuenerit hic obligationem populi, est, quia glossando hunc Canonem, hæsit tantum in eius duobus primis vocabulis explicandis, *Moneat Episcopus*, & ad sequentia Canonis verba non processit, in quibus tamen dictam populi in conscientia obligationem inuenisset: Quod autem ait ista duo verba *Moneat Episcopus*, designare monendos non obligari, iam respondimus sufficere quod per sequens verbum, *Teneri*, designetur Populos obligari. Quod præterea addit populum non obligari sub peccato mortali ad concionem parochiæ, ego quidem illud non ausim pro nunc resolvere, an scilicet populus ad id obligetur sub mortali, an verò sub veniali tantum: in hoc enim fixus hæreo, saltem teneri sub peccato qualecumque illud sit, siue mortale siue veniale, & licet obligaretur sub veniali tantum, esset ne illud paruifaciendum? cum vnum veniale voluntarium, sit maius

malum quam annihilatio totius mundi? sufficiat ergo, *Teneri*, habere vim præcepti ex Concilio Viennensi sub Clemente 5. ut supra artic. 11. monstrauiamus: & proinde non esse improbabile id quod aliqui Doctores feruntur dixisse, posse defendi hanc obligationem populi ex vi verbi *Teneri*, esse sub peccato etiam mortali, quod tamen ego decidere non præsumo: & ideò communi ratione peccati contentus remaneo, ratus obligationem conscientiz etiam si sub solo esset veniali, tanti debere esse apud quemcumque fidelem Christi seruum, ut sit ei in stimulum quo efficaciter adigatur ad obediendum Deo & Ecclesiz qualecumq; præcipienti.

Quod Rodriguez, adijcit *Si enim obligarent* (scilicet duo illa verba de quibus ante, *Monerat Episcopus*) diceret Concilium statim, quod si noluerint eius monitis adhaerere, astringat Episcopus populum, ut concionem audiat. Nullatenus quadrat: resumamus eius verba per partes: *Si enim obligarent*, ait. Resp. Non requiri quod obligent, satis enim est populum obligari per sequentia eiusdem Canonis verba nempe, *Vnumquemq; teneri*. Diceret, inquit, concili-



um statim, quod si noluerint monitis adherere, Episcopus astringat &c. Respondeo non esse opus quod Concilium hoc dicat nimirum, astringat Episcopus populum, quia iam est astrictus à Concilio in illa voce Canonis, vnumquemque teneri, vnde tantum est opus, quod Episcopus, dum moneat populum, & hoc ipsum est quod Canon iniungit Episcopo, dum sic incipit *Moneat Episcopus*. Vnde patet quam inconuenienter glosset Rodriguez.

### ARTICVLVS XLIII.

*An Rodriguez benè explicet hac Canonis verba, ubi id commodè fieri potest?*

RESP. Quod hæc valde malè & indebitè glosset, quod vt melius capiatur, citemus eius verba: sunt autem sequentia.

Præterea ait Concilium populum teneri interesse suæ parochiæ, ubi id commodè fieri potest, ad audiendum verbum Dei. Quod intelligendum est quando in Monasteriis non prædicatur: cum enim in ipsis prædicatur, commodius multò est parochianis audire concionem in ipsis, quam in parochiâ, cum in Monasteriis officia diuina maiori cum deuotione celebrantur:

brentur: & propter multitudinem sacerdotum non deficiant Missæ, quas serò ad Ecclesiam venientes audire possint, & præcepto Ecclesiæ satisfacere. Et cum regulariter loquendo, prædicatores in Monasteriis prædicantes, sint præstantiores quam prædicatores in Ecclesiis parochialibus concionantes: & quia audientes verbum Dei à prædicatoribus ordinum mendicantium lucratur indulgentias. Haftenus Rodriguez.

Quid vobis videtur de isto commentario? præsertim post Pij 4. prohibitionem quæ sic habet: Apostolica autoritate inhibemus omnibus, Prælatis quidem sub interdicti ingressus Ecclesiæ, aliis verò, sub excommunicationis latæ sententiæ pœnis, ne quis audeat sine autoritate nostra vllos commentarios, glossas, annotationes, scholia, vllumvè interpretationis genus super ipsius Concilij decretis quocunque modo edere? Si non licet quocunque modo edere, quanto minus isto tam à verbis & intentione S. Synodi, alieno? dicit enim, vt verba eius resumamus? Quod intelligendum est quando in monasteriis non prædicatur. Quis non videt ipsum hoc addere de suo, & alterare decretum? & cum addit parochianis esse commodius



modius, audire concionem in Monasteriis, quàm in parochiâ, certè fidelis glossatoris partes non agit, præsertim in voce *Commodè*: nam cùm Canon vsurpet solum *positiuum*, ipse in sua glossa superinducit comparatiuũ: in textu si quidem habetur *Positiuus commodè*, in eius autem glossa habetur *commodius*.

Deinde Concilium loquitur absolutè, ipse autem comparatiuè. Concilium, solum Parochiæ locum nominat: ipse verò superaddit Monasteria, tanquam si vtraque Ecclesia parochialis scilicet & Regularis, essent comprehensæ in Decreto allegato, & relinqueretur optioni ac libertati parochianorum alterutram adire, prout illis visum fuerit sibi esse commodius. Hoc autè repugnat Canonì, in quo nulla fit mentio Monasteriorum; nullaq; fit comparatio Ecclesiæ parochialis cum Regulari, nec manet indifferens populo eligere hanc aut illà in qua audiat concionẽ vt satisfaciat obligationi Canonis. Ratio est quia Canon solam exprimit parochiam, ed quòd intendat restituere spiritualem disciplinam parochiarum, vnde hæc obligatio est parochianorum, prout sunt

sunt parochiani, quæ ut per se clarum est, non potest impleri nisi in parochiâ.

## ARTICVLVS XLIV.

*An Rodriguez benè glosset vocem hanc Canonis, scilicet Commode?*

RESP. Quòd non; nam cùm Synodus decernit populum teneri interesse parochiæ, siue ire ad parochiam: & addit, *Vbi id commodè fieri potest*, &c. per id, *Commodè fieri posse*, non intendit significare aliud quàm habere commoditatem interessendi suæ parochiæ siue eundi ad illam, & personaliter ibi comparendi. Posse autem id facere, seu eo ire *commodè*, est, non esse legitime impeditum, siue est esse ab omni rationabili impedimento liberum: & quia aliquando rationabilia impedimenta occurrere possunt parochianis, qualia possunt esse: debilitas nimia: morbus: peregrinatio: tempestas aëris: viæ aut difficiles, aut ab inimici nostri insidiis suspectæ: aut aduentus hospitem grauium, aut aliquod negotium tunc rationabiliter gerendum, aut quodcunque aliud simile. Ideo

SS. Sy.



SS. Synodus in hoc decreto suo Ecclesiastico, & iure humano volens agere humaniter memor conditionis humanæ, & possibilitatis impedimentorum variorum, obligationem illam sic per condescendentiam temperauit, vt adiecerit. *Si id commodè fieri poterit.* Ea autem planè est mens Concilii. Hanc autem aut non aduertit aut dissimulauit Rodriguez: nam deferens verbum textûs Canonis, *Commodè*, & eius loco substituens vocem *Cōmodius*, manens in ficta illa sua comparatione parochiæ cum Monasteriis, detorquet vocem commoditatis à suo vero significato à nobis iam expresso & à Concilij Patribus intento: & prosequens exponere suum imaginarium. *Commodius*, dicit ea quæ supra ex ipso citauimus initio articuli 43. & meretur commoditatem suo modo; nempe, ex eo commodius esse, interesse monasteriis ad audiendam concionem: quod in ijs diuina officia cantentur cum maiori deuotione: & quid hoc, quæso, ad propositum audiendi concionem? cum cactus & psalmodia sint impedimento audiendi concionem & debeant cessare, durante illa? quid hoc iterum ad rem? cum siue officia

cia deuotius ibi cantentur, siue non: Decretum solum agat de concione parochiæ, & Monasterium non sit parochia? Quod dicit, ideò præterea esse commodius quia in monasteriis multæ missæ celebrantur, quas audire possint serò venientes ad materiam concionis, de qua hic agimus, non spectat ideo non est ad rem. Præterea, ideo commodius esse, censet audire concionem in monasteriis, quia regulariter loquendo præstantiores sunt ibi prædicatores quàm in parochiis. Hoc non videtur ita esse, regulariter loquendo, prædicatores parochiarum sunt stationarij regulares, ijque præstantiores alijs qui domi relinquuntur ad concionandum in Ecclesia monasterij. Deinde Pastores moderni ciuitatum doctissimi sunt & præstantiores multis Religiosis prædicatoribus. Denique non tam est attendendum, qui sint præstantiores in vanitate eloquentiæ quàm utilitate doctrinæ salutaris, de virtutibus & vitijs, pœna & gloria æterna, prout commendat Concilium Trid. sess. 5. cap. 2. idque iuxta & pastorum & plebis capacitatem: id autem fidelius præstare valent Parochi, cum melius norint plebis suæ ne-



cessitates, & ad illam pascendam salubriter ex officio suo obligentur.

Quod dicit Rodriguez *commodius esse audire concionem Regularium, propter indulgentias, quas eorum auditores lucrari dicit*: ad hoc Respondet R. D. Abbas Henricus Zypæus libro de statu Religiosarū & filiabus deuotariis parte 3. cap. 5. dicens illud indulgentiarum lucrū non esse intelligendum de illis mendicantium concionibus, quarum occasione auditores auocantur à præstanda obligatione audiendi concionem in parochia: sed de illis, quæ audiuntur per modum supererogationis, impletā tamen obligatione audiendi parochialem. Nunquam enim intelligit nec intendit Ecclesia Regularibus annuere privilegia, quorum vsus destruere habeat sanctissimas eius sanctiones.

Ex dictis itaque satis patet glossam Rodriguez in conuenientem esse, nec obligationi parochianorum ad concionem parochiæ quidquam præiudicare.

## ARTICVLVS XLV.

*An Rodriguez allegans alium Canonem*

*nem faciat contra obligationem concionis Parochialis?*

RESP. Quòd non, ad quod ostendendum præmittamus illum Canonem Trid. sess. 22. in Decreto de obseru & vitand. in celebr. missæ, quem adducit Rodriguez, estque talis.

*Moneat etiam eundem populum, ut frequenter ad suas parochias, saltem diebus Dominicis & Festis maioribus accedant.* Itaque iste Canon contra obligationem, quam docemus nihil facit; nam non agimus modò, nisi de verbo Dei audiendo in Parochiâ; hic autem Canon agit solum de Missa parochiali, non autem de concione. Cæterum an benè glosset hunc Canonem, proprio loco videbimus; nimirum posteriori parte huius tractatus, ubi agemus de debito audiendi Missam parochialem.

## ARTICVLVS XLVI.

*An Deuotariæ seculares nō sint Parochianæ & non teneantur cum plebe ad Parochiam?*

Ê 2

RESP.



RESP. Quòd sic, sunt enim de Populo: vñusquique autem de populo tenetur ad parochiam saltem ratione concionis, ergo &c. Quod vt melius intelligatur, sciendum est adæquatam fieri diuisionem membrorum Ecclesiæ, in Clerum & populum, seu plebem: siue in Ecclesiasticos & sæculares, siue laicos. At verò foemina non fit persona de Clero seu Ecclesiastica, nisi sit monialis, Deuotariæ autem istæ, de quibus intendimus loqui, non sunt Moniales; immo licet fortasse votum simplex castitatis fecerint, non sunt propriè in statu, ideoque manent verè sæculares ac laicæ. Vnde non gaudent priuilegio fori Ecclesiasticorum; & qui eas verberaret, non incideret in excommunicationem Can. *Si quis suadente diabolo*. Incideret tamen, si percuteret Monialem. Patet præterea Deuotarias tales, non esse de clero quia possunt conueniri coram iudice sæculari, ab eoque incarcerari ac puniri; Quin, & ipsæ cum reliquis de populo suscipiunt extremam vnctionem & viaticum Sanctissimæ Eucharistiæ à suo Parocho; sunt igitur verè parochianæ, alioqui essent sine propria Ecclesia ac Pastore tanquam oues erraticæ nulli

nulli subiectæ: ex quo sequitur euidentissimè eas esse verè Parochianas; & proinde teneri cum populo ad omnia debita parochialia, & consequenter ad eas omninò & seriò pertinere præceptum Concilij Trid. supra artic. 3. positum de audiendo in parochiâ verbo Dei. Interim permittite mihi, vt vobis in sensu meo duo verba loquar: *O filia deuotariæ?* Laudo vehementer propositum vitæ vestræ, & pro vobis gratias ago Domino, quod ei in spiritu & deuotione fideliter seruire satagitis, & in Mundo de Mundo non esse contenditis; & per exercitia spiritualia, veramque propriæ voluntatis mortificationem Deo placere & ei adhærere, vnusque cum eo per intimum & gratuitum amorem, tandem, spiritus fieri laboratis. Ignoscite tamen mihi pauperissimo Religioso, si hoc vobis ingessero: Quamdiu non ebeditis Sanctæ Romanæ Ecclesiæ Christi sponsæ Matri vestræ, vobis præcipienti audire verbum Dei in parochiâ vestrà inter Missarum solemnias, singulis Dominicis & maioribus Festis, si habetis commoditatem: posito scilicet, quod hanc obligationem probè noueritis, si non paretis, tantum



abest vt in vera via perfectionis ambuletis, quinimo in via boni & obedientis Christiani hominis nondum estis. Iterum credite mihi omnia meliora vobis desideranti. Quādiu non dignamini sequi monita & diuinissima consilia, nostræ Matris Ecclesiæ de audienda dictis diebus Missa parochorum vestrorum, & exhibenda illis de corde sincero reuerentia, nondum proculdubio estis in via vera perfectionis spiritalis, in quā nostræ propriæ electiones ac voluntates, in rebus quantumuis ex obiecto bonis, exigui certè apud Deum sunt momenti, nisi fiant & seruentur ea quæ sunt debiti: nec satis est id in Confessariū reicere, si ipsæ veritatem nostis. Cæterum ipse qui vos in contrariū dirigit, malè dirigit, & indubiè reddet rationem Deo in die Iudicij de hoc scandaloso præiudicio contra sanctissimas ordinationes Oecumenici Concilij, Marrisque Ecclesiæ.

### ARTICVLVS XLVII.

*Quid sentiendum de modo agendi quorundam Confessariorum qui (postquam*  
*ali-*

*aliquis prædicator cœpit docere plebem de sua obligatione ad parochiam) timentes ne perdant suas deuotarias: clam sussurrari faciunt, cum potius turbare cōscientias, quàm iuuare?*

RESP. Quòd ille agendi modus, cum eo tendat, vt prædicatorem talem; alioqui tuendæ authoritatis Romanæ Ecclesiæ verè fidum Aduocatum, populo simplici exosum reddat, ideoque in sua doctrina minus credibilem: non esse secundum Deum. Malum enim quod inde resultat, grauius est, quàm putetur: nam ex hoc deuotariæ & alij Regularium pœnitentes de Concionatoris doctrina minus bene opinantes, in eumque minus affecti, tandem, vt morem gerant suis directoribus & fugiant occasionem scrupuli, vt vocant; deserunt auditorium seriæ instructionis, ad fabulas autem conuertuntur, fabulas inquam: quid enim aliud sunt, eiusmodi suasiones ordinationibus Ecclesiæ repugnantes, quam fabulæ, & quidem noxiæ? iuxta id *Narrauerunt mihi iniqui fabulationes, sed non vt lex tua.* Respondeo igitur, quod fideliter ignorantī populo Ecclesiæ



præcepta exponere, & ordinationes Sedis Apostolicæ intimare; est reuerà vtilem esse, & verè salubriter conscientias iuuare: tantum abest, vt sit eas turbare; nisi fortè per accidens, & quidem eo genere turbationis, quod sit valdè pium. Pium est si quidem, animam, audità, & iam primùm detecta obligatione sua ad parochiam nonnihil turbari: imò timere imposterum de culpa. Proinde illa sollicitudo cauendi erroris contrarij, qui consistit in nolendo ire ad parochiam & anxietas illa acceptandi atque adimplendi obligationem frequentandæ parochiæ, iam tandem agnitam ex vi nostrarum prædicationum, bona est & viam facit ad emendationem in futurum: estq; non aliud quam timor Domini, qui est initium sapientiæ. Conturbare quidem conscientias in ordine ad malum & errorem, est Malum: *Abscindantur* (ait Paulus) *qui vos conturbant*: sed conturbare ad bonum, bonum est. Psal. 59. *Domine commouisti terram & conturbasti eam: sana contritiones eius, quia commota est.* Vides post conturbationem veniri ad sanationem? vis scire, quomodo id fiat.

Anima stimulo conscientiae agitata incipit

pit respicere retro ad laruam assueti erroris  
& sublata larua eum agnoscit: tunc se inde  
auertit: & ante se respicit: & discoopertam  
intuens faciem amabilis veritatis suam ei o-  
bligationem detegentis; non mirum, si tunc  
anima luctam habet: antrorsum enim trahi-  
tur à veritate, retrorsum ab antiquo errore:  
modo vult, modo non vult: Qualis lucta!  
qualis conturbatio animi! præsertim si er-  
ror erat non in intellectu solum, sed & in  
voluntate. Detecta enim suæ ad parochiam  
obligationis veritate, eamque per concio-  
nes nostras probè intelligens, si non paret  
deuotaria illa parochiana; si non redit ad  
Parochiam; si non negligit patrem suum  
spiritualem, contraria insusurrantem; iam  
non potest amplius in excusationem, dicere  
*Nescio sed Nolo*: non enim est ampliùs ligata  
vinculo ignorantiae, sed vinculo amoris  
proprii erga extraneos directores: & quidẽ  
incredibile est quam difficile sit vinculum  
istud fixæ affectionis dissoluere: Si enim cõ-  
cionando, representaueris quam sit: *Lex Do-*  
*mini immaculata conuertens, scilicet, animas ab o-*  
*mnino inordinata affectione creaturæ. ad Deum, &*  
*ad eius implendam voluntatem sanctissimam* & sta-



tim audies vt olim ad Christum: *loquere nobis  
 placentia, & audiemus te.* Sed permitte, vt e-  
 go dicam tibi, o filia deuota parochiana;  
 mortifica te, & muta affectionem tuam, &  
 iuuabimus te. Sed quomodo illa (dices) ego  
 nunc mutare potero vt pote inueteratam?  
 Intra in temetipsam, agnosce inobedienti-  
 am tuam, considera diuinam eam que infini-  
 tam maiestatem Creatoris tui cuius domino  
 & voluntati debes in omnibus obsequium;  
 attende quod ipse dixerit; *Qui Ecclesiam me-  
 am non audierit, sit tibi sicut Aethnicus & Publi-  
 canus.* Puta eum tibi sic loqui: *Audi Filia &  
 vide & inclina aurem tuam; obedi mihi per Eccle-  
 siam meam ad te loquenti. Vbi est igitur fides tuae  
 qui summum meum in terris Vicarium audit, me  
 audit; qui eum spernit me spernit, ne allegaueris  
 te id non posse: sufficit enim tibi gratia mea, cum  
 illa siquidem omnia potes.* Liberi porro es arbi-  
 trij: potes tecum ipsa, efficaci proposito  
 statuere, & dicere: Domine Deus meus cui  
 debeo totum id, quod sum, da mihi gratiam  
 tibi ad nutum humiliter obediendi, præce-  
 pisti mihi per Ecclesiam sanctissimam spon-  
 sam tuam matrem meam frequentare paro-  
 chiam meam saltem Dominicis & Festis

maio-

maioribus, si id commodè facere poterò: ut quid, mi dulcissime Domine, ego creatura tua tibi non obsequor hilariter? ut quid ego ingrata famula tua non obaudio pleno corde suauissimæ voluntati tuæ dixisti, fiat lux, & facta est lux, vocasti stellas, & dixerunt adsumus. Tu Deus vocabis me & ego non respondebo tibi? non erit ita per gratiam tuam: ecce antiquam erroneam consuetudinem meam rumpo & amore tui parochiam meam ex nunc frequentare aggredior. O filia! si ita egeris, abundabis meritò pace & gaudio.

## ARTICVLVS XLVIII.

*Quid deuotariam retinere soleat, ne redeat ad suam parochiam frequentandam, saltem pro audiendo Verbo Dei iuxta obligationem Trident?*

RESP. Quòd præcipua catena huius retentionis sit quidam affectus oppositus amoris proprii erga confessarios non parochianos siue Regulares certi ordinis, ex quo resultant  
uarij



uarij tenues respectus humani, contra quos præualere nescit timor Domini sanctus, stimulusque conscientiae intus alioqui ad obedientiam decretorum Oecumenicorum non parum sollicitans, foeminei isti & pueriles respectus sunt, si ego quæ hætenus vix semel fortassis in anno vel etiam in vita parochiam adiui pro Parochi mei Missa & verbo Dei audiendo iuxta Canones: Si, inquam, id iam facere incipio, quid cogitabunt homines de inconstantia mea? quid dicent aliae sociæ meæ eiusdem habitus & eiusdem hætenus ingenij? quomodo ferre valebo earum exprobrationes? vocari ab eis, profugam & parochianam? Ad quod respondeo, ista esse puerilia terculamenta, ideoque negligenda, vel propter amorem Dei, liberrimè toleranda, absque vilo ad ea responso, spes enim & salus nostra non est in linguis opinionibusque hominum; sed in Dei verbo eiusque sanctissimo beneplacito ac voluntate, cui amorosè obedire, viuere est, immò & sanctificari: voluntas enim Dei (inquit Paulus) sanctificatio vestra.

Est & alius inanis respectus timoris humani de suo confessario regulari, & confratribus

bus eius: quid dicent, quid cogitabunt, quid eis responderi possit, cum reuocabunt, aut ingratitudinem pœnitentis exprobrabunt, suas ipsorum delusas operas, labores, sollicitudinem, & siquid aliud. Ad quæ respondeo quod vix adducor vt credam, ista fieri aut obijci à Religiosis: nam cum confessarij & directores isti debeant esse viri probi pleni charitate diuina erga proximum, cuius salutem zelent in Domino, habent potius vnde gaudeant se non parum profecisse, cū filias istas laicas spirituales induxerint efficaciter ad obediendum Sedi Apostolicæ, in frequentatione parochiæ iuxta Ecclesiæ Decreta.

Est & aliud quodpiam retinaculum, nuper à quadam sæculari deuotaria insinuatū, ipsam scilicet valdè anxiam remanere de obligatione ad concionem parochiæ, nam secum ita disputabat: fortasse non est verum me ad id obligari, ea enim est opinio Religiosorū illius Ordinis de quo est meus Confessarius quos ego censeo omnium hominū doctissimos: vnde dicebant mihi nuper, etiamsi ire ad parochiam pro concione, sit perfectionis aut supererogationis non est  
ramen



tamen vllijs in conscientia obligationis noli igitur angi vlllo scrupulo tanquam si ad parochiam esses obligata, fide nobis, esto de hoc segura, totum assumimus super conscientiam nostram: sic mihi his diebus loquebantur: tamen non ideò sum adhuc coram Deo pacificata & segura: nam ecce publicè in templo Stationis Ciuitatis per plures continuas conciones docemur, seriò obligari: & quidem Ipsemet prædicator vt ostendat se loqui non de suo, allegat Canones, adducit proprios Concilij terminos, item authoritates Patrum, argumenta, rationes: addit insuper mandatum esse per Sixtinam regularibus sub poena excommunicationis ne prædicent populum non teneri ad parochiam: neue populos quoquo modo abstrahunt à frequentatione parochiæ. Deinde etiam prædicator ait Regulares per Bullam Clementis octauæ obligari ad monendū & exhortandum nos ire ad parochiam. & tamen id non faciunt: quo fit vt ex nunc proponam ire ad parochiam cum Dei gratia. O rectè deliberatum!

AR.

## ARTICVLVS XLIX.

*Si Episcopi non manuteneant supra-  
dictum Canonem de obligatione ad Ver-  
bum Dei in parochia inter Missarum  
solemnia: an inde sequatur præiudicium?*

RESP. Quod sic & quidem longè maxi-  
mum. Primo enim inde cōsequentur omnia  
illa grauissima incommoda quæ enumeran-  
tur à S. Carolo Cardinali in suis prouinciali-  
bus litteris, sexto Mediolanensi Concilio  
prouinciali insertis, & à nobis in posteriori  
parte de Missa, inferendis; quæ incommo-  
da utinam bene expendantur. *Secundo*, Si in  
hoc Belgio & partibus Flandriæ, prædicta  
Decreti œcumenici obligatio non manute-  
neatur ac facta tectæ diligentissime conser-  
uetur, sit nobis reuerà per omnes has po-  
pulosissimas parochias, notabilissima in Spi-  
ritualibus iniuria: ratio est quia cum in Flā-  
dria nostra desit beneficium sanctæ Inqui-  
sitionis, nihil nobis superest in Belgio, quod  
vicem eius & officium quasi suplere possit,  
quàm hæc sacri Concilij obligatio bene  
pro-



protecta & executioni mandata. Vndique enim hic vallamur & pene commiscemur Nationibus Anglorum, Francorum, Germanorum, & præsertim Hollandorum: Immo in singulis vrbiū nostrarum parochijs multi latitant aut hæretici aut suspecti, quorum conuersatio & sermo vt cancer serpit, ac simplices imperceptibiliter inficit. Alij denique sunt, Catholici quidem, sed frigidi & sensuales qui vix vnquam fortasse audiunt verbum Dei: suntque homines vitæ & conuersationis plane ignotæ: sicut & eorū familiæ. Magnum certè periculum & malū! cui interim abundè & conuenienter occurratur in Italia per sacræ Inquisitionis officiales vigilantissimos. At verò hic, vbi dicta Inquisitio locum non habet: quid quæso tandem supererit Spiritualis remedij certi & fixi, pro Domini Parochiarum Pastoribus erga gregem suum dilectissimum, aduersus prædicta formidanda mala: Si Reuerendissimi Domini Ordinarij, præfatam fidelium ad proprias parochias, sapientissimè à Spiritu sancto inspiratam obligationem non manu teneant? foveant? protegant visitent atque defendant? Quo enim alio efficaic

cui modo viâ ac titulo, poterit Curatus in ignotorum eiusmodi hominum vitam, inquirere? quomodò ei poterit constare an singuli sciant necessaria ad salutem? An audiant salutare Dei verbum? An diuina frequentent? An prætice sint boni Christiani nec ne? præsertim hoc libertino ac corruptissimo sæculo? Quid sic plurimi & plurimæ, dictis sanctis diebus, nullibi locorum rem sacram nec concionem audiant? Quid si è contra, istis neglectis aut forsitan contemptis; exerceant alibi in tabernis compositiones & conuiuia? vel quod peius est, in latibulis nescio quibus, ex condito habeant conuenticula hæreticalia? sicut credibile est ita nonnunquam fieri.

At verò iam consideremus difficultatem remedij. Ponamus Dominum Parochum, esse zelosum pro suo grege; & quod istiusmodi homines conuenire aggrediatur, rogetque eos de sua conuersatione? quomodò se gerant in spiritualibus boni Catholici exercitijs? vbi verbum Dei audierint? Cur non interfuerint suæ parochiæ; Nonne illi facillimè Curatum suum eludent, dicendo effroni quadam audacia se alibi concionem audi-



audiuisse & in alijs Ecclesijs debitum suum  
 probè expleuisse & licet fortasse splendide  
 mentiantur? Et (quod nodus est) nonne  
 ad manum habebunt hanc omnibus Pasto-  
 ribus metuendam respondendi industriam?  
 Non tenemur, non obligamur in conscien-  
 tia parochiæ nostræ interesse, nullum Ec-  
 clesiæ aut sedis Apostolicæ Decretum vio-  
 lamus, non peccamus. Ad hæc quid quæso  
 dicet & quid aget zelator Parochus? nonne  
 manent isti licentiosi homines sine solido &  
 efficaci legis remedio?

At verò, vigore decreti sacræ Synodi, ac-  
 curatissimè custodito: benè commendata  
 & etiam pro suggestu efficaciter inculcata  
 supradicti Canonis ad Parochiam obligatio-  
 ne, eiusque fidelissima praxi diligenter cu-  
 rata & continuata: habet Dominus Paro-  
 chus, vnde constanter & efficaciter suos  
 possit conuenire de suo debito: habet vnde  
 ei constare possit de eorum vita & conuer-  
 satione, quod Ecclesiam frequentent, sacra-  
 menta recipiant, Deum colant, verbum  
 Dei audiant, catechismo intersint, publica-  
 tiones Bannorum, Iubileorum, supplicatio-  
 num publicarum, Festorum, ieiuniorum, &  
 simili-

similium certò sciant, & denique necessaria ad salutem discant: de omnibus istis, inquam, facillè Domino pastori constare potest. Si enim singulis diebus Dominicis & Festis iuxta Canonem, propriæ intersint parochiæ, manifestè satis fit Concilio, & Pastoris desiderio: sin autem aliquando absunt, Zelator Parochus tunc maiori cum auctoritate & fundamento inquit de causa, & in frequenter absentium vitam, mores, & conversationem securius, certius, ac vtilius animaduertit.

Itaque dici vix potest quàm sit salubris sacræ Synodi memoratus Canon, obligationem ad parochiam continens; imò quàm sit necessarius ad reformandam spirituales Parochiarum disciplinam; ad varios libertinos ignotos, & ad diuina parùm aliunde voluntarios, mediante, super legem fundatâ, bonorum Pastorum animaduersione, cōpellendos in securiorem salutis viam. Vt proinde sit enixè optandum vt Reuerendissimi Domini Ordinarij pro demandata sibi à Concilio sollicitudine, stent viriliter & invincibiliter à partibus istius sacerrimi Ecclesiæ Canonis,



## ARTICVLVS L.

*An non possint inueniri quædam sua-  
uia remedia quibus plebs paruo negotio  
redeat ad frequētandam parochiā iux-  
ta Canonem sacræ Synodi, cum bona in-  
terim pace Regulariū & Parochorū?*

RESP. Quòd sic, vt illòrum tamen reme-  
diorum utilitas, melius apprehendi possit;  
prænotandum omninò est varios in his  
Flandricis prouinciis inoleuisse modos &  
praxes aut saltem occasiones, diuertendi  
plebem à suæ Ecclesiæ parochialis frequen-  
tatione ad Ecclesias Regularium; omninò  
tamen, vt existimò, præter mentem Sum-  
morum Pontificum: Et vt sint sanè, alij  
multi modi abductionis istius, de quibus  
mentionem facturi sumus in posteriori par-  
te huius tractatus, vnus tamen est modus,  
aut potius occasio specialis, quæ hîc venit  
attentissimè perstringenda: illa porrò ortū  
habet ex Bullis Summorum Pontificum cō-  
cedentibus Indulgentias plenarias extrane-  
is Ecclesiis præsertim tamen Regularium,  
ratione confraternitatum variarum, in di-  
uersis

uerfis ordinibus, aut alibi, ex indulto Apostolico institutarum, aut ratione sollempnitatum localium quæ frequentes occurrunt in diuersis Religionibus alijsque Ecclesijs. Nam verbi gratia, cum Patres Dominicani habeant indulgentiam plenariam ratione Rosarij vna ex Dominicis, cuiusque mensis. Vt & Franciscani aliâ cuiusque etiam mensis Dominica, ratione chordæ: & Carmelitæ ratione Scapularis nostræ Dominæ de Monte Carmelo Et Augustiniani ratione cinguli, & aliæ quædam Ecclesiæ alio titulo, Fit vt in celebribus vrbibus, vix aut paucæ admodum supersint Dominicæ in anno ab indulgentia plenaria liberæ: at verò populus ratione lucri talium indulgentiarum facile & ordinariè deserit parochiam vt confluat dictis diebus ad externas illas Ecclesias non sine iusta certè & penè continuâ lamentatione Pastorum, qui vix videntur de remedio vlllo sperare posse in restituenda parochiarum frequentatione. Nisi fortè aliquando contingeret per singularem Dei prouidentiam familiari quadam fidelitate *Sanctissimum Dominum nostrum* penitus informari ab aliquo seruo Dei de conditione,



tione, statu, & natura populorum Belgij, &  
 Flandricarū Provinciarum, apud quos pe-  
 nē hactenus Parochiales Ecclesiæ vehemen-  
 ter floruerunt populorum frequentia & sa-  
 cramentorum crebrā perceptione, & diui-  
 norum Officiorum verbique Dei pientissi-  
 mā ac diligentissimā auditione: nunc verò  
 (quod deplorandum est) non ita. Quid si  
 consulerentur & cum tota animi demissio-  
 ne rogarentur. *Illustrissimi ac reuerendissimi Do-*  
*mini R. S. E. Cardinales*, de excogitando quo-  
 pia suaui modo retinendi parochianos pro  
 audiendo verbo Dei inter Missæ parochialis  
 solemnita in propria Ecclesia? ita tamen vt  
 non frustrarentur accessu Ecclesiarum regu-  
 larium siue externarum, & fructu indulgenti-  
 arum ibidem lucrandarum, occurrentium  
 in Dominicis aut Festis maioribus, quibus  
 tenentur interesse parochiæ suæ, iuxta Con-  
 cilium Tridentinum? Interim, tamen, dum  
 id præstolamur, & excogitandum ab *Illu-*  
*strissimis Dominationibus* & proponendum *Suæ*  
*Sanctitati* mihi solatio erit apud memetipsū  
 ruminari (inefficaciter licet) quempiam  
 remedij modulum qui fortasse possit videri  
 non inidoneus, utpote sua iura parochiis  
 & Pa-

& Pastoribus conseruans, & simul sua priuilegia & indulgentias Regularibus non impediens. Is autem modus esse posset, isque breuissimus: Vt, si huiusmodi indulgentiæ cadant in Dominicas & Festa maiora: ita quidem fidelibus concedantur, vt parochiani tamen lucrandæ veniant cum conditione eodem die interessendi parochiæ suæ in Missa parochorum ad audiendum verbû Dei, si commodè fieri possit. Is modus videtur valdè compendiosus; pacis & amicitiae inter Parochos & regulares conciliatiuus, neutris quæ sua sunt auferens, conuenientissimè, auidam Spiritualis lucri plebem, ad Missam parochi sui alliciens, sicque illam paulatim quasi insensibiliter sine vlllo violento compulso, aut clamore, parochianâ reddens, idque solius *Suæ Sanctitatis* expensis, vt sic loquar: id est, solâ hac iam dictâ conditione, suæ concessioni adiecta & absq; vlllo dubio ab omnibus lubentissimè amplectenda. Quid habent ibi quo se commouent Regulares? quid non habent ibi quo lætentur Pastores? quomodò exultarent Belgiæ prouinciæ, sibi que de tam diuino remedio congratularentur passim parochiæ



Flandricæ? quomodo vniuersi gratias agerent Christo Domino, & Summo eius in terris Vicario? Si dicas, positâ illâ conditione interessendi parochiæ illo die, multos de plebe frustrandos fore lucro indulgentiæ Regularium, cum non omnibus vacet interesse Missæ parochiæ? Respondeo ideo nos vsos fuisse verbis Concilij: *si commodè fieri potest, vt parochianus scilicet interfuit; si enim non potest commodè, sicut tunc per Synodum liberatur ab interessendi obligatione; ita per suam Sanctitatem liberaretur ab illa adiecta conditione indulgentiæ, & absque ea indulgentiam lucraretur. Dignetur suaussime Domine IESV CHRISTE, mihi indulgere inuictissima bonitas tua, omnia peccata mea: si qua egimus bona, tua sunt, si qua scripsimus aut pro suggestu diximus vera, à te sunt: Et quidem (Gregorij est in calce operis mortalium) mala me aliqua etsi dixisse non inuenio: tamen quia omninò non dixerim non defendo: Cæterum Ecclesiæ sponsæ tuæ iudicio mea omnia & me totum humillimè submitto.*

*Finis Prioris Partis de verbo Dei. Sequitur posterior de Missa.*

PARS



# P A R S P O S T E R I O R.

De debito Missæ Parochia-  
lis audiendæ diebus à  
Concilio Tridentino  
statutis.

## ARTICVLVS I.

**A**N Ecclesiæ Romanæ Christi spon-  
sæ, aliquid statuenti, & faciendū,  
Spiritu Sancto inspirante, ordi-  
nanti, non sit affectuosè, & reuerenter  
obtemperandum?

RESPONDEO. Quòd sic, qui enim præfe-  
cit Petrum ouibus, indubiè ex aduerso, sub-  
iècit oues Petro : vnde ex eo quòd astrinxit



Petrum ex officio, ad pascendum eas: ex consequenti adstrinxit easdem ut pascantur ab illo. *Pasce oues meas*, expresse dixit Petro: Pascimini ab eo, dicit ouibus implicitè: Alioqui qui Ecclesiam noluerit habere & audire matrem sit tibi sicut Ethnicus & Publicanus. Quàm autem sit reuerenter obediendum ordinationibus Ecclesiæ, Monet his verbis sanctus Agatho Papa 19. distinct. *Sic omnes Apostolicæ Sedis sanctiones accipiendæ sunt, tamquam ipsius diuinæ voce B. Petri firmatæ.* Quàm verò sit graue peccatum ijs nolle obedire, docet S. Damasus causa 25. quæst. 1. *Violatores Canonum voluntarij, grauitè à SS. Patribus iudicantur: & à Spiritu sancto, cuius instinctu ac dono, dictati sunt, damnantur: quoniam blasphemare Spiritum Sanctum, non incongruè videntur, qui contra eosdem Sanctos Canones, non necessitate compulsi, sed libenter, ut præmissum est, aliquid, aut proteruè agunt, aut loqui præsumunt, aut facere volentibus, spontè consentiunt.*

## ARTICVLVS II.

*Quotuplicibus statutis Sedes Apostolica regit fideles sibi à Christo commissos?*

RESP.

RESP. Quòd duplicibus, Partim scilicet  
ijs quæ sunt præcepti, id est continentibus  
præceptum; & proinde obligantibus in cō-  
scientia, atque idèò sub peccato. Quale  
monstrauimus esse illud sess. 24. cap. 4. de  
verbo Dei audiendo in propria parochia, in  
Concilio Trid.

Partim alij quæ sunt simplicis ad salutem  
directionis: constantque regulis consiliato-  
riis, monitoriis, exhortatoriis, inductiuis;  
quibus ea populo Dei præscribi solent faci-  
enda, quæ Spiritui sancto visa sunt esse salu-  
briora ut proinde Pastores summo Ecclesiæ  
Romanæ Pastori subiecti, non possint nec  
debeant sacris illis Conciliorum vel Papæ  
directionibus contrauenire, nec sua ipsorum  
consilia istis contraria populo ingerere;  
multò minus id possunt facere Confessarij  
simplices, aut quiuis Regulares, quibus plebs  
parochiarum non est subdita. Si enim ex in-  
dulto Sedis Apostolicæ, aliquid operari per-  
mittantur, meminisse debent se id habere ex  
sola simplici commissione, in aliquale Pasto-  
rum subsidium, qualia sunt prædicare &  
confessiones audire. Commissarius porrò  
commissionem suam excedere non debet,  
præ-



præsertim vbi suæ talis Commissionis functiones & actus sunt determinati, verbi gratia, absolvere & concionari: quas nihilominus functiones ita exercere habent vt seruiant intentioni committentis, id est debite illas expleant & sicut oportet: siquidem non operari, sed bene operari, dignum est laude & præmio. Neque enim ( inquit Card. Bellarminus ) coronantur verba, sed aduerbia. Itaque Regulares confessarij sacramentum illud Pœnitentiæ administrando, cauere omnino debent ne pœnitentibus aliquid insinuent quod sit Ecclesiæ & Conciliorum ordinationibus & consilijs repugnans, si facta est iis prædicandi commissio, debent conuenienter prædicare, id est non seipsos, & suum interesse, sed Christum, non suam ipsorum sed Christi & Ecclesiæ eius doctrinam quod certe non faciunt si dum Ecclesia in Oecumenico Trid. Concilio statuit & iubet publicari: *Populum teneri ad Parochiam ratione verbi Dei in Missa audiendi*, Ipsi è contra, aut in cōfessionali privatim, aut in suggestu publicè, præsumunt docere non teneri, siue, quod idem omnino est, non obligari: Aut si vbi Concilium hortatur ad Mis-

sam parochialem, ipsi ex aduerso dehortantur. Vel si etiam, vbi Sedes Apostolica expresso præcepto mandat Regularibus, vt serio, & frequenter, quâ catechizando, quâ concionando, exhortentur, moneantque populum vt audiant Missam suorum Parochorum; ipsi è contra non obediunt neq; hoc prædicare volunt: aut si semel in anno, de hoc in alicuius Ecclesiæ parochialis dedicatione, rogatu Parochi, vnum verbulum dicant inter concionandū non tam id præstare videntur in commendationem statuti Synodici, aut Pontifici, fauoremque Iuris pastoralis, & frequentationis parochiæ; quâ in præiudicium eorumdem. Totum enim illud quod dicere solent, est: Quod si qui aut quæ velint diebus Dominicis & Festis frequentare parochiam suam, non malè faciant: quin etiam bene faciant quidem, sed tamen reuera, nulla penitus ad id sit obligatio conscientiæ: Quod interim est expressè contra textum prædictum Concilij Trid. sess. 24. cap. 4.

AR



## ARTICVLVS III.

*Quo loco Concilij Trident. sit statutum de Missa parochiæ? Et quale sit?*

RESP. Quod inueniatur in sess. 22. in Decreto de obseruandis & vitandis in celebratione Missæ, vbi Sacrosancta Synodus post nonnulla alia, quæ iubet circa Missam cauenda aut seruanda, hoc subiungit.

*Statutum de Missa.*

*Doceant Populum, quis sit, Et à quo potissimum proueniat Sanctissimi huius sacrificij tam pretiosus ac celestis fructus. Moneant etiam eundem populum. ut frequenter ad suas parochias, saltē diebus Dominicis Et maioribus Festis accedant.*

Quod autem hoc Decretum de frequentanda parochia pertineat ad Missam non est dubitandum; tum quia titulus capitis est de Missa. Tum quia toto capite non agitur nisi de Missa & spectantibus ad eam. Tum denique quia (vt in textu iam allegato patet)

post-

postquam actum est de fructu sacrificij Missæ commendando, statim immediatè subiungitur, *Moneant etiam, &c.*

## ARTICVLVS IV.

*An statutum illud de Missa parochiali audienda, sit primi, an verò secundi generis: id est, An sit præceptum, an verò Regula simplicis ad salutem directionis?*

RESP. Pronunc supponendum esse, ac si sit simplicis Directionis, quidquid sit interim de rei veritate, quæ in sequentibus poterit probabiliter etiam in alteram partem expendi: Continet nihilominus hoc præmissum Concilij statutum manifestissimam Ecclesiæ intencionem & absolutam voluntatem; populo per Episcopos seriò intinendam, ut dictis Diebus intersit Missæ parochiali: quod omninò præstandum est cū simplici & humili obedientia ac Christiani animi promptitudine.

AR.



## ARTICVLVS V.

*An non sit perniciosum bono animarum spirituali ac suauit Matris Ecclesiæ, per regulas monitorias & hortatorias regimini, quòd non queratur, nec curetur amplius an Ecclesia Romana ordinet, statuatur, velitue aliquid fieri? sed tantum an sub peccato?*

RESP. Quòd sic: Et quidem talis insusur-  
ratio & clandestinum consilium quorumdā  
non potest esse à Spiritu Dei. Primo quia re-  
pugnat consiliis, monitis, & ordinationi-  
bus Ecclesiæ quæ regitur à Spiritu sancto:  
Et destruit ex toto eam alteram regiminis  
Ecclesiæ partem, qua regit, dirigit docet,  
moderatur & gubernat suauiter per horta-  
tiuas & planè maternas ordinationes. Quæ  
si ita negligantur passim & ijs non obtem-  
peretur, metuendum meritò est, ne im-  
posterum paulatim præcepta negligantur. At  
vero ijs post habitis & neglectis, facile ve-  
niri posset vsque ad defectionem fidei, quæ  
neces-

necessariò postulat omnem reuerentiam & animi submissionem ad sanctam Sedem, eiusq; super totum Christianismum supremam in terris auctoritatem. Non enim procul est ab isto periculo, qui omissa reuerentia & obedientiali affectu ad Romanam Sedem eius dedignatur directiuas regulas, monita & statuta præ hominum consiliis Ecclesiæ consilio contrariis.

*Secundò*, quia repugnat animarum promotioni ad maiorem perfectionem: perfectius enim est ultra præcepta implere etiam Ecclesiæ sacrosancta monita & consilia, quàm sola præcepta: quæ alioqui pauca admodum sunt. Et verò qui attendere nõ vult ad Christum Ecclesiamque monentem, sed dumtaxat ad præcipientem, conuincitur quidem timere, sed non conuincitur eam amare ac diligere: qui autem non diligit, quid meriti aut perfectionis consequi potest præcepta, exequendo?

En quantum damnificentur animæ, & regimen Ecclesiæ, dum plebs à Pastoribus ad humiliter parendum Ecclesiæ monitis excitata, tandem assuescit renuere, multumq; subtiliter se defendisse, & Parochis respon-



disse putat, cum ex quorundam occulta insurrectione respondit constanter, *Se non teneri, nullamq; Ecclesie obligationem sub peccato; exstare.*

## ARTICVLVS VI.

*An instructio quorundam data secularibus, vt respondeant se non obligari ad peccatum, sit damnosa?*

RESP. Quantum ea respondendi doctrina sit perniciosa, quantumque spiritualis damni, populo simplici, afferat huiusmodi improvida subtilitas distinguendi inter præcepta & monita; colligere est ex indebito fine & scopo: Ideo enim, vti distinctione inter illa duo, apud filias spirituales seculares (quarum in parochiis Flandriæ multæ & magnæ sunt cateruæ) & alios plebeios; eoque fine vt posteriora, id est, *Monita* & Ecclesia statuta hortatoria subtriceantur, supprimantur; nemo doceat, nemo hortetur, nemo catechiset, nemo prædicet, nemo inculcet, nemo commendet esse obseruanda, & quidem sic vt è contra, si quis id serio facere aggrediatur,

diatur, mox audiat subinde à nonnullis sibi responderi: Estne quoad illam constitutionem, obligatio nobis imposita sub peccato? tenemur ne in conscientia ad illam monitionem & directiuam Ecclesiæ voluntatem? offendemusne Deum si non obedimus? illa quæso tergiuerfandi instructio estne toleranda? quantum certè, eo fine facta distinctio inter præcepta & monita, talisque ita respondendi insufurrata industria, noceat, hinc patet, quod viam aperiat ad ruinam boni publici, & perfecti regiminis omnium communitatum, rerum publicarum & familiarum.

Quis quæso erit ordo in domo, cuiuscunque Patris familias, aut heri; si serui & ancillæ, si filij & filæ, nullis eius ordinationibus ac voluntatibus obsequi voluerint, nisi prius eis significetur & constet eum præcipere sub peccato? obligorne ad tuas ordinationes sub peccato? alioqui non obedio. Ne quidem in exercitu sic responderi solet: Dico enim (aiebat Centurio) huic militi meo vade & vadit; & seruo meo fac hoc & facit, veni & venit: quod & Christus vehementer laudauit: Quanto igitur magis in hoc



myſtico Chriſti Corpore, parendum eſt directionibus & voluntatibus illius magnæ & ſanctiſſimæ matrisfamilias, quæ eſt ſponſa Chriſti, Romana Eccleſia?

Non inficior debere diſtingui inter præcepta ( vt potè obligantia ad peccatum ) & ſtatuta monitoria ſimplicis directionis: ſed eo fine diſtinguere, vt ſola priora ſeruentur, & poſteriora nequaquam; ſed potius negligantur, non curentur, nec cuſtodiantur, id non eſt ferendum.

Alioqui, in ſimili obteſtor ipſorum Religioſorum fidem: Nunquid Patres Capucini, præter vota eſſentialia & ſuæ Regulæ Franciſcanæ præcepta, habent ſtriſtiſſimas ſuæ reformationis vitæ ac diſciplinæ conſtitutiones, ad nullum prorsus, ne quidem veniale peccatum obligantes? ita planè: Nonnè & Patres Dominicani ſuas? nonnè & Patres Ieſuitæ ſuas regulas & ſtatuta nullius omnino ad vllum peccatum obligationis? ita eſt. Nunc ad propoſitum, Paterentur ne ſuperiores ea infringi & diſſimularent ne ſi quis ea non obſervaret? Nonnè quotannis ſuper hoc fiunt viſitatorum Prouincialium informationes, & tranſgreſſoribus poenitentia

vigilanter imponitur? Et cur quæso tam accuratè inuigilatur harum constitutionum obseruationi? Quia utique sæpes sunt ad muniendam votiuiam essentiam Religionis: Fundator quidem plantauerat vineam, sed generale Ordinis Capitulum, subinde sæpem circumdedit ei: sicut Christus fundauit Ecclesiam, muniuit eam maceriâ præceptorû suorum, Concilium autem generale, sæpè Canonum & monitorum suorum circumdedit eis. Quam autem sint necessariæ eiusmodi sæpes colligi potest ex eo quod Deus noster Isa. 5. pro magno supplicio minetur dicens: *Auferam sæpem eius, & erit in direptionem: diruam maceriam eius, & erit in conculcationem.* Id est, propter demeritâ superiorum & subditorum in statutis inobedientiam, subtraham eis gratiam meam, & auxilia mea specialia, vt ex subsequentiis palpabilibus ordinis præuaricationibus, ordo ipse discat, quàm sine ope mea, nihil possit, & humilietur. Nostris penè oculis vidimus declinationes & relaxationes plerorumq; ordinum Religiosorum, proh dolor? & id vnde? nisi ex neglectu suarum sæpium seu constitutionum? esto, non obligarent sub peccato vllò,



nam vt habetur Eccles. 10. *Qui dissipat sepem mordebit eum coluber.* & Eccles. 36. *Vbi non est sepes, diripietur possessio.* Id est, ex non obseruantia statutorum & salutarium monitionū facile sequitur transgressio præceptorum, quia nimirum in statutis consistit cautio & bonum totius disciplinæ. Quod si ita est in ordinibus Regularium, cur quæso in Ecclesia Christi, quæ est communitas communitatum: Respublica rerum publicarum, & exemplar omnis sancti Regiminis ac disciplinæ, non seruetur eius diuina intentio, monita, directiones, constitutiones, ordinationes, ac eius sanctissima disciplina, ne populus tandem in peiora dilabatur?

Cur Confessarij & Prædicatores regulares faciunt alteri nempe Ecclesiæ Romanæ Matri suæ, quod sibi ipsis non vellent fieri, nimirum negligi & non obseruari sanctissima statuta superiorum legitimorum? & ipsi met ordinum Prouinciales, cur in visitationibus suis annuis non inquirunt vnde lugeant desertæ parochiæ? vnde passim gemant Parochi priuati aspectu & notitia & prisco conuentu charissimarum ouium, quibus à Sancta Sede præfecti sunt? Cur non aduertunt,

tunt, non fortasse sui Religiosi non sint huius mali & deordinationibus causa? siue scribendo, siue concionando, siue priuatim suis familiaribus aut poenitentibus colloquendo? si tale aliquid deprehendant, immò vel suspicentur, videant pro sua prudentia quomodo hoc possint conuenienter impedire.

## ARTICVLVS VII.

*Quid dicere possent visitatores ordinum suis coufratribus pro tuenda ordinatione SS. Synodi super frequentatione Parochiæ, & Missæ Parochialis?*

RESP. Dicere possent, *Fratres mei, sumus Religiosi, & obedientiam professi, sed & sumus filij, ac cooperatores sanctæ Ecclesiæ per ministerium Confessionis & prædicationis. Porro quatenus nos Religiosi profiteamur obedientiam regularem: perfectissimè scilicet parendo Religioni nostræ in monitis & regulis, & ordinationibus suis, debemus eatenus esse plebi Christi exemplum obedientiæ promptissimæ, vt ipsa quoque ad imi-*



tationem nostri promptè & sincero affectu obediat Ecclesiæ in monitis & directionibus eius. Simples de plebe oculum figunt in Religiosos tanquam in viuum exemplar obedientiæ, proindè tenemur ex charitate eis in hoc dare bonum exemplum.

Quatenus verò sumus Ecclesiæ filij, eandem debemus sincerissimè amare, honorare, venerari, obseruare, colere, sequi, obedire eius præceptis. Præcipit autem nobis arctissimè in Bulla Clementis 8. (de qua infra) vt seriò curemus monere, & exhortari frequenter fideles vt pareant Sedi Apostolicæ, audiendo Missam parochialem diebus Dominicis & festis maioribus. Obediamus ergo humiliter; & facto & verbo plebeculam accendamus ad amorem, reuerentiam & obedientiam sanctæ Matris Ecclesiæ.

Quatenus autem Cooperatores eiusdem Ecclesiæ sumus, iuuemus eam ex animo, satisfaciamus intentioni eius, reddamus illam populo amabilem, quia Sponsa Domini est, honorabilem, quia magistra veritatis est; obedibilem, quia mater est omnis sanctitatis, & organum Spiritus sancti, exaltemus monita eius, statuta eius merè cœlestia, cō-

filia

filia eius à Deo sapientissimè inspirata, quibus membra sua dirigit ad salutem: Quod si præstare nos decet, quanto magis oportet nos cauere ne contrariemur eidem Ecclesiæ, opponendo consilia nostra, consilijs eius? nostra, inquam, merè humana, eius planè diuinis? nostra quæ quatenus nostra, falli & fallere possunt: immò & meritò (quatenus Ecclesiæ consilijs contraria) esse possunt suspecta, de occulta aliqua quæstione nostri proprii interesse. Ecclesiæ autem Romanæ in vniuersali Concilio congregatæ monita & consilia, tam certum est esse purè ad gloriam Dei, & solam animarum salutem; quam certum est Deum esse Deum. Non contristemus Pastores, meminerimus Sixtum 4. nobis prohibere ne vllò modo populos à parochiæ frequentatione abstrahamus, idque sub excommunicatione ipso facto incurrenda. Itaque audiatur Spiritus sanctus I. Corinth. 10. *Sine offensione estote Iudeis & Gentibus & Ecclesiæ Dei.* Item 2. Cor. 6. *Nemini dantes vllam offensionem, vt non vituperetur ministerium nostrum.* Si Pastor Christus Dominus, per Ecclesiam suam vocat gregem suum ad parochiam, nos qui gregis canes sumus



mus latratu nostro consentaneo gregem eo conuertamus, & dicamus gregi, *Vocaris*: si vocet *Monendo*, dicamus conformi gregi, *Monevis*: si vocet præcipiendo, dicamus, *Teneris*. Et simul declaremus pœnitentibus nostris, frustra sperari perfectionem per ea quæ sunt humani consilij, neglectis & non impletis ijs quæ sunt debiti.

### ARTICVLVS VIII.

*An constitutio Tridentinae Synodi supra artic. 3. posita sub vocabulo Monitionis expressa, non differat à nudo consilio?*

RESP. Quòd sic: nam vnusquisque potest mihi dare consilium; siue sit Doctor, siue Aduocatus, siue socius, siue inferior meus; solius autem Superioris est, constitutiones facere, & per sese, vel per suos ministros ad illas seruandas, subditos monere. Deinde id quod est nudi consilij, non est propriè debiti; sed relinquitur libertati & optioni meæ: è contra verò res monita, & per constitutiones à Superiore ordinata & dictata, est

est debiti nec relinquatur nostræ optioni aut libertati. Vnde subiectus non potest respicere rem talem tamquam sibi indifferentē, non est enim amplius de numero obiectōrū indifferentium. Et Superior legitimus, licet possit & consilium dare, & ordinare seu monere vt aliquid fiat, aliter tamen facit hoc, & aliter istud. Nam viā consilij nudi, dicit vellem: viā autem ordinationis, dicit volo, quæ, vt patet, multum differunt. Testes huius distinctionis mihi sint ipsi Ordinum Superiores, qui in actionibus adiaphoris seu indifferentibus ac meræ libertatis, Subditos suos suo ipsorum arbitrio relinquunt quasi dicerent *Si quis hoc agat vel omittat perinde esto*. At in ijs quæ sunt constitutionum & Regularium directiuarum, quibus totius Communitatis disciplina continetur, esto non ligent ad peccatum, Superior non dissimulat si quis contrauerit, ac si diceret: *Hoc ordinavi & statui, Volo & Moneo vt fiat*: & consequenter animaduerti solet in inobedientes.

Nunc applicemus ad propositum nostrū. Quod parochiani audiant missam parochiæ iuxta statutum Concilij Trid. supra artic. 3.

posi-



positum, non est nudi consilij, nec meræ libertatis, sed debiti. Debitum verò istud oritur ex natura constitutionis præfatæ, factæ à supremo Iudice, Principe, & Superiore Christi fidelium. Ac si diceret: Ex auctoritate statuo, ordino, volo, & per Episcopos moneo, sic fieri. Debet igitur ei obediri. Nam Superiores Ordinum, si quid efficacitæ & auctoritatis habent in suis constitutionibus ad nullum licet peccatum ligantibus, indubiè habent à supremo Ecclesiæ Capite. Iam autem

*Æquumne* est, vt supremi Capitis sacerrimæ Regulæ & constitutiones langueant, iaceant, frustrentur, & inefficaciter subiectis eius publicentur, & eis non obediatur; cum tam arctè Prælati minores Regularium à suis subditis faciant suas obseruari; ideò valde cauendum est, ne hæc de parochiali Missæ constitutio & expressa eam frequentandi *Monitio*, vel subtrahatur à prædicatoribus & confessariis, dum tempus & locus aut occasio eam manifestandi requirit: vel ne dicatur esse quid indifferens & nudi consilij. Nam ex similibus intricandi & loquendi modis faciliè omittit obedire simplex vulgus, & deuiat à Regulis Ecclesiæ. AR-

## ARTICVLVS IX.

*An non plus sit actionem aliquam esse consilij, quam esse licitam, & meræ libertatis?*

RESP. Quòd sic. Quia posterius, non supponit aliud in Superiore, quam *Nudam permissionem* vt res fiat, habetque se Superior ad eam quasi negatiuè. At verò rem esse consilij supponit aliquid plus in Superiore, nempe velleitatem ac desiderium aliquod vt res fiat, ratione cuius, habet se quasi positiuè ad rem illam.

Porro vtrique, id est, tam permissioni quam consilio commune est quod includant virtute prohibitionem ne quis à re illa libera vel consulta, subditos impedire valeat. Hanc difficultatem & distinctionis doctrinam, infra applicabimus *Bullæ Clementis 8.* in qua agitur de audienda Missa parochiali: quæ inquam Missa parochialis distinguetur ibi à nobis contra Missas Regulariû, quæ respectu Summi Pontificis Clementis, ne quidem sunt consilij, sed meræ & nudæ libertatis.



## ARTICVLVS X.

*An Concilium Trid. non munierit Episcopos remedio contra parochianos, Missam parochie frequentare nolentes?*

RESP. Quòd sic, & quidem per hæc verba, quæ immediate sequuntur post statutum de Missa frequentandâ supra art. 3. positum.

*Hæc igitur omnia quæ summatim enumerata sunt, omnibus locorum Ordinariis ita proponuntur: ut non solum ea ipsa, sed quæcumq; alia huc pertinere visa fuerint, ipsi pro datâ sibi à sacrosancta Synodo potestate, ac etiam ut delegati Sedis Apostolicæ, Prohibeant, mandent, corrigant, statuunt; atq; ad ea inuiolatè seruanda, censuris Ecclesiasticis, alijsq; pœnis, quæ illorum arbitrio constituentur fidelem populum compellant: non obstantibus privilegijs, exemptionibus, appellationibus ac consuetudinibus quibuscumq;.*

Vbi nota, quod Concilium, dicendo *Hæc igitur omnia*: comprehendit etiam ordinationem de Missâ in parochiis frequentandâ. Inter octo siquidem puncta, quæ toto isto Decreto, Episcopis curanda iniunxit, omnium

innium ultimum est de debito Missæ frequentandæ, quod proinde continetur sub vocula demonstratiua, *Hæc*, cuius natura est referri potius ad vicina quam remota, continetur nihilominus etiam sub signo distributio *omnia*: debitum enim frequentandæ Missæ, est vnum ex ijs quæ summam enumerata sunt. Etenim si Concilium ponit *omnia*, vt nihil enumeratorum excludat, quomodo auderemus nos excludere id quod Concilium non excludit, Missæ nimirum frequentationem? Proinde remedia illa in textu iam allegato expressa pertinent etiam ad curandam Missæ parochialis frequentationem, Ideoque manent Episcopi benè muniti remediis aduersus parochianos vel parochianas, parochiam pro Missa parochorum audienda, dictis diebus, frequentare negligentes.

## ARTICVLVS XI.

*An Episcopi per textum Concilij allegatum habeant sufficientem potestatem et media, ad efficaciter curandam Missæ Parochialis frequentationem?*

RESP.



RESP. Quòd sic : quia imprimis habent  
 auctoritatem ad id plenissimam & amplif-  
 simam à sancta Synodo , tamquam Sedis A-  
 postolicæ delegati. Ista autem potestas, adeò  
 latè patet , vt se extendat etiam ad quæcum-  
 que alia quæ huc pertinere visa fuerint, mā-  
 dando, corrigendo, prohibendo, statuendo,  
 censuris Ecclesiasticis, alijsque pœnis arbi-  
 trarijs populū compellendo, cum supra  
 citatis, *Non obstantibus &c.* Certè potestas il-  
 la Episcoporum adeo magna & ampla est,  
 vt ea vti liberrimè possint in regulares, si  
 quoquo modo à frequentanda Missa Paro-  
 chiali populū diuertant ac impedian. Vn-  
 de sequitur quod cū inter istiusmodi, *Quæ-  
 cumq; alia quæ huc pertinere videri possent* (vt lo-  
 quitur Synodus) maximè recenseri habeant  
 verba dissuasoria prædicatorum & confes-  
 sariorum Regularium : sequitur inquam E-  
 piscopū in eos agere posse mandando, cor-  
 rigendo, prohibendo, statuendo, ne vllis  
 siue directis siue indirectis modis, plebis a-  
 nimos ab obedientia huius ordinationis ali-  
 enent aut retardent. Nec obstat quod Re-  
 gulares fortè sunt exempti, aut priuilegiati,  
 vel quod per diuturnam consuetudinem si-

bi videri possent in possessione præscripta :  
nam ista omnia sunt exclusa per hæc verba:  
*Non obstantibus privilegiis, exemptionibus, ap-  
pellationibus, ac consuetudinibus quibuscumq̃.*

## ARTICVLVS XII.

*An Ioannes Gallemart, & Emanuel  
Rodriguez rectè dicant Sacram Cardi-  
nalem Congregationem declarasse Epi-  
scopos non posse uti censuris, ad compen-  
dium populum ad missam parochiæ?*

RESP. Quòd non rectè id dicant: vt autè  
melius constet quid de hac re loquantur, ci-  
temus eorum verba. Dicit itaq̃ Rodriguez  
Quæstionum Regularium tom. 1. Quæst.  
43. artic. 7. *Præterea in eadem congregatio-  
ne, considerando verba dicti Decreti ibi  
Moneant etiam; decisum est, quod populus  
monendus est, vt Dominicis & Festis maio-  
ribus Missas in suis parochijs audiat: non est  
tamen ad id per censuras Ecclesiasticas co-  
gendus, hætenus ille. Ioannes Gallemart  
verò in suis collectionibus decisionum &  
declarationum Congregationis Cardina-*  
H lium



lium super Concilium Trid. hanc annotationem habet: Vide Zerolam in praxi Episcopali parte 1. verbo Missa, vbi asserit sacram Cardinalium Congregationem censuisse non posse Episcopum cogere populum multis aut poenis, etiam in casu notabilis negligentiae aut contumaciae, ire ad audiendam Missam in parochia sua, haecenus citatus Zerola: Deinde Gallemart citat Franciscum Suarem super 3. partem diui Thomae, disputat. 88. sect. 2. opinantem quod populus ad Missam parochialem censuris per Episcopos compelli non possit diebus Dominicis & Festis maioribus: aduerto tamen Suarem eo loco tota sectione, non agere nisi de Missa praeccepti contenti in cap. *Missas* ex Concilio Agathensi; quaerendo, num Missa illa dicti praeccepti pro diebus Dominicis & Festis singulis, debeat esse illa solemnitas, quae dicitur parochialis & celebratur à paroco in parochia? Et resoluit quod non, & consequenter Episcopos non posse ad Missam dicti praeccepti (ac si deberet esse necessario illa parochialis solemnitas) populum per censuras compellere. Quod totum etiam dicimus, ideoque Suares & alij, qui illo sensu de  
Missa

Missæ agunt, contra nos non faciunt. Nos enim distinguimus inter Missam præcepti vniuersalis, & Missam parochialem, quæ et si non sit præcepti, est tamen statuti Ecclesiæ tamquam simplicis animarum ad salutem directionis: sed de eiusmodi Missæ distinctione infra ex professò loquemur. Maneat ergo populum censuris, ad parochialem, dictis diebus, per Episcopos compelli posse, iuxta verba Concilij iam artic. 10. citata.

Nec obstant omnes illi allegatores declarationum Congregationis: *Illustrissimorum Cardinalium, Gallemart, Rodrigez, Zerolla, Marzilla, Soteallus, Farmacius, Horatius Lucius, Barboza*. Et si qui alij; nam extat decretum expressum contra similes Scriptores.

### ARTICVLVS XIII.

*Quod sit illud decretum contra Gallemart, & similes allegantes Congregationem Cardinalium?*

RESP. Decretum eiusmodi manasse anno 1621. estque tale.



## Decretum.

*Sacrae Congregationis S. R. E. Cardinalium à Sanctissimo D. N. Gregorio Papa XV. sanctaq; Sede Apostolica ad indicem librorum, eorundem permissionem, prohibitionem, expurgationem & impressionem, in vniuersa Republica Christiana, specialiter deputatorum, ubiq; publicandum.*

SACRA CONGREGATIO Illustrissimorum S. R. E. Cardinalium ad indicem deputatorum; viso decreto super prohibitionem facienda omnium collectionum declarationum, decisionum ac interpretationum Congregationis Concilij, tam impressarum quam imprimendarum, infra scripti tenoris: videlicet.

*Cum nuper S. Congregationi Cardinalium Concilij Trid. interpretum, innotuerit, aliquot volumina declarationum, euentito ipsius Congregationis nomine prodisse in lucem, quas in tenebris delituisse consultius fuisset, quando nedum vndiq; scatent erroribus, sed alicubi etiam vera ac germana Sacros. Synodi intelligentia prorsus aduersantur. Cumq; eiusmodi editiones vnde confusio ac peruersio oriri facile potest grauissimis etiam poenis interdican- tur constitutione sanctiss mem.*

*Pij 4. quæ incipit, Benedictus Deus Illustrissimi Patres, bonum semen ab inimici hominis zizania discerni, atq; œcumenicæ doctrinæ integritatem saluam incorruptamq; in Ecclesia Dei Custodiri, pro eo ac debent satagentes, sanctissimo D. N. Gregorio XV. annuente.*

*Decreuerunt indici librorum prohibitorum addendas esse omnes & quascunq; Collectiones declarationum, decisionum, seu interpretationum Congregationis Concilij, impressas vel imprimendas, præsertim verò editiones infra scriptas.*

*Sacri Concilij Tridentini decisiones & declarationes Illustrissimorum S. R. E. Cardinalium eiusdem Concilij interpretum, ad diuersa exemplaria, præsertim, secundum correctionem Petri de Marzilla, opera & studio Ioannis de Gallemart.*

*Declarationes Concilij Trid. ex bibliotheca manuscripta Prosperi Farmacij.*

*Remissiones Doctorum qui varia loca Concilij Trid. incidenter tractant, Authore Augustino Barbosa.*

*Declarationes Cardinalium congregationis Concil. Trident. vna cum Ioannis Sotali & Horatij Lucij annotationibus.*

*Declarationes eorundem Cardinalium, ex*



ultima recognitione Ioannis Gallemart,  
cum citationibus Ioannis Soteali, & re-  
missionibus Augustini Barboſæ.

Decreta Concil. Trid. ad ſuos quæque titu-  
los, ſecundum Iuris methodum redacta,  
adiunctis declarationibus authoritate  
Apoſtolica editis per Fratrem Vincenti-  
um de Marzilla.

*In quorum fidem hæc propria manu ſubſcripſimus,  
& ſigilli noſtri impreſſione communiri fecimus.  
Datum Romæ die 29. Aprilis 1621.*

R. CARDINALIS V BALDINVS.

*Idco prædicta ſacra Iudicis Congregatio volens  
quamprimum executioni mandare, vt par eſt, hu-  
iuſmodi prohibitionem: Omnes ſupradictas collecti-  
ones, declarationes, deciſiones, ac interpretationes  
Congregationis Concilij, cum impreſſas tum impri-  
mendas, & præcipue ſupra expreſſas præſenti de-  
creto ob id ſpecialiter factò prohibet, mandans ſin-  
gulis cuiuſcumq; gradus & conditionis ſub pœnis in  
Indice librorum prohibitorum, contentis, ne impo-  
ſterum, à præſentis decreti notiâ, aliquas huiuſ-  
modi Concilij collectiões, declarationes, deciſiones  
ac interpretationes imprimere, legere, vel quomo-  
documq;*

*docum<sup>q</sup> etiam sine aliâ superiorum licentia, apud  
se detinere audeant.*

*In quorum fidem, manu & sigillo Illustrissimi  
& Reuerendissimi Domini Cardinalis Bruilacque  
præsens decretum signatum & munitum fuit, Die  
6. Iunij 1621.*

BONIFACIUS CARDINALIS BRVILAQVÆ.

*Locus Sigilli.*

FR. FRAN. MAGDALENVS CAPIFERREVS,  
Ord. Prædic. Secret.

*Romæ ex Typographiâ Camera Apo-  
stolicæ M. DC. XXI.*

Hoc igitur Decretum expressimus, vt ap-  
pareat quam pauci sint momenti illæ alle-  
gationes siue Gallemartij siue Emanuelis  
Rodriguez, siue cuiuscumque alius, quibus  
indicat Sacram Cardinalium Congregatio-  
nem declarasse Episcopos non posse vti  
censuris Ecclesiasticis multis aut poenis ad  
compellendum populum ad Missam paro-  
chiale diebus Dominicis & Maioribus Fe-



sis: cum id sit expressè contra textum Concilij Trid. supra artic. 10 expressum; & Congregatio Sancta ostendat hic se ram alienam à similibus declarationibus quæ quomodocumque alterant Oecumenicæ doctrinæ integritatem, quam saluam incorruptamque in Ecclesia Dei custodiri, pro eo ac debent, hic satagere se dicunt.

## ARTICVLVS XIV.

*An & quomodo S. Carolus Borromeus plebes ad frequentationem Missæ parochialis reduxerit?*

RESP. Quòd id diligentissimè currauerit, & inter alia media quibus ad hoc vsus est in Concilio 6. prouinciali Mediolanensi litteras diuino zelo plenas ad omnes Episcopos suæ prouinciæ direxit hoc tenore, ante quas tamen hanc præmittit præfationem.

*Canonum ratio & disciplina Ecclesiastica* id Maximè postulat, vt ad Ecclesiam parochialem fideles quàm frequentissimè conueniant: id quod ab Episcopis accurratè eos moneri, Oecumenica Synodus Trid. piè ac saluta-

salutariter decreuit. Eius decreti authoritate, vt pro eo quod debemus, planè obtemperemus: in vsumque prouinciæ nostræ inducamus, quòd bene agendi rationibus, v-  
fuique optimè consultum esse animaduertimus, litteras monitionis eo de genere infra explicatas hoc prouinciali Concilio 6. edimus, quas in omni parochiali totius prouinciæ nostræ Ecclesia, certis Festis diebus, quos pro suæ Diœcesis ratione Episcopus præstituerit, de more promulgari decernimus: quo diligentius Parochiales admoniti, cum officij religiosi partes facilè intellexerint, quas suæ, quique Ecclesiæ Parochiali debent, incitata quâdam voluntatis propensione exequantur, quod de sacrosancti illius Concilij sententiâ, eos salutariter & quam sæpissimè monitos esse volumus. Id verò non hæc nostra solum Prouinciali cohortatione monitioneque contenti prouinciæ nostræ Episcopi præstandum curent, sed omni aliâ præcipuâ pastoralis curæ ratione, quam eius rei vsui accommodatiorem potio-remque esse censuerint. Porro huius nostræ litteras, quo facilius planiusque intelligat, indeque partes officij sui non solum



cognoscat sed rectè exequatur, eas in vulgarem etiam sermonem totas de verbo ad verbum conuerti, vel summatim vulgariter explicari, & ita si delibus enunciari iisdem curent, prout Diœcesis suæ rationibus magis expedire videbitur.

## ARTICVLVS XV.

*Quæ sit formula monitionis S. Caroli de conueniendo ad parochialem Ecclesiam?*

RESP. Effe, vt sequitur.

*Fuit olim tanti apud Antiquos Patres ille, frequens in Ecclesiam propriam parochialem conuentus, vt ad hanc disciplinam populi Christiani institutioni valdè accommodatam retinendam, certis Decretis cautio aliqua adhibita sit. Primum enim hoc iussum est vt Dominicis Festisque diebus, Parochi antequam Missam celebrent, plebem interrogent an alterius Parochiæ fidelis adsit, qui proprio contempto Presbytero, ibi Missam audire velit, quem si inuenerint, statim inde eiciant, & in Parochialem suam Ecclesiam,*

siam, ad Missam audiendam redire compellant.

Deinde illud planè vetitum fuit, alienæ Parochiæ fidelem à Parocho ad Missam non recipi, nisi in itinere fuerit & placitum ibi habuerit. Cuius veteris disciplinæ restituendæ in vsumque reuocandæ desiderio flagrans olim Summus Pontifex Vrbanus VI. eo de genere Apostolica Sanctione diligentissimè cauit, & nuper sacra Tridentina Synodus Oecumenica ab Episcopis Fideles non solum hoc moneri voluit vt frequenter ad proprias Parochiales Ecclesias saltem Dominicis diebus, Festisque maioribus accedant, sed illud etiam diligenter ostendit. *Vnumquemq; teneri, ubi commodè fieri potest, Parochiæ suæ interesse ad audiendum verbum Dei.* Ac proinde id præterea statuit, à Parochis animarumque Curatoribus inter Missarum solemnias aliquid ex ijs quæ in Missa leguntur exponi, & sanctissimi illius sacrificij mysterium aliquod explanari, plebes sibi commissas salutaribus verbis pasci, easdemque doceri, quæ scire omnibus necessarium est ad salutem, in lege Domini erudiri, & sacra eloquia illis explanari, tum in vnaquaque Eccle-



Ecclesia parochiali pueros fidei rudimentis instrui.

*Colligit S. Carolus frequentandam esse parochiam, & qui inde fructus sequantur.*

His igitur eiusdem Tridentinæ Synodi decretis, & veteri salutari exemplo adducti; cum populum vrbis, Diœcesis prouinciæq; Mediolanenſi noſtræ, rebus ad ſalutem neceſſarijs inſtructum, per bona opera ad præmium ſempiternum perducere, ſummo perẽ in Domino cupiamus: *hac noſtra*, monitione eos vniuerſos & ſingulos cohortamur, ac per viſcera miſericordiæ I E S V C H R I S T I obſecramus atq; obteſtamur, vt quamuis in vinciis, oppidis, & ſuburbiiſ Oratoria, Capellas, aliasũe Eccleſias habeant, vbi ſanctiſſimo Miſſæ ſacrificio intereſſe poſſint: frequenter tamen Dominicis ſaltem alijsq; ſolem nibus feſtis diebus, ad ſuam quique parochialem Eccleſiam conueniant: vbi à Parochi cui eorum cura commiſſa eſt, verbo Dei paſcantur, fidei Chriſtianæ

Christianæ rudimentis, alijsque animarum salutis necessariis præceptis erudiantur, ad sanctissima sacramenta religiosius percipienda instruantur, ad eorumque frequentem usum ut illa sacra Synodus optat paternis eius cohortationibus in dies magis inflammentur. Tum ab eodem item audiant qui dies Festi, si qui in hebdomadam inciderint, colendi, quæ vigiliæ Ieiuniaue seruanda sint, discant ab ipso item quæ Christianæ pietatis officia, in illis religiosè colendis præstari oporteat, ac quæ præterea supplicationes, processione sue, aut stationes, orationes, indulgentiæ, iubilæa indicantur; quæ matrimoniorum denunciationes fiant, quæ item pro ratione temporum, admonitu iussuue Episcopali ad diligentiores eorum institutionem promulgentur. His atque aded alijs fructibus, qui ex paternis Parochi vel in cohortando vel in monendo officiis existunt, eos carere contingit, qui ad Missam ijs diebus, in suam parochialem Ecclesiam non conueniunt.

Col-



*Colligit S. Carolus quæ incommoda sequantur ex absentia à Missâ Parochiæ.*

Immò verò quod hoc, audiendæ illis diebus Missæ parochialis munus, à fidelibus minus diligenter præstatur, & à quibusdam planè negligitur, multa incommoda inde existunt. Hinc in plerisque sæpè fidei articulorum & Dei Sanctæque Matris Ecclesiæ præceptorum quæ ad salutem consequendam Christianum hominem nosse oportet, imperitia, Festorum dierum cultus neglectus, debita Christianæ pietatis opera non exculita, non cognita Christiana familiarum institutio, languescens Sacerdotum Parochorum omne officium, eorum aliquis contemptus, sanctissimorum institutorum & sacrorum Canonum violatus usus, hinc denique in Ecclesiis parochialibus, quæ à maioribus tanto pietatis studio ex ædificatæ sunt instaurandis, ornandis, fartis rectisque habendis, cura multis in partibus neglecta, in illisque nulla aut pene exigua Ecclesia-

clesiastica ad diuina officia obeunda, neecessaria suppellex. His tot tantisque malis atq; incommodis vnusquisque occurrere studeat, id diligenter exequendo quod SS. Patrum suadet autoritas: quod Tridentina Synodus moneri iubet, quod ex illius iussu nos de vniuscuiusque vestrum saluti solliciti, paternis vocibus cohortamur & monemus in Domino.

*Adhibet S. Carolus motiua ad parochia frequentationem.*

Nec vero quemquam aliquod, quod vel ex parochialis Ecclesiæ aliqua distantia, vel ex pluuia, frigore, æstu, temporumue vicissitudine existit incommodum, ab hoc officio deterreat. Immò vero ad illud diligentius exequendum, prout in Domino confidimus, se quisque eorum accendat necesse est: qui salutis suæ memores huius rei grauitatem; eorum, quæ commemorata sunt, ratione, perpendent; Quique aliquando secum animo reputabunt, non solum Parochialem Ecclesiam sibi datam esse,

in



in qua primum baptismo suscepto, Christo Domino renati, alijs sacramentis aluntur ad perpetuam salutem, sed Parochum etiam sacerdotem sibi loco Parentis esse debere, quem diligant, colant, atque obseruent. Hoc sibi proponentes illum pro fidelibus sibi commissis apud Deum internuncium, ac deprecatorem esse, diuinæ legis interpretem, dispensatorem mysteriorum Dei, Christianæ vitæ & morum disciplinæ Magistrum, à quo omne petant piè recteque agendi consilium, ac denique Ministrum omnium fere quæ ad salutem eis necessaria sunt. Huic autem nostræ monitioni, etsi omnes pro præcipuâ suæ salutis curâ audientes esse debent, Imprimis tamen Patres familias, Tutores, Curatores Ludimagistros, cæterosque aliorum moderationi curatio-niue præfectos cohortamur, diuinâq; contestatione admonemus vt de suâ & aliorum quorum curam gerunt, salute solliciti, primum ipsi hæc paterna monita amplectantur, tum illos etiam crebris cohortationibus ad illa exequenda inflamment, idq; curent vt non solum Missæ & diuinorum officiorum tempore, illi in parochialem Eccle-siam

fiam conueniant, verum etiam vt institutas  
in ea doctrinæ Christianæ scholas, statis illis  
diebus frequentent.

*Hactenus S. Carolus.*

## ARTICVLVS XVI.

*An S. Carolus tetigerit aliquid de of-  
ficio Prædicatorum circa has & similes  
materias Parochiales & Episcopales?*

RESP. Quod sic, Actorum parte 4. titulo.  
*Instructiones prædicationis verbi Dei, vbi has re-  
gulas dictat ex decreto Concilij Prouincia-  
lis Mediolanensis 3.*

*Omnem verò Concionum suarum vim ad Episco-  
palis parochialisq; gubernationis rationes accom-  
modabit; Episcopi monita, iussa, edicta, decreta,  
instituta ac disciplinam omnem perpetuo commen-  
dabit, atq; aded iuebitur; vt Clerus & Populus  
concionibus suis benè excitatus, ei obtemperet, pa-  
reat omni sanctæ obedientiæ spiritu. Concionator  
quoq; Regularis Parochorum curæ omnia prodesse  
studebit: ita scilicet, vt non modo nihil quidpiam  
proferat quod parochialis curationis officia intertur-  
bet, sed omne studium adhibeat, quo populus in o-*



omnes parochialis curæ partes, piè sanctèq; conformetur.

Et verò imprimis proponet sæpè auditoribus Concilij Trid. decreta: ex quo tanquàm ex purissimo fonte hauriet, quæ pertinent ad mores omnium ordinum corrigendos, fidem explicandam & Christianam disciplinam restituendam. Sic tamen facultate sibi datâ vietur ut parochialem utilitatem & populi disciplinam nusquam ullo modo labefactet, sed communiat omni studio atq; officio.

## ARTICVLVS XVII.

*An Concionatores Regulares rectè impleant dictum S. Caroli consilium, quod est omnem suarum concionum vim ad pastoralis gubernationis rationes accommodare?*

RESP. Quòd non. Ideoque quoniam simplex populus facile dirumpit sepes constitutionum Apostolicarum propter nonnullas conciones, sed præsertim propter Ecclesias Regularium frequentandas, & occultis fortè consilijs abducitur à suæ parochialis Eccle-

Ecclesiæ frequentatione: necesse visum est, non tantum temporibus Sixti 4. vt infra citabimus, sed & nuper Duaci ( quæ est vniuersitas in partibus Flandriæ ) ortâ maximâ difficultate pro re de qua tractamus inter Episcopos & Parochos ex vna parte & Regulares ex altera: necesse, inquam visum est Sanctissimo D. N. Clementi 8. vtrique partium imponere silentium, & tamquam Apostolicum Iudicem decidere per sententiam quid priuilegij Regularibus in hac re competat, & quid iuris ac debiti ipsis Pastoribus parochialibus. Vnde Bullam sequentem fecit.

## ARTICVLVS XVIII.

*Quæ sit bulla Clementis 8. concernens auditionem Missæ Parochialis?*

RESP. Quod ista Clementina anno 1592. ad Octauum Nuncium Apostolicum in Belgio pro componendis dictis difficultatibus directâ, vt executioni mandanda, est huius tenoris.



*Venerabilis F. salutem & Aposto-  
licam benedictionem.*

Significatum fuit nobis nuper, non sine graui animi nostri molestia, nuper in *Oppido Duacensis Atrebatensis diœcesis*, nonnullos Parochos maximo cum fidelium scandalo, tum docendo & concionando, tum omnes reprehensionibus, & censurarum Ecclesiasticarum cōminationibus perterrendo, Christi fideles auertere, ne Festis diebus ad Ecclesias Fratrum Ordinis mendicantium, atq; Collegij Societatis IESV, pro Missis audientis accedere, & ne etiam quadragesimali & Paschali tempore Fratribus dictorum Ordinum, ac Presbyteris Societatis IESV peccata sua confiteri possent, ausos fuisse: affirmantes ipsi Christi fidelibus, tam de iure quàm de consuetudine prohibitum esse, in alijs quam parochialibus Ecclesijs, Missas diebus Festis audire: nec licere illis, quadragesimali & Paschali tempore, alijs præterquam propriis Parochis peccata sua confiteri. Vnde maximam in fideli populo exor-  
tam

tam fuisse animorum perturbationem accepimus. Contra enim Fratres Ordinis Prædicatorum, & conuentualium, ac Presbyteri dictæ Societatis priuilegis Apostolicis suffulti, tum priuatim tum publicè in concionibus contrarium vsum in Ecclesia Dei receptum & permissum, ac à SS. Patribus, Oecumenicisq; Concilijs approbatum defendere, conati fuerunt. Rem autem eo pertractam fuisse intelleximus vt graues inde dissensiones inter dictos Parochos & Presbyteros Societatis I E S V subortæ fuerint. Quod autem nos grauius affecit, illud imprimis fuit quod venerabiles Fratres Archiepiscopus Cameracensis & Episcopus Atrebatensis, in consulta Sede Apostolica, negotium hoc in disceptationem, tum etiã in iudicium fortassis apud sæcularem curiam deduxerunt. At nos ne grauiora scandala suboriantur paternè consulere, & celeri remedio prospicere volentes: causam & causas huiusmodi, si quæ coram quocunq; iudice introductæ reperientur, ad nos harum serie, auocantes illasq; penitus extinguentes, ac perpetuum desuper tum Parochis tum alijs prædictis silentium imponentes,



Præsenti nostro decreto sancimus, licere secularibus  
 Christianis, fidelibus vniuersis, liberè Missas diebus  
 Dominicis & alijs maioribus Festis audire in Eccle-  
 siis tam Fratrum, Prædicatorum, quam aliorum,  
 mendicantium, nec non etiam Collegij Societatis  
 IESV, iuxta illorum priuilegia & antiquas  
 consuetudines; dummodo in contemptum  
 parochialium Ecclesiarum non faciant. Et  
 tam dictis fratribus Prædicatoribus & pre-  
 sbyteris dictæ Societatis, quam alijs priui-  
 legiatis prædictis, quibus id à Sede Aposto-  
 lica indultum est, idoneis tamen & ab ordi-  
 nario approbatis, peccata sua etiam qua-  
 dragesimali & paschali & quouis alio tem-  
 pore confiteri licitè posse: dummodo ta-  
 men iidem Christi fideles sacramentum  
 Eucharistiæ die festo Paschatis Resurrectio-  
 nis in propria parochia ab eorum Parocho  
 sumant.

Proinde tibi per præsentem committimus  
 & mandamus, vt præsens nostrum decretum  
 prædictis Archiepiscopo Cameracensi &  
 Episcopo Atrebatensi notum facias; iisdem-  
 que autoritate nostra Apostolica mandes  
 vt illud in prædicto Oppido Duacensi, &  
 vbi cumque opus fuerit, publicari & obser-  
 uari

uari faciant: vtque Parochos in eorum officio contineant: Illosque ab auocatione populi ab Ecclesiis priuilegiatorum, ac etiam à propositionibus quibus tollitur populo libertas audiendi Missas in Ecclesiis priuilegiatorum supradictis diebus, ac confitendi peccata sua etiam in Paschate ipsi priuilegiatis, abstinere faciant. *Ipsis verò Priuilegiatis eadem auctoritate præcipias, vt in concionibus & catechismis, populum ipsum tum ad reuerentiam Parochorum, tum ad eorum Missas præsertim Dominicis & alijs solemnibus Festis diebus audiendas, tum ad decimas resq; alias Ecclesiis debitas soluendas, frequenter moneant & adhortentur*

Ac denique omnem huiusmodi controuersæ occasionem præcidere & tollere & Christi fidelium animos ad vñionem & quietem traducere cures: omniaque præmissa publicari & exequi, adiectis etiam censuris Ecclesiasticis & alijs tibi benè visis poenis, opportunisque omnibus iuris & facti remedijs adhibitis, mandes & facias: In contrarium facientibus non obstantibus quibuscunque. Datum Romæ apud S. Petrum, sub annulo Piscatoris, die 22. Decembris 1592. Pontificatus nostri anno primo.



## ARTICVLVS XIX.

*An Regulares ex ista bulla Clementis 8. non teneantur ex præcepto, seriu & frequenter in suis concionibus & catechismis hortari ad Missam parochiæ?*

RESP. Quod sic, & id quidem est manifestissimum cum expressis tetminis illud eis imponatur ex præcepto de autoritate Apostolica.

## ARTICVLVS XX.

*An Regulares id præstare nolentes non possint ac debeant per Nuncium Apostolicum ad id compelli per censuras Ecclesiasticas?*

RESP. Quod sic. Dicta enim Bulla Clementis 8. ad calcem sic habet: *Omniaq; præmissa publicari & exequi, adiectis etiam censuris Ecclesiasticis, & alijs tibi benevisis pœnis, opportunisq; omnibus iuris, & facti remedijs adhibitis, mandes & facias. At verò Religiosos debere,*

ex

ex præcepto authoritate Apostolica imposito, ad Missam parochiæ populos hortari ac monere, est vnum ex omnibus in Bulla Præmissis; Ergo, ad illud etiam, vt curetur exequi, id est vt executioni mandetur, possunt ac debent adhiberi censuræ; imò etiam suspensio prædicationis, cum Bulla habeat,  
*Et alijs tibi benè visis penis.*

## ARTICVLVS XXI.

*An Religiosi omittentes exhortari populos ad Missam Parochialem, iuxta articul. 19. satisfaciant fini & intentioni dictæ Bullæ Clementinæ?*

RESP. Quòd non: Finis enim quem expressis terminis Bulla intendit, est, inter Regulares & Dominos Pastores, quoad Missarum auditionem, præcidi, & tolli omnem in posterum, huiusmodi controuersia occasionem; & Christi fidelium animos, ad vnionem & quietem traduci (inquit Clemens) Qui tamen finis haberi non potest, nisi interim dum pro sua parte Domini Pastores obediunt, & implent seruantque senti-



tentiam Sedis Apostolicæ hâc Bullâ expressam: Regulares quoque pro sua parte eam seruent & obediant. Præsertim cum sibi ad hoc impositum sit præceptum, cui tamen contrauenire dicuntur passim multis modis.

## ARTICVLVS XXII.

*Quibus modis Regulares contrauenire ferantur, præcepto Clementis 8. illis strictissimè imposito, de frequenter monendo & hortando populos ad Missam Parochorum?*

RESP. Ferri eos contrauenire duobus imprimis modis generalibus, nempe directè & indirectè, siue quod idem est, explicitè & implicitè, siue formaliter & virtualiter. Directè quidem & formaliter, dum omittunt siue non monent nec exhortantur penitus, vel si id faciant, non faciant frequenter: vel non in Ecclesiis inter catechizandum & concionandum, prout in terminis Bullæ mandat. *Secundo.* Dum loquuntur, fortè quidem, inter concionandum, de Missa ac parochia frequentanda vno & altero verbo,

bplo, sed ita, vt centum alijs verbis statim  
 ex industria destruant & dissuadeant, quod  
 quasi paulò ante commendare velle vide-  
 bantur: & id quidem in præsentia & pro-  
 pria Ecclesia ipsorum Parochorum, non si-  
 ne magna eorum mæstitia. Et sic, veluti su-  
 tor inducit seram in corium suum vt eadem  
 statim extrusa introducatur filum & ibi hæ-  
 reat, ita illi Prædicatores Regulares, vtun-  
 tur initio quadam apparente *Missæ imo &*  
*concionis parochialis* commendatione, quasi  
 iocò; vt inde sumptâ occasione confestim  
 inducant contrarium; & quidem non iocò,  
 vt priùs, sed ita seriò & inculcativè & indu-  
 bitanter, vt mortaliter loquendo, necesse  
 sit tale contrarium dogma hære fixè in a-  
 nimis simplicis plebeculæ velint nolint Pa-  
 stores. Tales autem locutiones contrariæ  
 quibus vtuntur, sunt hæ, *Nullam esse obliga-*  
*tionem parochianorum ad parochiam* (cùm inte-  
 rim saltem, iuxta Canonem Concilij, tene-  
 antur ad eam, ratione verbi Dei audiendi, si  
 comodè possint interesse parochiæ, Domi-  
 nicis & Festis maioribus) & similes. Tale  
 quid autem dicere, esse contra dictum Cle-  
 mentis 8. præceptum: Probat quia secun-  
 dùm



dùm Theologos præceptum affirmatiuum alicuius actionis faciendæ (qualis actio est hîc, sermō & frequenter hortari & monere ad Missam parochiæ) ex natura sua, includit semper aliud præceptum negatiuum de o-mittendo contrario dictæ actionis præceptæ & quolibet voluntario impedimento eiusdem: Sicut verbi gratia, sub præcepto affirmatiuo honorandi parentes, indubiè continetur negatiuum, de non affligendo, non deferendo, non agendo, nec loquendo contra eos, de non inhonorando, & non despiciendo eos. Proinde à simili, cum Religiosis priuilegiatis præcipitur hortari, sine dubio prohibetur implicite & concomitanter, dehortari, & quoquo modo, voce, gestu, & subtilitate quacunque impedire, & sanctam Sedis Apostolicæ *Monitionem* sine suo frustrari; qui finis est, *Populum de facto audire* Missam parochialem dictis diebus, stante commoditate ad illa se conferendi.

Quod si non impletur, frustra anno 1592, recursus est ad Sanctam Sedem pro hac difficultate. Frustra à supremo Ecclesiæ Capite, ita decretum est; frustra motæ super hac re controuersiæ inter Regulares & Parochos.

chos, diremptæ sunt, Frustra compositæ partes, Frustra appositæ clausulæ à partibus obseruandæ, Frustra data est *Illustrissimo Domino Nuncio Apostolico*, potestas & mandatum curandi vt contenta in Bulla Clementina executioni mandentur, ad id, si opus sit, etiam censuris & alijs pœnis vtendo.

*Tertiò* contrauenire feruntur, & quidem valdè efficaciter, clandestinis diuerticulis, & consiliis datis in confessionalibus, vel in locutorio portæ Monasterij, vel alibi in priuatis pœnitentium colloquiis, affecurando eos vel eas, quod ad nihil Parochiæ in conscientia teneantur. Quâ tamen generali negatione, falsum dicunt, cùm, vt in priore huius nostri tractatus parte ostensum est, iuxta Conciliū Trid. populus teneatur reuera saltem ad verbum Dei in Missa parochiali audiendum. Quantū verò ad Missam parochiæ, ita omnia silentio inuoluunt, vt nō detegant plebi constitutionē & voluntatem Ecclesiæ de ea audienda, quasi constitutio præfata Trident. sess. 22. & voluntas Papæ in Clementina ante artic. 18. à nobis citata eò solum quòd non sit sub peccato, sit supprimenda nihili habenda, nō inculeanda, nō commendanda.



danda nō implenda. Quod tamen quantum lædat auctoritatē Sedis Apostolicæ, quisquis est in eam *Pius*, facillè iudicabit. Cū (vt suprà mōstratū est art. 6.) Ipsimet Superiores Religiosorum nullatenus permitterent ipsorum regulas & cōstitutiones violari, licet ad nulum peccatum obligent: eas tamen non obseruari; in ruinam apertissimam disciplinæ familiarum reputent. Et, vnde, quæso, meruit Ecclesia Romana peioris esse conditionis in sua auctoritate, quam Superior Regularium in sua? Quid ablatum est de potestate & dignitate illa primæua sibi à Christo Domino collata, vt ita vilescere incipiat, ita iacere, ita non audiri, vt monita eius sanctissima, volita, & statuta &hortamenta illius, planè cœlestia non habeant vim, non efficaciam, non vigorem, sed sint quasi non sint? Spero tamen meliora, Christo Domino super his, vt confidere par est, aliter pro suavi sua sapientia prouisuro.

## ARTICVLVS XXIII.

*An, vt intelligatur intentio Clementinæ, quā sancitur esse licitum & libe-*

rum

*rum populo audire Missas in Ecclesiis Regularium, & quâ etiam aliundè monetur populus audire Parochialem. non sit cum prudenti aduertentia, distinguendum inter Missam præcepti & Missam parochialem?*

RESP. Quòd omninò ita agendum est, Distinguenda igitur venit *Missæ præcepti* ut sic, id est formaliter sumpta ut est præcepti, & *Missæ Parochialis*, quatenus parochialis.

Primò. Differunt quia illa omnino debet audiri ex debito constitutionis & ordinationis ad salutem directiuam sub nullo, ut aiunt, peccato: ut proinde populus ad eam vocetur non præceptione sed monitione.

Secundò. *Missæ parochialis* est loci determinati scilicet parochiæ: *Missæ* verò præcepti non est affixa loco, sed ubiuis audiri potest siue in hospitalibus siue in parochiis, siue in Religionibus: cum ubicunque dicatur, sit verè *Missæ*, & præceptum non obliget nisi ad *Missam*, statis diebus.

Tertiò. Adeò differunt, ut habeant se ut excedens & excessum: datur enim *Missæ* quæ solùm sit præcepti, & non sit parochialis, qualis



qualis est illa Missa quæ sola, Dominico Die, auditur, idque apud Regulares. Datur alia quæ sit solum Parochialis & non sit Missa præcepti: qualis est Missa Parochialis quolibet die feriæ: imò etiam die fortasse Dominico, si audiat quidem Parochialis sed cum formali expressaque intentione non satisfaciendi præcepto Ecclesiæ per illam, & postea audiat altera apud Regulares aut in Hospitali, cum intentione implendi præceptum Ecclesiæ: denique datur Missa quæ sit simul parochialis & præcepti; qualis est illa quæ sola auditur die Dominico, dummodo sit parochialis: per eam enim impletur etiam præceptum, & est parochialis quia est Missa Parochi & in Parochia.

Quartò. Proinde differunt Canonibus, virtute quorum ordinantur audiendæ: Canon enim obligans ad Missam præceptiuè in conscientia & sub peccato, est ille qui *De Consecrat. Distinct. 1. ex Concilio Agathensi*, sic incipit, *Missas die Dominico secularibus totas audire, speciali ordine præcipimus, &c.* Canon verò ordinans audiri parochialem est alius ex toto distinctus in Concilio Trident. sess. 22. supra à nobis artic. 3. citatus, & æquivalenter

ter iteratus in Bulla Clementis 8. supra etiam artic. 18. allegata.

Quintò. Differunt extensione ad subiectos quos afficiunt. Nam Canon præcepti, extendit se & comprehendit omnes Christianos populum & Clerum, Sæculares & Regulares, vtriusque sexus, Prælatos, Abbates, Episcopos, Cardinales, &c. Canon autem de missa parochiali, comprehendit solam plebem parochiæ.

Sextò. Differunt circumstantiis notabilibus à Concilio Trid. appositis, nam affixum est Missæ parochiali, debitum administrandi & audiendi verbum Dei inter eiusdem Missæ solemnia, & reliqua illa omnia præstandi, & docendi & discendi quæ sanctissimus ille Concilij Trid. *Assessor S. Carolus*, supra ex mente eiusdem Concilij, expressit, & nos retulimus artic. 15. paragrapho *Hic igitur*. Missa autem præcepti, quæ non est parochialis istud non requirit: ut per se satis est manifestum. *Supposita illa convenientissima Missarum dictarum distinctione*, quæritur articulo sequenti, *an Missæ illæ, &c.*



## ARTICVLVS XXIV.

*An Missæ illæ quas Clemens 8. decernit licere liberè audiri in Ecclesiis Regularium sint aliæ à Parochiali?*

RESP. Quòd sint aliæ & planè distinctæ. Propter eaque nullum ex Clementina ista, aduersus Missam parochorum, à Parochianis, dictis Diebus audiendam, Regulares priuilegium habent.

Primò probatur, quia postquam Clemens 8. sanxit de Missis apud priuilegiatos audiri licitis & liberis, statim post in eadem Bulla excipit parochialem; eamque expressè reseruat fidelibus in parochia audiendam. Ergo non est comprehensa inter illas licitas & liberas in Ecclesiis regularium: nam res vel terminus exceptus, non continetur in illo à quo fit exceptio, alioqui idem esset exceptus & nō exceptus, exclusus & nō exclusus.

Secundò probatur, quia Missæ prædictæ liberæ, sunt liberæ quoad locum qualiter liberæ sunt quæuis Missæ quas vocamus *Deuotionis*; qualiter quoque libera est Missa præ-

præcepti generalissimi Ecclesiæ, vbi cumq; enim audiatur, satisfit præcepto. At verò Missa parochialis non est libera quoad loca, sed est ligata determinata & affixa certo loco nempe parochiæ, implicatq; eam audiri in Ecclesia Regularium, cum sint loca discretæ & repugnantia: & proindè sicut Ecclesia parochiæ non est illa altera Ecclesia, quæ est Regularium ex consequenti Missa Regularium nequit esse altera quæ est Parochialis: igitur Missa parochialis nequit contineri inter Missas illas liberas, quæ audiri possunt inter Regulares.

Tertiò probatur, quia Missæ suprapositiæ differunt celebrante à Missis parochialibus, cum istæ priores habeant ordinariè vnum Regularem pro celebrante, hæ autem Parochum.

Quartò. Missæ Regularium sunt populo liberæ & vltroneæ siue quod idem est, sunt meræ libertatis: Missa verò parochiæ est debiti, nam quod debet fieri, est debiti, verè autem debet audiri Missa in parochia, quia sic decernit Concilium, nullus autem negabit quin debeat seruari decretum, igitur Missa parochialis est debiti, proindè non



comprehenditur inter alteras priores quæ sunt libertatis.

Quintò. Alioqui Sua Sanctitas confuse & indistinctè loqueretur, si Missam parochiorum, quam ab Ecclesijs Regularium excipit, confunderet cum supradictis Missis apud Religiosos audiri liberis; quod tamen non deceat supremæ Ecclesiæ Principis sapientiam.

Sextò. Papa sibi contradiceret si Missam Parochiorum vellet contineri sub istis Missis apud Religiones auditu liberis: vellet enim eam audiri in Parochia & simul non vellet: vellet, quia hoc expressè infrà intendit, eò enim dirigit efficacia media tum præcepti facti Regularibus de exhortando & monendo populum vt audiat parochialem; tum media ipsarummet exhortationum & monitionum: tum alioqui censurarum applicandarum. Non vellet autem, nam tunc, ponendo Parochialem Missam inter Missas apud Religiosos audiri liberis, relinqueret liberum eam audire; liberum autem relinquere, est ne velle nec nolle.

Septimò. Alioqui Papa destrueret suam ipsius ordinationem: nam statuit ne populus

lus auocetur ab Ecclesiis priuilegiatorum :  
 & vt abstinence à propositionibus quibus  
 tollitur populo libertas audiendi Missas in  
 Ecclesiis priuilegiatorum, interim ipsemet  
 auocat populum à Regularium Ecclesiis  
 quoad Missam Parochiarum. Nec abstinere  
 à propositionibus quibus tollitur populo  
 libertas audiendi illam in Ecclesiis priuilegi-  
 atorū : & quod amplius est, præcipit ipsis-  
 met Regularibus idem facere seu auocare ;  
 idque non tantum propositionibus simpli-  
 cibus : sed adhibitis etiam in facie Ecclesiæ  
 monitionibus & exhortationibus vt Pa-  
 rochiani eam audiant in Parochia. Hoc verò  
 agere est ab Ecclesia regulari auocare ; cum  
 sit aduocare ad locum oppositum nempe ad  
 parochiam : sine dubio autem aduocat ad  
 parochiam qui de mente Papæ & præcepto  
 eius frequenter in concione, & Catechis-  
 mo, sic dicit : *Parochiani, venite quæso ad Pa-  
 rochiam audituri Missam Parochialem : monemus in  
 Domino vt eò accedatis : exhortamur vos per visce-  
 ra IESU CHRISTI (vt loquitur S. Carolus  
 Borrom.) vt id facere non omittatis, talis enim  
 est voluntas Clementis 8. ex cuius mandato, vos  
 seriò ad Parochiã aduocamus. Nonè sic loqui est*



ad parochiam aduocare? iam autem aduocare ad vnum locum, est concomitanter auocare ab altero loco opposito, & incompatibili: sicut exempli gratia, mouere ad terminum ad quem, est amouere à termino à quo. Locum autem Regularium, & locum parochiæ, certum est esse loca repugnantia: cum idem corpus non possit simul esse in duobus locis. Ergo aduocare ad parochiam vt veniatur ad eam est auocare à Regularium Ecclesia, vt recedatur ab ea: nam recessus ad vnum est recessus ab altero. Ergo Clemens 8. nullo modo vult parochialem Missam comprehendere inter illas Missas licitas & liberas; à quibus de Ecclesia regulari auocare ad Ecclesiam parochialem, prohibet: alioqui destrueret quod construit, & præciperet fieri quod prohibet.

## ARTICVLVS XXV.

*An Clemens 8. concordans Priuilegiatos & Parochos quoad Missam non concedat vtriusq; quod suum est?*

RESP. Regularibus ex gratia indulget solum

lum hoc, vt scilicet, sit licitum & liberum populo, apud illos audire Missas Dominicis Diebus & maioribus Festis. Parochis autem concedit Missam Parochialem, à populo in Parochia, dictis diebus audiendam.

## ARTICVLVS, XXVI.

*An Clementis 8. concessio facta Regularibus quoad Missas sit equalis cum concessione quam facit Parochis?*

RESP. Quòd non, sed è contra est longè dispar & inferior. Nam primò latius patet concessio parochorum; continet enim etiam totum quod in Clementina Regularibus conceditur: nam est populo licitum & liberum audire Missas illas in parochiis, quas audire liberum est in Religiosorum Ecclesiis: quidem ita vt non liceat populum inde auocare. Et insuper continet ultra istas Missas libertatis, etiam Missam parochialem.

Secundò. Regulares, si bene expendant textum Bullæ, eorum in ea priuilegium, non est tam magnum ac plebi insinuant. Nam tota eius vis continetur in his duobus ter-



minis licitè & liberè. Per licite porrò solummodo declaratur non esse peccatū illas Missas audire apud Regulares, quemadmodum etiam licitum est, seu peccatum non est easdem audire in hospitalibus vel in parochijs vel vbicumque. Per liberè verò, solum declaratur quod audire vel non audire eiusmodi Missas apud Regulares pendeat ex mera optione, lubito & libertate fidelium. Vnde Clemens 8. habet se in eo solum permissiue & veluti negatiue, nihil penitus agendo circa populum eò adigendum. Nam nullibi, quod sciam, Ecclesia decernit, præcipit vel ordinat, vt plebs audiat Missam apud Religiosos: immò nec monet nec hortatur, nec denique saltem dat consilium ad hoc. Hinc euidenter sequitur, quòd supradicta concessio Regularibus indulta, sit quid minus quàm consilium respectu populi. Nam, verbi gratia, consilium Christi euangelicum, de castitate religiosa, vel &c. licet hominem relinquat liberum ad tale obiectum, iuxta id, *qui potest capere capiat*, nihilominus est actio positiua in consulente, quàm consulit ad illud amplectendum: vnde & Paulus ait 1. Corinth. 7. *De Virginibus præceptum Do-*

*mini*

*mini non habeo, consilium autem do. Item ait. Solutus es ab uxore noli quaerere uxorem. Volo enim vos omnes esse sicut meipsum. Vnde consulens habet positivum desiderium, ut res consultata fiat: quòd ne quidem, inquam, reperitur in hoc Regularium privilegio de Missis apud eos, à plebe audiri licitis & liberis.*

Hinc inferitur ipsos debere relinquere liberum in mera natura liberi: seu relinquere plebis libertatem intactam: neque debere quidquam actitare positivi, ad inducendum populum ut ad ipsos veniat, *consulendo, hortando, alliciendo, &c.* Sed deberi ipsos pendere à mera plebis optione & lubiro, eamque expectare non vocare: & finaliter non plus facere, quàm faciat aut fieri statuatur Clemens in hac concordia inter *Partes*, integrè iustèque restituenda: alioqui esset assurgere ultra terminos privilegij, eoque quodammodo abuti: Iura autem dicunt *De Reg. Iuris*. Quod qui privilegio abutitur, meretur privilegium perdere.

## ARTICVLVS XXVII.

*Anigitur concessio Clementis 8. facta*

K 5

Paro-



*Parochis plus contineat quàm concessio  
facta Regularibus?*

RESP. Quòd sic, nam non excludit à se ipsa alteram illam quæ facta est Regularibus: & insuper addit Missam parochialem, hoc est dicere Ecclesia parochiæ, talis est vt in ipsa sit licitum & liberum populo audire omnes & qualescunque Missas licitum & liberum est audire apud Regulares, sed nihilominus vltra eas Missas, plebs debet audire parochialem in parochia.

Dico, *debet*, Clemens enim concedendo Parochis Missam non loquitur permissiue solum, quasi habeat se negatiue, sed positiue volendo, & adhuc plus quàm consulendo, quandoquidem de hoc, statutum faciat, vt Missa parochorum audiatur: Et eo fine monitiones exhortationesque adhiberi strictissime præcipiat. Vnde non est putandum, quod Regulares per hanc Clementinam sint in pari iure cum Parochis, quandoquidem populus debeat audire Missam parochorum suorum ( subaudi semper diebus Dominicis & Festis maioribus saltem ) nullam autem debeat audire Regularium, sed tantum pos-  
sit

fit, si velit. Vnde aliæ illæ Missæ sunt populo merè liberæ & non debitæ: parochialis verò est debita, quia de ea extat statutum, & non libera quia est affixa loco parochiæ per ordinationem S. Sedis Apostolicæ.

## ARTICVLVS XXVIII.

*An si parochiani non sint liberati à debito audiendi Missam Parochorum dictis diebus, inde benè sequatur, Ergò frustraneum est illud Regularium privilegium quo Clementina decernit, licitum & liberum esse audire Missas apud ipsos?*

RESP. Imprimis me vehementer mirari, ipsos Regulares adeò metuere, ne illa pars Bullæ quæ ipsis fauet, eosque tangit sit ipsis frustranea & sine effectû: & de cætero non curare, si altera eiusdem Bullæ pars, quæ ad parochos attinet, non esset etiam frustranea & sine affectu fauoris. Miror, inquam, eos tam parum aut nihil esse sollicitos, ne auctoritas Clementis, eiusque tam expressa & circum-



circumstantiata audiendæ à populo Parochorum Missæ ordinatio non sit quoq; frustranea & inefficax. Miror, an putabunt quoque esse frustra, quod Clemens ipsismet præcipit de autoritate Apostolica, vt in prædicationibus moneant & exhortentur plebem seriò ad audiendam Missam parochialem; qui tam metuunt, ne aliquid pauxillum sit frustra pro ipsis, deberent, vt mihi videtur, etiam nonnihil sollicitudinis habere, ne totum sit frustra pro alijs.

RESP. 2. Si ex eo, quòd populus non liberetur à Missa parochiali, consequens esset Regularium priuilegium esse frustra, hoc certè nulli alij imputandum erit, quàm ipsi Sedi Apostolicæ: nam ipsa est, quæ populum non vult liberare à Missa Parochorum: ipsa est, quæ etiam præcipit contrariæ parti, nempe Regularibus, monere & exhortari plebem ad auditionem Missæ parochiæ: imò nisi Religiosi obediant in hoc, vult eos ad id adigi etiam per censuras.

RESP. 3. Tunc primùm benè discerni, sententiam Iudicis non esse sine effectu: si benè expendantur *Allegata partium*, & *Status disputationis*. Status autem talis erat in hac contro-

trouersia, *Pastores* prædicabant non esse Parochianis liberum, nec in conscientia licitum audire Missas in Ecclesijs Regularium Dominicis & Festis, sed debere solum in parochia. Item suis Doctrinis & censurarum comminationibus auertebant fideles ab Ecclesijs priuilegiatorum. Ex eo capite duo quædam sequebantur incommoda, vnum in ipsis fidelibus, nimirum conijci in scrupulum conscientiæ, ne audire Missas apud Regulares esset fortasse peccatum. Alterum in *Priuilegiatis ipsis*, nempe suas Ecclesias non ita affluenter frequentari, de quo turbabantur. His itaque præmissis, facile est agnoscere in quo consistat efficacia & utilitas sententiæ iudicis, & quod non sit frustranea Religiosis ob exclusam ab ijs parochialem Missam: nam hunc sortitur effectum, *Declarando* scilicet definitiuè, *licere & liberum esse* in Ecclesijs Regularium Missas dictis diebus audire, & insuper non posse nec debere populum inde auerteri. Ex illa sententia duo secuta sunt manifesta beneficia: vnum in plebe, nempe restituta, sublati omnibus scrupulis, conscientiarum serenitas. *Alterum* in Regularibus, nempe fauor Apostolicus, quo



quo decernitur populum esse liberum ad Missas Regularium: & in hoc solo consistit substantia priuilegij, quod ad Missas attinet: Cuius tamen priuilegij vsus (cum sit ex parte ipsorum Regularium merè passiuus, consistens nimirum in adiri à populo, actiuus autem ex parte populi consistens in adire, spontaneè & liberè, pro Missis audiendis) alio modo, in fauorem Regularium, per huius Bullæ sententiam restitui non debuit, nec potuit, quam auferendo scrupulos fidelium de suspitione peccati in adeundo Monasteria pro Missis audiendis, eisque amouendo omnem metum comminationis censurarum, & eos denique pristinæ suæ libertati restituendo quoad hoc. Ecce igitur quomodo illud priuilegium quod Clemens 8. concedit Regularibus non sit frustra, sed sortitur effectum suum per sententiam iuxta allegata & probata partium pronunciatam.

*Alteri autem partium* nempè Parochis nihilne Clemens concessit? nihilne relinquit? immò; nam relinquit parem omninò libertatem audiendi Missas supradictas siue libere deuotionis, siue præcepti æquè benè in Ecclesiis Parochorum quàm Regularium: &

insu-

in super ordinavit audiri Missam parochialem in Ecclesia parochiali, & quidem adeo serio indicans voluntatem suam, ut suam illam ordinationem mutaret serijs, frequentibusque monitionibus ac exhortationibus & quidem ab adversa parte de mandato S. Sedis faciendis: alioqui ad hoc censuris utendum esse per Illust. Nuncium Belgij, nisi Regulares in hoc paruerint.

## ARTICVLVS XXIX.

*An quia Tridentinum Concil. sess. 22. & Clementis 8. solum dicunt moneant ad audiendam scilicet Missam Parochialem: sit ideò dicendum, Sedem Apostolicam, non reuera & propriè velle illam audiri? eiq; perinde esse, si de cætero populus non obediat?*

RESP. Id nec posse dici, nec putari sine iniuria Sanctæ Sedis: Quid enim; monetne tam grauitè & serio sancta Romana Ecclesia, & illud ipsum quod ita monet vè fiat, fieri tamen non vellet? hoc cine præ se fert



ore & scripta constitutione & interim contradiceret corde & interna voluntate? Absit. Et certè si monitio non repugnat præcepto vt conuenienter moneatur subditus ad obsequendum præcepto: multò minus monitio repugnabit statuto simplicis directionis, & proindè conuenientissimè monetur subiectus populus ad parendum constitutioni & voluntati Ecclesiæ, licet ad nullum peccatum obligantis. Certè magnificanda est illa tam expressa statuentis voluntas, quæ nescio an altius assurgere valeat, nisi vsque ad præcepti naturam & rationem pertingat. Maximè si perpendatur, quàm veniat benè armata censurarum comminationibus, tum in Regulares, per Clementem 8. nisi obtemperent præcepto de monendo populum ad Missam parochialem audiendam: tum in ipsum populum ni pareat eam audiendo, sicut habetur in Trid. sess. 22. decreto de obseru. & vitand. in celebratione Missæ.

### ARTICVLVS XXX.

*Sixti 4. Bulla extrauagans, quæ incipit*

*capit Vices illius, Quid habeat de Missa Parochiali audiendæ*

RESP. Habere hæc quæ sequuntur. Fratres Mendicantes non prædicent populos Parochianos non teneri audire Missam in eorum Parochijs, diebus Dominicis & Festiuis: cum iure cautum sit, illis diebus Parochianos teneri audire Missam in eorum Parochiali Ecclesia: nisi fortè ex honesta ea ipsa Ecclesia se absentarent. Paulò post sequitur.

Iniungentes singulis Fratribus Mendicantium sub pœna excommunicationis latæ sententiæ; quam contrafacientes, & quemlibet eorum contrafacientem incurrere volumus eo ipso: à qua absolvi nequeant, nisi de expresso consensu partis læsæ, & debita satisfactione inuiolabiliter obseruent & quantum in eis est obseruari faciant ab aliis. Item sequitur.

Neg. etiam populos à suarum Ecclesiarum Parochialium frequentia & accessu abstrahant quoquomodo sub pœna excommunicationis, &c. Deinde sequitur.

Et hæc omnia viribus perpetuò subsistere debere decernimus, non obstantibus, &c.

L

ARTI-



## ARTICVLVS XXXI.

*Quæ specialiter notanda veniant ex hac Bulla Sixti 4. ?*

RESP. 1. Notandum esse, vsque ad tempora Sixti 4. 1478. fuisse præcepti ( vt patet in terminis ) audire Missam Parochialem. 2. Mandatum esse Regulâribus, ne prædicent populum ad id non teneri. 3. Mandatum esse ijsdem ne quoquomodo populos abstrahant à frequentia suarum Parochiarum 4. Contrafacientes Regulares excommunicari ipso facto.

## ARTICVLVS XXXII.

*Quid Leo 10. de Missa decreuerit in Bulla quæ incipit, Intelleximus?*

RESP. Haberi in illa Bulla sequentia.

*Authoritate Apostolica tenore presentium, notum facimus omnes Christi fideles utriusq; sexus, qui (non contempto proprio Sacerdote Parochiali) in Ecclesiis Fratrum Ordinum mendicanti-*

in Dominicis & Festis diebus Missas audiunt, satisfacere præcepto Ecclesiæ de audienda Missa, nec aliquam labem mortalis peccati, pœnamuè propterea incurrere.

## ARTICVLVS XXXIII.

*Quid per Leonem 10. sublatum sit de Sixtina præcitata?*

RESP. Sublatam esse obligationem audiendi in parochia illam Missam, quæ est præcepti generalissimi Ecclesiæ, relictumque libertati fidelium, eam ubilibet audire, etiam in Ecclesiis Regularium.

## ARTICVLVS XXXIV.

*Quid nouissimè per Concilium Trid. & per Clementem 8. statutum sit de Missa parochiali?*

RESP. Tridentinum Concilium edidisse statutum expressum sess. 22. licet non obligatum sub peccato (dicunt aliqui) ut supra in priori parte huius tractatus latè deduxi-



duximus artic. 3. & lequentibus. Item Clementem 8. illud confirmasse, aut potius iteratò posuisse, nouoque rigore munuisse appposito scilicet mandato Regularibus de frequenter exhortando & monendo populum, vt audiat Missam sui Parochi: & vt Nuncius Apostolicus istud curet publicari & exequi etiam per censuras, aliasque poenas, si opus fuerit. Nec obstat istud statutum non esse sub peccato: quia nec statuta Religionum sunt sub vilo peccato, & eo non obstante curatur enixe, vt ea seruentur ad amissim à singulis subditorum sub certis poenis à Patribus Religionis legitimè constitutis. Papa autem plus est quàm Ordinum Prælati: ideoque non minus, saltem, debent eiudem statuta seruari quàm istorum: alioqui etiam ab Ecclesia meritò protinsum est, vt certis poenis fideles inobedientes ad obtemperandum constitutionibus Papalibus compellantur. Neque hoc est nouum, nam & referente, *Reuerend. Domino Abbate Sancti Andreæ iuxta Brugas Henrico Zypæo de statu monialium & filiabus deuotarijs*; Concilium Constantinopolitanum 6. excommunicat Parochianos, qui tribus diebus Dominicis continuis se à parochia absentant.

AR-

## ARTICVLVS XXXV.

*Quid habeat hac de re Synodus Diocesana Cameracensis sub Illustrissimo Domino de Berghes anno 1604. tit. 3. cap. 3. ?*

RESP. Habere sequentia. Doceant præterea quantæ sit utilitatis Ecclesiam parochialem frequentare, tum vt populus monitioni Concilij Tridentini satisfaciat & inter Misfarum solemniam euangelicam doctrinam hauriat: Tum etiam vt quisque intelligat, quo modo tota septimana in sua familia se gerere debeat, ex ijs, quæ Parochus in sua concione annunciauerit, videlicet, quæ ieiunia, quæ festa, quæ publicæ supplicationes, quæ Missæ votiuæ & quæ alia pietatis & charitatis Christianæ sint officia agenda: vt audiant publicationes Bannorum, tam eorum, qui sacris Ordinibus sunt initiandi, quàm qui matrimonio sunt coniungendi, vt impedimenta, si quæ sint, denuncientur: Denique vt Christi fideles de pluribus alijs instruantur, quæ ad suam & proximorum



salutem, & bonum publicum pertinent.

## ARTICVLVS XXXVI.

*Quid habeat hac de re Synodus Diocesana Cameracensis sub Illustrissimo Domino de Croy anno 1556. titu. 7.?*

RESP. Eam habere sequentia. *Licet iuxta Sanctæ Matris Ecclesiæ statutum & ordinationem, quilibet Christianus, singulis Dominicis & Festiuis diebus, Diuino officio Missæ & prædicationis interesse teneatur, vt ibidem de diuinis præceptis & doctrinis Evangelicis informetur: Nonnullorum tamen fide digna accepimus relatione, populum plerisque in locis nobis subditis, eisdem raro interesse. Quapropter Omnibus & singulis presbyteris Curatis nostrarum Ciuitatis & Diocesis Cameracensis, districtè præcipimus & mandamus, quatenus Parochianos suos qui ad annos discretionis peruenerint, hortentur & moneant Sub pœna excommunicationis, Vt deinceps singulis Dominicis & Festiuis diebus officio Missæ interesse studeant: & prædicationem verbi Dei diligenter audiant,*

diant, nisi legitimo impedimento ex causa rationabili quis excusetur, nec ab officio huiusmodi ante benedictionem Sacerdotis, donec compleatur, recedant siue discurrant. Item ne per Cappellas honor matris & parochialis Ecclesiæ pereat: *Statuimus & ordinamus*, quod parochiani de villis seu cōfinijs adiacentibus & capellis seu oratorijs attinentibus, saltem quibuslibet diebus Dominicis & Festis solemnibus sub poena excommunicationis teneantur ad Ecclesiam suam parochialem accedere atque ibidem Missarum solemnia audire, prout in Concilio à Sanctis Patribus institutum est.

## ARTICVLVS XXXVII.

*Quid de hoc habeat Concilium Pro-  
uinciale Cameracense sub Illustrissimo  
Domino Barlemontio. anno 1586. ti-  
tu. 19.*

RESP. Habere sequentia.

*Studiosè obseruent Pastores, eos qui diebus Do-  
minicis & Festis vel omninò Missam non audiunt,  
vel ad Missam parochialem non conueniunt. Ac pri-*



*mum priuatum & paternè sui officij commoneant,  
Quod si post admonitiones non emendentur, ad  
Ordinarios deferant.*

### ARTICVLVS XXXVIII.

*An ex œcumenicâ Trid. Synodo vi-  
deatur posse verisimiliter colligi popu-  
lum teneri ad Missam Parochialem?*

RESP. Quòd sic: ex eo nimirum quod  
eadem SS. Synodus sess. 24. c. 4. Decer-  
nat. Teneri unumquemq; interesse parochiæ suæ,  
vbi id commodè fieri potest, ad audiendum Verbum  
Dei. Inde enim rectissimè videtur consequi teneri  
etiam ad parochialium Missarum sollemnia. Et ra-  
tio est quia mandat sacra eloquia & salutis monita  
à Parochis explanari intra Missarum sollemnia  
sess. 22. in doctrina de sacrificio Missæ cap. 8.  
Vbi sic habetur. Ne oues, Christi esuriant,  
neue paruuli panem perant & non sit qui  
frangat eis: mandat sancta Synodus Pasto-  
ribus & singulis curam animarum gerenti-  
bus, vt frequenter inter Missarum celebra-  
tionem vel per se, vel per alios, ex ijs quæ  
in Missa leguntur aliquid exponant, atque

inter cætera sanctissimi huius sacrificij mysterium aliquod declarant diebus præsertim Dominicis & Festis. Idem repetit S. Synodus sess. 24. in decreto de reformatione, cap. 7. ubi habetur. *Curent* ut inter Missarum solemnities aut diuinorum celebrationem, sacra eloquia & salutis monita, eadem vernacula lingua, singulis diebus Festis vel sollempnibus explanent: eademque in omnium cordibus, postpositis inutilibus quæstionibus, inferere, atque eos in lege Domini erudire studeant. Sicut etiam notauit sancte Carolus Borromæus in monitione sua Prouinciali supra à nobis expressa articulo-  
rum quinto. Hoc autem ita probato, nimirum sacras conciones ex decreto Concilij debere haberi in Missæ Parochialis celebratione; & ex eiusdem decreto constet populum teneri ad eas conciones, non possint autem audiri nisi in Missa, quia tunc fiant, argumentum videtur conuincere populum teneri quoque ad Missam.

Secundò. Videtur, probari posse, populum teneri ad Missam Parochialem ex eò quòd sacrosancta Synodus Trid. sess. 22. in decreto de obseruandis & vitandis in celebra-



lebratione Missæ statuens frequentari parochiam pro Missa, vult Episcopos compellere populum ad Missam parochiæ etiam adhibitis censuris Ecclesiasticis, si opus fuerit, non obstantibus, &c. Censurâ autem est grauis poena, qualis infligi non solet nisi grauitè delinquenti. Idem adstrui potest ex eo quòd Clemens 8. in sua Bulla quæ incipit. *Significatum fuit nobis*: & à nobis supra articul. 18. allegata, ita grauitè & seuerè inculcat voluntatem suam & intentionem de audienda à populo Missa Parochorum: vt Regulares ipsos expresso mandato cogat, de hoc implendo, monere & exhortari populum: & quidem frequenter in catechismis & prædicationibus suis. Quòd cum ita sit, negari non potest, Clementi vehementer cordi esse, vt habeat finem intentum, nempe auditionem Missæ Parochorum, cum eò ordinet tam grauè & seuerum medium, quale est præceptum illud monendi populum Regularibus factum: & (quod rem vehementer augeat) superadiicienda sit censura Ecclesiastica in dictos Regulares priuilegiatos, casu quo non obediant mandato Papæ de frequenter & seriò monendo

ple-

plebem vt audiat Missam Parochi sui, diebus scilicet & in ista Clementina & in Trid. Concilio, designatis. Hunc articulum adicere volui vt saltem pateat quam meritò sit vrgendus populus ad Missam parochialem ob tam seriam Sedis Apostolicæ ordinationem, quæ si non est præceptum, parum certè videtur distare à præcepto. Quodenim obici posset Leo 10. suprà à nobis art. 32. citatus, declarans populum satisfacere præcepto Ecclesiæ, audiendo Missam etiam extra parochiam diebus Dominicis & Festis: Nihil obest. Nam vt artic. 23. Demonstrauimus: aliud est Missa præcepti Ecclesiæ generalissimi, in Cap. *Missas*. aliud Missa Parochialis. Leo 10. autem non loquitur nisi de Missa præcepti: nos verò hic agimus de Missa parochiali audienda per statutum Concilij Trident. & iterum Clementis 8. qui sunt Leone posteriores quibus propterea derogare non potest.

## ARTICVLVS XXXIX.

*An Laurentius Berlinqueus Proto-*  
*notari-*



*notarius, Theologus, Canonicus, & Archipresbyter Antuerpiensis, huc faciat?*

RESP. Quòd sic. Nam in magno suo theatro humanæ vitæ, littera P. pag. 28. hæc habet de debito audiendi Missam parochialem. Certè quod Sixtus quartus dicit: Iure cautum, teneri ynumquemque in sua parochia Missam audire: Quod Concilium Nannetense tam districtè fieri præcepit: Quòd Concilium Constantin. 6. Oecumenicum sub excommunicatione mandauit. Quod viri Principes scandalosum censent, si omittatur; non video qua fronte, illud audeant plerique, tanquam rem omninò liberam vnicique, & planè indifferentem asserere: & per hoc populum à suæ parochiæ frequentatione abstrahere. Cum illi qui hoc faciunt, plerumque assumpti fuerint dumtaxat in subsidium Ecclesiæ parochialis, & Parochorum: non verò, vt huius & illius contemptum & desertionem procurent: debitamque illis subiectionem, eneruent.

AR.

## ARTICVLVS XL.

*An idem Archipresbyter Berlinquæ-  
us, prudenter eandem Parochianorum  
obligationem colligat ex concordatis Re-  
gularium cum Magistratu aut Clero vr-  
bium in quas admitti postularunt?*

RESP. Quod sic. Nam paulò post, pag 29.  
marginali litera D. postquam ostendit præ-  
ceptum esse Regularibus frequenter adhor-  
tari populum, vt officiis diuinis Ecclesiarum  
suarum Parochialium, & Parochorum in-  
tersint cum iure cautum sit eos ad id teneri  
vt constat ex Sixto quarto. Hæc subiungit.

*Ad quod etiam faciendum, victi rei ipsius  
æquitate illi ipsi, quodque se solum in subsi-  
dium Parochialis ministerij, & officij, ad  
ciuitates & celebriores vicos admitti, & ob  
id, populi liberalitate ac eleemosynis po-  
tissimum sustentari sciant; vltro plerisque  
in locis, dum ad ea reciperentur, sese obli-  
garunt. Cuius rei testimonia producemus  
ex archiuis Capituli Antuerpiensis; vbi in  
concordatis initis cum Religiosis mendi-  
canti.*



cantibus, in eorumdem admissione, cauetur commendatio Ecclesiarum Parochialium, & officiorum quæ in illis fiunt. *In concordatis initis* inter idem Capitulum & Franciscanos anno M. D. cccc. xlviii. quæ itidem renouata fuerunt anno M. D. xcv. hæc inseritur clausula.

*Item debent quantum eis fuerit possibile, informare populum; vt festiuitatibus, & diebus Dominicis, Ecclesiam propriam Parochialem visitet. nec Parochianos dictæ Ecclesiæ matricis, aut aliarum Ecclesiarum Antuerpiensium (cum verbum Dei audire debeant in propria Parochia) attrahere ad diuina audienda in eorum Ecclesia quomodo libet debebunt.*

Similiter *Carmelitarum* ad eam urbem anno M. cccc. xciv. mense aprili venientium; Superiores cum præfato Capitulo conueniunt; seque in perpetuum obligarunt in hæc verba. Item quod si Fratres ex nunc in antea in singulis suis sermonibus, tam in ipsorum Conuentu, quam alijs locis pro tempore faciendis; informabunt populum, quantum in ipsis erit: vt in solemnitatibus, nec non Dominicis & Rogationum diebus;

fre-

frequenter matricem Ecclesiam, & filias eius respectiue, in ijsque diuina eiusmodi, & sermones audire studeant.

Neque est alius tenor, quoad ista, nouorum concordatorum initiorum anno 1519. cum Clericis Societatis IESV, in quibus leguntur sequentia. *Monebunt & adhortabuntur populum*, tam in Concionibus quam in confessionibus: vt quisque in suis parochiis diuinum officium frequenter, &c. Haud aliter admissi pridem Augustiniani año 1508. se obstrinxerunt: sic namque concordata, cum supradicto Capitulo conclusa, habent.

Tenebuntur etiam prædicti fratres, in suis sermonibus, & populorum confessionibus, & alias, quantum ijs fuerit possibile. exhortari & informare populum, ad frequentationem matris Ecclesiæ, & Parochiarum, vt in ijsdem diuina & officia, & prædicationes suorum Pastorum; audire studeant: nec poterunt illud ommittere, quotiescumque, à nobis, ad id fuerint requisiti. Hæc verò variorum Religiosorum concordata produximus hoc fine, vt vnusquisque clare videre possit, quàm validum alicuius ad Missam parochialem obligationis argumentum



mentum verisimiliter esse possit illud, quod peti & attendi potest, ex tam seria vtrinq; stipulatione & conuentione Regularium & Capitulorum, vt omnimodè caueatur frequentationi Parochialium Ecclesiarum nō solum quoad concionem sed etiam quoad officium Missæ solemnis quæ est præcipuum omnium Parochiæ officiorum diuinorum, quæ in istis Regularium concordatis tam aduertenter & seriò commendantur.

### ARTICVLVS XLI.

*An Regularium ex Clementina priuilegium possit militare contra debitum Missæ parochialis in parochia à populo audiendæ?*

RESP. Quòd non, vt satis patuit per præcedentes articulos: Tum quod priuilegia habeantur pro *Odiosis*, pro eo quod sint contra ius commune cui derogant: Odiæ autem sunt restringenda, modo scilicet fauoribus opposito, fauores enim sunt ampliandi. Ex quo sequitur quod priuilegium Regulariū in Bulla Clementis 8<sup>o</sup> debeat restringi & in rigore

rigore terminorum strictissimè accipi. Ita  
ut non plus ampliatur nec extendatur con-  
tra ius Pastorum, quam importent ipsi ter-  
mini Bullæ in rigorosa sua significatione. At  
verò Priuilegiū supradictum quoad Missas,  
non consistit nisi in hoc, quòd sit licitum, &  
liberum populo audire Missas, apud Regu-  
lares. Verùm; quid est *Licitum*? Nisi quod in  
hoc populus non peccat? *Quid liberum*? nisi  
quod audire possit si velit? Ex his terminis  
liquet, nihil ex parte Regularium addi pos-  
se ad attrahendum populum ad sese, cum id  
termini priuilegij Bullæ non importent.  
Multò minùs posse populū diuertere à Missa  
Parochiali quocumque modo & genere lo-  
quendi aut concionandi: præsertim cū ea-  
dem Bulla excipiat Missam Parochialem,  
contra quàm loqui nullo modo possunt, cū  
è contra teneantur ex præcepto loqui pro  
ea: ut patet in calce Clementinæ.

## ARTICVLVS XLII.

*An Pœnitentibus ad Regulares Con-  
fessarios redeuntibus: Et ob auditam  
fortè concionem de obligatione ad paro-*

M

chiam



*chiam, conquerentibus se in conscientia  
sua pœnam sentire, & turbari: rectè  
consulatur eis, similes conciones vitare,  
quæ plus turbant quàm pacificent?*

RESP. Quòd non. Pœna enim ista & tur-  
batio conscientia non est mala sed bona &  
salutaris: si quidem veluti est proprium Spi-  
ritus maligni initio animam delectare & in  
fine contristare. Ita proprium est boni Spi-  
ritus qui est Spiritus veritatis, peccatorem  
in principio contristare & sancto timore  
concutere, sed finaliter lætificare. *Gaudeo*,  
dicebat Apostolus, non quia contristati e-  
stis sed quia contristati estis, ad pœnitentia;  
quæ enim secundum Deum tristitia est, pœ-  
nitentiam in salutem stabilem operatur: *Vt  
verbo dixerim*, qui non lubenter audit suam  
obligationem: ad illos pertinere videtur  
qui tunc dicebant ad ipsūmet Saluatorem  
nostrum, *Loquere nobis placentia & audiemus  
te*. Vt potè quia durum est multum nimis  
valde, per omnem modum, renuntiare par-  
ticularibus directorum affectionibus, ad pa-  
rendum supremo Christi Domini in terris  
Vicario, & omnium fidelium *Vniuersali  
per infallibili ad salutē certissimū Directori*. AR-

## ARTICVLVS XLIII.

*Quæ tandem Conclusio finalis harum aliquot concionum nostrarum in huius tractatus compendiosi formulam redactarum?*

RESP. Conclusio est: Dignetur Dominus Deus pro sua immensa bonitate & misericordia, speciali aliquo celesti radio superiores, & Principes Ecclesiæ suæ illuminare: quo multiplicia derelictionis Ecclesiarum parochialium incommoda penitus intelligere valeant: bene intellecta conuenienter impedire: Dignetur fideles omnes ea qua decet reuerentia & obedientia erga sanctam Sedem Romanam, suâ peculiari opitulante gratiâ, efficaciter afficere: quo alacri & Christiano zelo frequentent parochias suas, sibi ab Ecclesiæ Christi Spiritu, distributas, in quibus omnes illos tam magnos & varios Spirituales fructus percipere possint qui supra enumerati fuere. Dignetur quoque me miserrimum peccatorem in numero seruorum suorum recipere, in bono usque ad mortem



sanctam perseverantiam dare, in cælesti suo regno locum indulgere, & Ecclesiam matrem meam quam hic adhuc viatricem suspici, audiri, & in sacerrimis statutis suis à cunctis Christi fidelibus honorari, obediri, & satago; tandem in cœlis in omnes æternitates mirabiliter triumphantem merear intueri.

Interim omnia quæ in hoc paruulo tractatu continentur, censuræ iudicioque Ecclesiæ, toto corde submitto.

BIBLIOTHECA



P I N I S.

JAGELLONICAE

P O S N A N I Æ

Imprimebant, apud ALBERTVM REGVLVM

ANNO M.DC. XLVI.

no  
na-  
fu-  
is à  
tri-  
æ-  
re-

ra-  
ec-

VM



